
# 弘一大師書簡明





人 老 晴 晚 影 道 師 大 一 弘



寶墨師大一弘

多五五 斯編 **澄朱君孑如及門竇德淸宗性** 亦 鄕 師 來多方徵求 弘 之風 將 村 藉以爲 + 所 大師入滅後福建永春李芳遠君輯師書牘若 不 寧。 山 格 收。 以 皆師 後。 及待 喜用 勝跡留 搜羅。 房 出 無 人 家後所作祭 晚晴 接物之狀況可於此髣髴得之故有見必錄雖事 人 益以己所 居守。 一紀念也編 稱號。 門窗 常自 師 舊藏其量已遠倍於李君 姊 磚 爲 署曰 弟。 中 一代僧寶梵行卓絕以身體道不爲 瓦 付刊 書簡除余所 被 晚 盗 晴院 者同 垂 盡聞將 事 沙門或晚晴老 徐君調孚校對 藏 者外來自各方助爲繕寫 成 干通寄稿至滬囑爲 廢 所 墟 輯。 矣斯 方多難 人顏其白馬 編名日 者同事周君 涉 戲論。 瑣 散 晚晴 失堪 屑 刊行顧所收不多未足成集年 書簡 者。 湖之精 者同 虞因 ·振甫例得備書以誌功德 亦 山 即其 房 不 事豐君 -忍割愛焉 排百難 書簡。 舍日 生活之實錄。 晚 不 滄祥。 而使 特 從 Ш 師 之成 郭 别 師 亂後 學凡 夙

晚晴山房書簡 第一輯 序

中

華民國三十三年中秋夏丏尊識於上海寓舍師之畫像前。

#### 與與與與與與與與與與與與與與與與與與與與與與與與與與 呂郁崔高朱 蔡 趙聶黃蔣 葉 李 俗鄧許 善伯智澍勝穌青丐柏雲幼竹圓 宗寒晦心石孑 居士…… 居士…… 居士…… 朗萍進典眼因廎臺希莊淨兄香廬湛 蓮源登攸 居居居居居居居 居居居居居居居居 紹居居居居居 士 士士 士士 士士 士士 四 四 四 通通通通 + 通…… 四 通 通 四 四四四 四 四 七 六五四三 四 五 與與與與與與與與與與與與與與與與與與與與與與與與與 勝詞一拯伯健慈王楊旋李 劉沈龔劉 邦衡魂航正勝勝 芳 子光彬勝質海无 女居居居居居居居居邦南慈遠 愷 華翰信平 士士士居居居居居居居居居居居 六通… 士居 士士 士 士士 + 士 九士 四 十六 十通 通 通通 四涌 通 **.....** 通 七七七七七七七七七七七六六五五五五五五五五五 七六五五五五四四四三一一九七八七七六六六五四 與與與與與與與與與與與與與與與與與與與與與與與與與 覺覺曇妙東廣廣妙如慧芝律仁念豐傳妙 圓徹昕齋華治心慧影律峯華開西德貫蓮 妙弘 空願山 法法 法法法法法法法 律法法 法法 性法 A ... : 律四八五: 師通通通 等: 八 $\equiv$ $\equiv$ 五 四 法 五 通通通通通 通通 通 師通 三三三三三三三三二七六六六五四四一一〇九 七五 四三

高記榜書 老此到其中空日 心作词不是。 完之 多幸,柳心一即以大多数 语 婦 成 係 好 好 语 他 種 西言原本道原 佛書并降你典近十圓。 子文美以外作四冊以供 法文本。 在重送前 演

Ŭ

事心心見 内のるなな 文本 今点 近季的原發新強健盡力見力皆怪但 颇主者然了 四合曲向 柳多高等法 用 十金小倩 野生年 不 いら 泛三日 13

遺

# 與堵申甫居士十四通

申甫 大洋壹圓聊表微意此款亦乞仁者代出惠施即交彼會爲感謹懇不宣弘一啓其 時 不 能 居士慧鑒尊邑救國會前寄捐册一本已存在伏龍寺書架中今彼會來函謂急欲結束此捐册一 取 回乞仁者擔保即作爲遺失俟將來往伏龍寺時即將此空捐册焚化 可也又於彼會擬認捐

感荷順頌 申甫 兼優余所佩仰今欲在鄉辦慈善事余亦爲贊成人乞仁者向邑紳爲之介紹請其輔助俾期有成至用 居士。 囊承 檀德演音疏其二 惠桂圓新春返法界寺乃獲收領深感深感曾復明信至尊寓想已達到胡子宅梵品學

昨晤 日 集錄。 馬居 併帶去尤善申甫居士丈室四月十日曇昉白其三 士說及墓誌銘事欣然許諾不勝抃躍仁者近日有暇希先至馬居士宅陳述謝忱事略能早

申 順 頭道 ·父居 福。 士。 音啓。 曩 承 枉臨金仙未獲晤談至憾毛居士昨夕已來今午歸去彼嚮道之念甚切至用忻慰謹復 其 四

晚晴山房書簡 第一輯 與堵申甫

申甫 惠書 I敬悉近日勞倦尙未加墨仁者暇時希枉談申父居士丈室三月廿三日勝髻疏。 居 士惠書忻悉 一一。小 碑 擬俟明年春暖時 動筆先勿寄下俟明春居住處定後 再以 其五 函示也拙輯

啓 其六

書

華嚴

經集聯」已由

開明書店出版倘仁者未獲披閱乞致函丏尊居士即

可寄奉也謹復不宣音

否惠函 臂疏六月一 + 申 申 金 · 父居 甫 一存貯以爲行旅舟車等用佛號當絡續寄上本月中旬約可先寄奉二十葉內外謹復順頌檀德勝 居 乞寄杭 土丈室馬居士來齎授尊簡幷惠施三十金敬受感謝無盡擬以是中十金供瑣細 土慧鑒前 州城內延定巷六號馬一浮居士轉交朽人至妥此頌檀福勝髻 奉一片計達記室朽人擬於秋間返溫州惟舟車之資猶未籌措未審仁者能 疏。 五月廿日 之需其餘二 其 七 有 資助

延 物。 購 久别深念朽人現居常寂光寺方便掩室。 請 辦 諸物料 有 惠 臨。 他 此 人 未委 資助。 理瑣 具。 事尊 可 (申父居 以足用。 )寓距此 土 希仁者勿念上記之事 匪遙來往 一丈室月臂疏。 殊便擬請仁者負任此事未審可否至於朽人平 不出外不見客唯須請一人爲之護法每月來此 IE 月望 乞斟 日。 其 九 的先示復寄常寂光寺。 稍遲數日 再致函 ·白所 一二次代爲 用 之錢 定期

日。

其

八

惠書敬悉有暇希枉談不拘日時若來寺中告以朽人函請來談之意即可導入禪室也先一二日乞訪

山之通 定 馬居士别寫二紙請轉交有佛書信札等悉乞帶來常寂光在城隍山背脚四宜亭旁由淸波門上 衢 也遲面盡不宣申父居士丈室正月廿四日勝髻答白其十

橘黄 及襯 訂。 乃是曲 册。 昨 昭慶經房自切者 入之白紙則只可省去因此白紙若一一翦成曲線之形極爲不易必致參差不齊也若依第一種 書舊有之書皮翻轉裱貼黃紙一層俟乾時用翦刀依舊書皮之大小翦之其曲線處仍其舊式 裝訂之時極爲 重切者則仍每冊前後襯白紙四頁若冒險重切者訂書處如不能切或向昭慶經房請彼處切之如 之形吻合非用翦 但冊數之先後次序不可紊亂(例如第一冊之書皮仍訂入第一冊等)因此書全部前後樣式稍參差也至於前後觀 原 承枉談至用忻慰裝訂華嚴經事今詳細思維如不重切者則裝訂之時亦甚困難因此經共二十七 色之籤因外襯白紙 來刀 紙。 線。 每册前後之白紙 下方向 切偏斜者以 諸乞仁者酌之再者作云籤條黑邊外留白紙約二分者指另印 困 上而 難且不容易得美滿之結果今思有二種辦法其一。 刀翦之不可若以 曲。 前數册爲 須逐册比量甚爲費事又此書原來刀切偏斜之處朽人曾詳細審視非是直線 固 上方亦向 不須 太闊 甚以後漸漸端 刀裁即成直線與原書之形未能合也以是之故此書若不 上而曲此等之處如裝訂時欲使 也。 叨在 「舊友又以裝訂經典爲勝上之功德故瑣縷陳諸仁者不 正至後數册大致不差故裝訂時裁翦 爲冒險重切其二則 書面及前後之襯紙 夾宣紙之籤條 書面 不重 即以 何原書即係 即書皮子 切即將 - 重切則 與原 企辦 法 冒險 此裝

晚晴

山房書簡

第

輯

與地申甫

晚

厭繁細。 諸希鑒諒至幸新昌牓字宜以佛經句爲宜乞商之此未宣具申父居士丈室二月五日勝臂疏。

其十一

感謝現在的 惠書欣悉 手僵, 艸 艸 旅資已 一 。 馬居士久無消息今書佛號二葉小橫幅十八葉幷佛書二册別挂號郵奉乞受收天寒 不工聊爲 真, 可以無慮謹答不悉宣申父居士演音疏十一月廿日。 紀念可耳不久將雲游遠方乞暫勿惠覆明歲或至杭州再當晤談 數 年 前 將 承詢 出 家 時, 所 需, 曾 至用 以 陰

思威路 一册 、里底第一號李圓淨居士收能挂號尤妥因上海諸居士願石印此書廣爲流. 其書名已忘記 係費小樓畫刻板甚精 奉贈仁 者。 1倘此 書現在仍存尊處乞暫假 一册寄 布也附白。 1 狄

<u>+</u>

屹山 有 日嘗瀏 緣 大士左右頃承惠書忻慰無似不慧將於下月初七日舊曆之嘉禾寓精嚴寺藏經閣究心毘尼仁 必 可 ·覽教典否出家在家原無二致行持不退當來皆可成佛萬望仁者精進努力依教起修將 晤 面不一致訊寄嘉興北門外月河商業學校范古農居士轉送最妥釋演音和南九月廿

八日其十三

來談。 城見開元寺主於浙一館朽人三月未入城三年未至浙一館今適相值亦勝緣也請撰募捐疏, 歡 慰尊 名併 佛號寫 致慧覽過去 公云云與 仁者畏寒者與更三大寶積者與敬廬旣晤 仁者, 一翌朝入 已慨諾

之矣拙書爾來意在晉唐無復六朝習氣 一浮甚讚許此未委悉冷菴居士丈室曇昉疏九月一日其十四

### 與蔡孑民居士等

全國。 題,皆 僧制 加 於 聞 舊 派, 取 旣 子 師 弘傘 乞仁 締。 之弘 於 應 及弘 不 專 師 孑民舊友子淵彝 對 能 如 任 出 等 法 者仔 於子 服 願。 傘 何 整 在 家 盡力提倡。 師 務 青年 故任彼二人爲委員最爲適當也至將來如何辦法統乞仁等與彼協商對於服務社會之 頓 人 法 孫之寺院 八中之情形, 現住 師任之此二人皆英年有爲, 細 社 僧 會又 會演 掛 衆之事。 裏 酌, 妥爲 此是新派。 西 不能辦道 說, 初 湖 少卿 即出家剃髮之處 凡 恐 對於出家 辨理。 新 有 \_ 新 切規畫皆與 隔膜將來整頓之時, 鍾 俾佛門 對於山林辦道之一派 華諸居 山林之一流 旅 館 僧衆 隔 應如 興 壁招賢寺內太虛法師現住 有未 士同鑒昨有友人來謂仁等已至杭州建設一切至爲歡慰又, 仁等商 盛, 膽識 僧衆, 佛 何 能滿 法昌 處 過人前年曾往日本考察一切富於新 置。 應如何 酌而 或未 意之處鄙意以爲現代出家 對 明, 行似較 於受戒之時 則 應如何盡力保護。 能 處置對於 幸 \_ 甚矣。 允當。 妥善此委員 此 上海。 應赴 應如 事 晶 先 意擬 何嚴 二派, 由 此是 其住 二人據鄙 派請仁等 浙 址問弘愈 江 加 即專作經懺 僧衆, 舊 派但此派必不可廢 限 省 制。 另請 誠屬 意願 辦 思想久有 如 法師 殿者應如 起, 是等 良莠 僧衆 便知 然後 推薦 不齊但 種 二人 謹陳 何嚴 改革 徧 種 太 爲 虚 及

晚晴山房書

簡

第一

輯

與蔡孑

民

拙見。 諸乞垂 知并乞代爲致候。 察, 不 具弘一三月十七日。 昨聞 友人述及仁者五人現任委員 此 外 尚 有數 、或係舊友

#### 與 姚石子居士

亦

未

可

省 書, 承 仁歸信佛 法至 可 贊憙。 輒 依 鄙 見, 澤定 應 用 經 書若干種, 錄之如

印 者。 光 通 末 士 之 頁, 文鈔 書, 法 虞。 附 師 及 之首, 請 錄 文 覆 先 余 鈔 泰 撰 有 順 閱 文 定 余 林 法 閱 題 師 介生 鈔 第 印 辭。 今 居 光 又 居 \_ 册 新 普 文 士 論 書 鈔 版 陀, 第 次 排 昔 + = 序 即 爲 表。 首。 六 安 名 頁 依 士 儒。 因 全 此 佛 此 出 次 書 家 教 Ξ 已二 首, 以 序 爲 孝 閱 上 與 仁 爲 覽, 海 + 本 但 佛 者 餘 論, 表 學 年, 近 又 爲 處 中 推 第二 當 之 所 行 境, 記 社 世 册 所 第 關 係 書 卷 印 高 最 者 送。 第 仁 僧。 切。 及 三十 品 無 如 卷 無 格 四 者, 此 高 後 書, 潔 可 暫 請 頁 嚴 以 緩 致 厲, 下 閱。 函 爲 與 自 索 余 衞 無 取。 所 錦 扞 第 最 洲 格 服 本 居 不 膺

靈 峯 文字, 躍 初學 閱 宗 者 覽。 深 論 亦 初 淺 不 閱 互 爲 能 佛 見。 明 盡 書 凡 靈 解, 者, 淨 峯 當於 宗 必不 蕅 関 禪 益 時 宗 能 大 自 及 師 擇 天 文 盡 其 台 集。 賢 解。 所 近 首 古 但 解 漸 者 慈 高 漸 先 恩 僧 修 閱, 密 中 習, 其 宗 知 等。 見 其 難 不 皆 最 解 解 者 具 IE. 者。 者 不 說 之。 亦 妨 先 暫 非 可 閱 涌 緩。 車 此 曉。 集 談 種, 萬 中 自 \_ 不 不 文 法 可 字, 也。 致 急 篇 爲 可 求 他 先 幅 速 不 閱 派 之邪 效。 長, 法 又 各 語 集 爲 及 說 中 書 起 所 卷 止, 信 淆 四 不 惑。 妨 類。 集 跳 但 中

第 四 頁 孝 聞 說, 卷 六 之 \_ 第 + \_ 頁 廣 孝 序, 卷 七 之 四 第  $\equiv$ 頁 建 盂 繭 盆 會 疏, 可 先 檢 閱 之。

釋 門 眞 孝 錄 專 輯 佛 祖 經 書 中 論 孝 親 事 者。

竹 脔 三 筆 山 房 雜 錄 雲 棲 潰 稿 皆 筆 記 之 類, 可 DI 隨 時 擇 閱 數 則。

選 佛 譜 選 佛 圖 如 世 間 陞 官 圖 之式。 常 常 習 擲, 自 能 通 達 佛 法 門 徑。 譜 爲 說 明 者。 此 作 利 益 甚 大。 且 饒 興 味。

婦 孺 尤 官 勸 其 常 常 擲 之, 以 種 善 根。

佛 教 初 學 課 本 釋 教 = 字 經 皆 記 佛 法 之 大 綱, 甚 爲 簡 要。

釋 迦 如 來 應 化 事 蹟 爲 釋 泇 之 歷 史, 附 有 圖 甚 精。

安 士 全 書 揚 州 舊 有 木 版 二 套。 近 由 上 海 佛 學 推 行 社 勸 募 印 没, 已 得 29 萬 餘 部。 是 書 宜 雅 宜 俗, 人 謂 救 #

典。 良 不 虚 也。

佛

學

味。 撮 要 佛 學 初 階 者, 佛 學 起 信 編 類。 佛 學 指 南 六 道 輪 迴 錄 學 佛 實 驗 談 皆 丁 福 保 編。 極 淺

近,

且

有

寶

興 凡 有 不 信 佛 法 可 勸 其 先 閱 此 書, 有

佛 學 問 答 略 示 佛 法 之 大 要。

南

無

阿

彌

陀

佛

解

等

Ξ

種

爲

學

佛

者

最

切

近

之

內

余

之

字

蹟

數

幅。

新 版 淨 土 四 經 可 備 讀 誦。

晚 晴 山 房 書 簡 第 \_ 輯 與 姚 石

晚

彌 贮 經 疏 鈔 擷 爲 解 釋 阿 彌 陀 經 最 淺 近 之

觀 經 圖 頌 爲 觀 無 量 壽 佛 圖。

龍 舒 淨 土 文 淨 土 晨 鐘 徑 中 徑 又 徑 徵 義 此  $\equiv$ 種 皆 勸 人 修 淨 業 作, 最 詳 明 切

歸 元 鏡 依 淨 宗 三 祖 之 傳 記 撰 成 戯 曲 之 本, 最 有 興 味。

往 生 集 淨 宗 往 生 者 之 傳 記。

首 普 DI 慈 徧, 上 恩 八 並 諸 利 種 宗 三 爲 皆 根。 淨 不 宗 即 甚 光 入 逗 法 門 之書。 現 師 今 現 之 在 淨 宗 時 專 機。 弘 者 禪 此 爲 宗 宗。 佛 尤 余 教 爲 亦 諸 不 宗 歸 之 宜。 信 以 \_\_, 是 宗。 喞 禪 宗 甚 念 專 佛 盼 被 求 仁 上 者 生 上 亦 西 利 方 以 之 根。 此 當 自 法 世 利 門 殊 利 也。 他 此 無 宗 此 也。 他 現 種 根 在 如 器。 禪 最 其 宗 盛, 所 DI 及 其 謂 天 學 台 廣 禪 賢 大

宗 者。 大 率 誤 入 岐 途, 可 痛 慨 也。

極 樂 莊 嚴 圖 西 方 接 引 圖 皆 阿 彌 彌陀 佛 等 像o

釋 迦 佛 坐 像

地 藏 菩 薩 像

此 79 種 皆 佛 菩 薩 像, 宜 縣 掛 供 養。 但 阿 彌 陀 佛 像 = 種 中, 擇 掛 一種。 

地 藏 菩 薩 本 願 經 可 備 讀 誦。

多 以 閱。 不 上 前 所 後 記 之經 承 續, 可 目, 以 爲 暇 初 學 時 隨 佛 法, 意 閱 人 事 紛 葉, 繁, 不 未 必 能 從 專 頭 力 至 修 尾 習 用 者, 意 所 研 應 味 用 也。 若 再 進 以 其 \_ 步 册 修 數 無 習, 多, 記 以 數 其 篇 可 章

諸 經 要 集 分 類 輯 錄 諸 經 中 要 義。 但 多 屬 事 相, 不 難 了 解。

請

念 佛 警 策 擇 錄 淨 宗 諸 家 之 語 錄, 甚 精 要。

徹 悟 語 錄 與 林 室 偶 談 合 刊。 偶 談 卽 靈 峯 宗 論 中 之 種, 大 半 勸 修 淨 業 之 語, 事 理 圓 明。

淨 + + 要 即 光 法 師 盛 讚 此 書, 但 多 未 官 初 學。 若 初 學 者, 可 先 閱 是 中 + 疑 論 淨 土 或 問 念 佛 直 指 Ξ 種。 此

則 隨 分 隨 カ 棋 酌 閱 之。

無

量

壽

經

義

疏

觀

經

DU

帖

疏

阿

爾

陀

經

義

疏

行

願

品

疏

節

錄

皆

前

列

淨

土

經

四

注

先

疏。

可

閱

四

帖

上 品 上 生 章 之 疏 文, 續 閱 阿 彌 阼 經 義 疏, 然 後 再 閱 其 他。

佛 說 無 常 經 爲 即 度 僧 衆 常 諷 誦 者。 卷 首 余 有 序 文。

閱 在 家 藏 律 知 津 要 爲 旣 藏 修 淨 經 目 業, 官 錄 提 兼 要。 持 戒 律, 可 先 閱 此 書, 較 易了解。

解。

佛 學 大 谿 典 搜 輯 甚 富。 可 備 隨 時 檢 查。

晚 晴 山 房 書 簡 第 輯 與 姚 石 子

因

是 子 靜 晚 坐 法 續 編 常 州 蔣 維 喬 著。 前 年 著 正 篇, 多 依 道 敎。 今著 續 篇, 純 依 佛 教, 補 救 前 愆。 若 有

稍暇 冒 以 亦 佛 四 誦 恨 不 佛 增 或月小則二十九日。 市 是 授 經 願 四 如 法 廣 多 記, 彌陀 之上 中 每 以 佛 廣 之 可 普 勸 日 此 法 残 大, 下各隨 殺 之究 他 他 隨 度 佛 如天 此 印 功 書。 之 人。 = 誦 力 衆 德, 經 但 物。 種, 爲 竟 此 生, 迴 普 專 如是 之又 皆 卷。 徧 事 盡 回 分獲 耳。 覆, 念 若再增 其 合 是以 未 亡母高 往 可 無 佛 雖 生咒 數 地 來際。 其 誦, 不 有 者, 食 藏 利益。 比年 爲 繼 日 世 不 葷 加每月四天則增加初八及二十三之兩天若再增加每月 難。 誦 誦 苦 並 太 三徧, 出 習 腥, 恭 常 完 薩 願 譬 迴 以 靜 世 亦 向 來吾 坐 人 本 法 人 念南 猶 間 皆 部。 願 界 無 口 文 若 妨。 减 爲亡父或 田 亦 每 經, 有 無 國 法 雨 又 行 然。 輕 日 亦 情, 四 之潤, 佛法 能 有 許 之, 如 誦 宜 同 彌 出 蒙 亦 多 諷 不 畢, 圓 他 陀 萬 昌 其 同 罪 产产 佛最 可 能 亦 誦。 種 人若隨 盛 外 善 常 岩 過。 種 智。 誦 有 者。 社 若發心 善 少一 育。 茹 迴 山此 \_ 人 故 之 改。 事 向 日千 大 素, 噫偉 儒 誘 也。 紛繁, 百 惑 文 課 惟 每 道 茹 L 矣 哉 仁 里之勢。 誤 晨 約 又  $\equiv$ 願 八 入 素 徧, 不 粥 每 在 Ľ 句, 耶 岐 後誦 者 宜買 母 時 文同 日 四 諸 路 可 業 士夫 + 者爲 可 口 法, 者 迴向 先 活 茹 上。 僅 分 障 亦 宜 每 若 物 誦 鐘 速 親 學 素 可 速 月二 滅早 文三 者究 在 更 以 誦 云 勸 內若念佛 餐, 品, 家 願 經, 屬 其 謹爲 天, 中 偏。 名 約 生 心 閱 誦 佛 即 殺 西 迴向 於 此 他 法 = 六天 十 書 戮, + 吃 種 方 擬 斯 毫 以 若 早 文代 五 分 多 定 者尤 經 極 髮之少 糾 即 者, 日 需 素。 者, 樂 鐇 日 正 衆隨 增 及 食 如 以 則 世 擬 課 之。 加十 內 者 者 時 界, 如 净 如 分, 其 可 見 用 士 旧

願

習

靜

坐者

之經 亡母 身讚 PU 陰 撰 及 述者。 又舊 典, 等 尚 十九九 有 書 種 戒 十 殺 菩 或月小則二十 册, 數 放 薩 種。 牛 名號 敬 招 秋凉之後將繼 以 貼 奉 八日 幅, 贈。 紙。 署 如 之兩 統 款 願 悕 奉 付 續 收 早。 印, 天。 書寫。 又 入。 卷 於每月六 又 寄 尾 石 蓮 空白之處 加需 印 池 H 拙 戒 殺 用, 齋 書 俟寫 數 放 日 印 種, 生文 茹 自 就當 請 素, 加 轉 題 功 \_\_\_ 以 册, 跋。 德 鰡 奉 吹 印 又 最 贈。 萬 書 造 大, 率 具 居 佛 經 復 像 士。 號 如 不 余 文 佛 具。 於 Fi. 幅, 經 僧胤 二三年 册, 願 廣 以 明。 余定 疏答石 附 此 寄舊 來。 其 功 綱 、發願 德 要 子 迴 書 向 居 佛三 未寫 尤惜 令

#### 與王心湛居士

席。

之列。 福。 云, 觀, 損 再 淸 法 竭 否 書 澈 雨 誠 法 則 承 悟禪 老 師 印 悉 哀 懇。 未 文 \_\_ \_\_o 師。 弘 禀善 許。 不 方 揚 小 承 久 去 將 慈悲 淨 導 歲 印 倉卒 土, 專 四 磨 彌陀 滅 修 攝 之旨, 護 受。 鐫 矣。 朽 就附 諸 歡 佛 宗。 誕, 憙 闡 人 於當 郵奉 明昌 慶 於 永 明 幸, 佛 佛 得 料 前 代 慧 燃臂 法, 未 善 覽。 簡 之 潛 曾 知 刻 微。 有 挽 香, 識 具 矣。 久已拋 乞三 世 中 中, 風。 法 最 TF 折攝皆具 似 師 寶 服 棄。 蓮 之本 慈 膺 假 油, 力 者, 鐵錐 善 吾 加 惟 慈悲語默 巧 人 被。 印 爲之石 寧 如 復 光 雲谷。 法 H H 測 書 師。 無非 質柔脆若佩 憲 度。 陳 前 章 Ħ. 請。 年 教化二百年來, 靈 約 曾 師 峯, 致 洂 又 明 論, 遜 書 蕅 謝。 陳 帶 永 益 者, 情, 逮 嘉 大 周 及 願 宜 師。 歲 廁 以 步 孟 人而 武 弟 棉 晚 由 嘗 軍

晚

晴

山

房

書

簡

第

輯

與

王

心湛

普陀 已誠 土法語淨土或問淨土十疑論復閱西方合論又閱無 時, 不 必 刊之定論 期 成 就 也孟 此 願 也率以裁復未能悉宣二月四日曇昉疏。 由 又屬 朽 人當 來探詢 法師生平事蹟撰述傳文以示後世亦已承諾。 生論參觀親聞記最後閱彌陀要解參 答。 関淨 土 十 要, 宜 先閱 念佛直 製便蒙鈔。 他年參禮 指淨

## 與許晦廬居士二通

之字應作 所示者平 進步。 常人 未審當 以 扁 承示印稿至佳刀尾扁尖而平齊若椎狀者爲朽人自意所創錐形之刀僅能刻白文如以鐵筆寫字也, 調 尖形之刀可 因印 所 和 注 補 否耶李鄭 文之章 淡恬靜沖逸之致也。 意之字畫筆 救所寫之字 張圖 刻 法布置能十分合宜也又無論寫字刻印等亦然皆足以表示作者之性格朽人之字, 案畫觀之則 朱文終不免琢之痕不若以椎形 二君之單條附掛號郵奉乞收之仁者暇 幅也朽人於寫 法筆力結構, 可矣。 其 神韻, 不 字時皆依 惟寫字刻印 乃至某碑: 西 亦然仁者若能於圖 某帖某派皆一 洋畫圖案之原 刀刻白文能得自然之天 時乞爲 致屏除: 则竭力配 刻長形印數 案研 决不用 置調 究 明了, 方因常須用 **趣也此爲朽人之創論** 心 和 揣摩。 全紙 所刻之印 故 面之形狀於 此形之印 朽 必 人 大有 所寫

晦廬居士文席惠書誦悉諸荷護念感謝無已朽人鬢染已來二十餘年於文藝不復措意世典亦云士

先器 承 刊 信 三印, 識 手 而 揮 古 後 寫, 穆 文 藝況 不 日 復 喜 有 至 平 相 用 出 可 感 家 得, 謝。 離 寧 篆 俗 計 之。 額。 其 I 紙, 朽 拙 率 郭。 爾 數 寫 日後 奉。 誡 十 人 云, 掩室習靜 四 應使 五 歳 文 時 常學篆 謝絕 藝以 訪問。 人 書。 傳, 製月之後 弱 不 冠 可 以 人 後, 以 乃 茲 文 可 事 麸 與 涿 傳。 諸 廢。 即 友通 今 此 老矣, 義 問 也。

# 與鄧寒香居士二通

其

、敏居

士乞代

致候,

不宣音

啓。

其三

感佩。 也。 權 世 也,0 獨 心 數 之後, m 難, 宿, B 非 乎 或 或 前 大 涉 身 乘 異 垂 處 得 之人, 者, 染 異 本月 手 衆 沈 宙, 110 異 入 處 提 於 獨, 須 非 疴, 廛, 初 各禀三 構 發菩 雖 皆 正 或 五 令 顯 同 兼 無 日 書,即 也。 而 少室之門 擅 提 不 至若榮 非 世之幻 化 可。 心。 專門也 復 權, 天 心 佛 或 目 衆 緣 片, 枯 而 單 中 生三 各蹈 禍 雖 業 峯 提 郵 弟子 也以 寄西 正 福 和 無 世 令, 尙 差 莂。 間 本 或子 門。 滿 報 語 門非 觀之 之路 乎 想不 錄 依 報緣。 是 籌 中, 非 得達。 苟 會詳 自利 者, 盈 合 以 樂 何 室, 金 也, 寂 也。 頃 或 言之。 利 剛 雖 而 幻 他, 乃 不 正眼 形影 獲 孤 日, 遇 錄 直 峯 言 其 至 誦 視 相 獨 乎 人, 文 成 六 之特不 弔, 如 月 宿 同 或 佛, 下。 非 者, 也, 泯 圓 抄 或問 絕 非 同 滿 書, 絕 翅飛 物 愛閙 菩提, 欣悉 悟 無 也。 達 聞, 古 埃過 磨直 \_ \_\_\_ 其 而 或 人 乃 聲 得 畢 入 可 所論 目 世 廛 指 喧 旨 謂 耳, 之眞 宇宙, 之後, 無 垂 大 安能 聞, 手 乘 甚 是, 110 實 非 或 人。 或 自心 親 尙 擅 孤 至發

晚

晴

Ш

房書

簡

第

輯

與

鄧

寒

香

之狀 果 若。 亦 善 有 涑 何 人 他 洪。 學 者, 非 何 每日須入城市乞食 旣 固 哉。 推 通 繼 員 菩 H 歸 然, 永 迦 論。 謂 乃 满, 薩 稱 信 留 廣 速 小 山 佛 陀 位 讚 得 禪 乘 居 修 法, 乃 師 夷 辦 苦 律 + 淸 皆 儔 謂 第 道 薩 淨, 本 施 應 菩 者, 道。 --0 關 頭 得 H 者 一發大 律中 薩。 乘 爲 陀 童 如 不 揀 之人, 請 退 大 之行。 子 小 别 說 方 乘 失。 童 乘 乘 具 法隨 說 答須 之 行 女乃 心。 載 人。 其 而 不 上 彼 法 近 圓 緣 隨 修, 持 廣讚 度 有 來 滿 而 教 化。 菩薩 分隨 而 修 生 +. 屢 四 之事 復 聞 中 茲 條。 蘭 親 譏 力 下。 不 世 若 戒 近 揀 别 善知 專 於 具 人 及 有 如 引。 段, 别 學 小 乘 + 有 法 大 學。 三 請 解 識 何 小 此 不 之利 乘。 事, 以 咎 乘 謬 仁 脫 如 或兼 上 者 而 所 此 法 論, 戒。 摘 若 外 又 檢 益。 欲 以 미 錄 學 閱 異 關 佛 痛 圓 善 不 原  $\equiv$ 文。 修。 於 於 稱 慨 之。 滿 財 在 乘, 夫 寧 說 弟 也。 重 大 頭 永嘉 皆 知 乘 法 子 位 陀 子 至 無 見 語 近 者, 度 整 功 又 集第 愛尚 問, 不 在 生 聞 等 德 小 覺, 可。 七 發 之 衆 乘 能 云 章。 不必 存 心 事, 中, 之 尚 使 何 又萬善 去 趣 能 人, 須 能 小 執 戒悉 樂 諸 偏 乘 教 決 上 定己 同 乘 眞 律 化 不 於 善 歸 之湼 猫 得 而 中, 有 說 知 集· 甚遠。 識 屢 情 法 處, 淸 亦引 槃 屢 令 利 住 淨, 法 耳, 之中, 見 得 BP 他 不 此 愛 文 聖 失 蘭

前

日

獲

手

書

迴

環

披

誦,

至爲

欣

承

詢

我

執之義

略

述

如

慰。

是,

而

強

人

必

以

根

器

各異

緣

業

不

口 9

萬

.難

強

致

也。

其

從。

已下

略

執 之。並 去。 佛, 哉。 斷 識 所 自 由 難 初 即 或 頁 我 心 謂 果僅 爾 是 成 未 其 望 靈 執, 要 我 消 觀 難。 佛 頓 披 須 卷 執 之 除。 矣。 覽。 悟, 能 疏 者, 分 吾 較 持 又 亦 斷 竊 文, 别 第 即 彼 云, 名 謂 人 不 見 即 圓 性 + 禪 念 惑, 專 倘 必 吾 依 中, 覺 七 敎 修 不 作 佛, 已 人 大 頁 所 11-中 淨 能 横 辦 意 不 乘 至 行 云, 人 業 值 求 出 道, 妄 H 成 止 世 專 悟。 者, 心 得, 能 觀 就。 八 認 侍 信 但 界 湟 伏 會 不 請 百 四 論 專 己 必 校 我 合。 入, 檢 止。 太 力豎 之豎 如 戒 亦 其 執, 希 爲 大 廿 彼 淨 他。 不 E 彼 乘 自 八 禪 出 必 戒, 出 徹 甚 身相, 此 心 頁 别 求 者, 教 悟 不 4 觀 中 界 中 起 生 易, 參 不 禪 釋 六 靈 者, 人, 疑 淨 亦 師 何 研 塵 要 峯 其 專 情。 省 土 云, 況 尋, 卷 述 緣 力乎。 難 恃 功 但 斷除。 更 最 辭, 影 五 易, 深 斷 己 不 易 第 爲 至 見 奚 力, 必 蕅 故 力 T 五 爲 自 啻 作 錯 到, 益 惑, 蓮 六 心 解。 精 天 如斷 意 此 現 大 相 了 池 七 確 淵 承當。 求 前 師 大 外 頁 幸 是 耶。 破 當 亦云, 四十 師 如 閱 詳 也。 之而 我 只 來, 靈 味之。 識 云, 若 省今之世, 執。 深 必 無 峯 論 里 現 始妄認 流, 身 若 信 悟 宗 占 又 卷 況思 持 說第 無 察 依 --0 味 心 戒 義 大 言之甚 未 之體 念佛 惑乎。 念 有己, 未 疏 乘 成 佛 有 册 卷 生 止 故豎 品 獲 自 能 中, 六 詳。 悟 何 觀 不高 證 然 嘗 證 第 無 亦 中 請 實 己, 驀 出 常 初 + 所 披 當 昧, 地 即 果 有 尋 來 云, 見 我 見 唯

晚

晴

山

房

晚 淨

隨分隨力因病下藥 庶乎其 佛 誡 聞 法時· l如此所 見 宜 惑 即斷。 深信。 但得見彌陀何愁不 但 衆 生 根 不差耳余比來久疏教典 器 不 --, 開 有 悟。 無量 宜 二門深 壽經 四十八願中有云設我得佛國中天人若起想念貪計身者不取正覺。 入者有應 未暇一一檢尋詳委奉答姑即所見略述如 兼修他行者所宜各自量 度, 未可妄效 他 其

# 與俗宗兄紹蓮居士

智,以 念佛 歲云 墓門青草巷口斜陽。 誠款豈復 十年。 M 一門誠 暮矣積陰凝寒言念仁者渺在 來旨附齎佛 相知 委宣 爲 以 津 心 要 矣矣野印以 親逾骨肉 典 人事無常愴焉 一函希垂省覽以自督勵流光邁馳, 光法師 入 山 興悲。 天末。 以 文鈔當達 來, 一个个个个 時 惟有仁者時相 且馳想爲 省展惆悵 丈室幸以 憶 諏問。 何 仁者滯情塵網。 胸 息 來 世 。 清暇研 如。 一歲月 **輒深舊雨之想尋** 味 不居衰老寖 幸宜及時 其 匪假 趣。 或有 如來慈力, 努力, 未達 至見時 懷朝露之懍余與仁交, 毋遺 毋致當來憂悔略 寧脫忍域 知交大半零落。 下問。 願 苦輪 窮 A

# 與李圓浄居士士三通

寫

得 佛 言否答, 甚深, 極 披閱 觀 地 + 薩 所 地 藏菩薩 所說。 樂, 說。 經。 藏 一遠離 惟 上正等菩提又 以 藏 故 頌 稱 菩薩 此 唐 此經 草 有。 據 大 爲 經 經。 晉譯 譯 其通 今略 中, 諸 護 集 金陵版 本迹 所 地 八十 說 過 摩, 藏 有 知, 日大地藏菩薩。 修唯 經 卷內。 惡住 學之秘 地 拉 地 王 俗 靈 大集地 藏菩薩 識 藏菩 雜寫 萬 菩薩以上諸經之外他經中 易 感錄 西秦別譯此品名佛說 眞 (云速住淨佛國證得大菩提占察善惡業報經云地藏菩薩) 彼 漏。 解 如 證菩 密部 薩發心 藏 出, 地 者, 已達 觀 + 藏 貞元 演爲 請問 法。 以 輪 不 提令離諸瞋 十 地 奉 五 經。 能 因緣 别譯 輪 藏 慧 法 淺顯之文及表 版, 最 通 菩 覽。 經 身 善序 至用 俗耳。 華嚴 云, 薩 十 讚 蕅 羅摩伽 品 當 連 歡慰 儀 王 益 以後 本 生淨 卷又 經此 大師 忿又云如是菩薩 + 軌 願 云, 地 經。 地藏十輪經序品 亦 經 佛 是僞 乞詳 秘 唐貞元別譯此品名尊賢行願品皆載地藏菩薩之名但 靈峯 經, 載 地 記, 共三 密部 及佛 國, 藏 地藏菩薩之名者如華嚴入法界品四種譯本 則彌善矣他 閱 種 導師 苦薩 宗 經, 之當獲益甚 世 論 不 說 亦 稱 之所居 説呪 宜 中, 有 八 爲地 流 屢有 大菩薩經等 福 載 藏 德 一卷載 已, 布。 經 地 大又占察善 乘於 復 智慧速疾圓 關 藏菩薩 多 經又 說 問, 於 稱 無 地 成 地 爲 讚歎感應之文甚多乞仁者暇時 金剛 藏 者, H 就 藏 皆 地 思業報 法若 菩薩 菩薩 藏菩 乘, 茲 有 昧 速得最 滿, 不 地 經 經金陵 言若人欲生他方現在 之 具 不久安住 念 經 藏 薩, 最 著作。 中, 錄。 滅 菩薩之名此 唯 後 品・ 勝 罪 朽 亦 有 版 智。 生 有 人 大 亦乞仁者 金 經 清淨 又云, 乘本 善 往 受菩薩 陵 版 并疏 生身 生 西秦譯日持 亦 亦 佛 當 外, 生心 净 晉譯 地 地 生淨 慈恩 又有 或。 後 披 土之 藏 牛 地

晚

晴

占察 不 淨 云, 拾 退。 懺 生 故 者。 儀。 他 蕅 應 世 當 益 本 名占 隨 生 大 在 師 彼 察行 佛 世 依 占 界 前。 法附 察 佛 面 之名字 義 奉 經 疏 寸 彌 後 陀, 懺 亦 歷 法, 專 有單 侍 意 謂 行本 諸 欲 誦 佛。 隨 念, 武 親 意 昌 蒙 心 印 往 授 生淨 不 册。 記, 亂。 迴 佛 如 梵 入 威 是 本 塵 觀 + 者, 勞。 察 地 藏 普 者, 應 會 懺 决 受 願 羣 持 定 儀。 得 迷, 修 生彼 同 行 揚 歸 此 州 懺 佛 版 秘 藏。 淨 悔 冊。 又 法。 國。 此 懺 善 懺 法 法 根 種 有 中 增 爲 四 發 長 部, 蕅 速 願 獲 益 文

作,

最

善。

=,

地

藏

懺

杭

州

版

#

簡

單

可

24

梵

本

地

藏

懺。

揚

州

版

册

太

繁

其

雜。

用。

儀。

彼 削, H 中 闕 明 間 圓 無 以 科 略 所 淨 動 删 减 對 處 文 而 刻 居 似 則 節 少 閱, 士 己 非 華 以 字 科 清代 多 將 道 故 嚴 原 缺 文 數, 不 玄 即 席。 疏 紙頁 時 而 須 略, 談 刻 鈔 里 復 省 藏 或 校 玄 月 貼 變 刻 竟 寫 者 談 + 於 本 列 全 板 畢。 所 木 八 \_\_\_ 無。 出 乃 爲 板 部, 加 日 上 費 已下 厲, 也。 由 詳 协。 惠 而 此 順 用。 後 細 又 書, 刻 疏 便 此 人 口 披 朽 者。 昨 鈔 將 舉 或 知 覽; 人 始 正 鈔 有 雖 昔 此 文亦有 清 玄 收 談 文删 是 鑒 凉 曾 中 到。 冒 於 文 所 原 檢 又 余未 去 昧 此, 撰 字, 前 本 弘 之鈔 甚 大 教 曾 藏。 寄 不 前 多。 當, 將 之 數 藏 與 爲 卷之 雖 中 金 但 清 文 依 科 原 當 所 凉 疏 陵 明 文 刪 鈔 流 時 鈔 本 鈔 末 校 中, 中, 者 别 或 文 通 刊 稿 多 尙 前 於 中 行 本 本 無 後 科 對 有 所 原 照 紙, 關 本, 校, 樣 别 所 文 列 亦 之 完 重 行 存 亦 與 雕 E 科 要, 科 列 未 今 全 刻。 收 之科 但 完 相 文 文 流 到。 原 文之功 亦 存 全 尙 通 同。 朽 非 在, 列 能 會 故 人 # 所 似 亦 出。 齊 本 處, 知 德 全。 應 無 逐 因 楼 删 舊 人名 爲 隨 有 玄 校, 節 大 存 談 等皆 之 妨 意妄 也。 别 而 有 事, 道 至 礙 行 後 補 昭 淸 數 似 光 也。 加 科 寫 刻 文 卷 其 在 年 決

檢 刻 関 隨 奉 意 時, 復 別行 測 也。 度。 是 爾 科文似久已 來 否, 精 未 神 敢 必 頹 唐, 也。 不 悟貴 道 傳, 刻藏 光 日 年 甚。 刊 者 於此 匆匆 玄 談, 刪節 復 存 此。 在 倘有 泉 本 州, 亦 加詳 文義 不 及 檢 察逐 訛 閱。 誤處乞亮之爲幸 。 或有 即 依此照 忘誤, 且 刻。 一俟將 以 不宣。 上所 來 言就 舊 返泉 八 一朽人 月 州 初 後, 所 八 再 日 詳 億 演 細

音啓。 其二

惠 書, 種, 誦 尚 悉。 今年 須 刪 訂 在 者 各 地 泉 種。 漳 廈 此 惠 外 多 講 編 經, 法緣 輯 粗 殊 成, 勝昔 尙 未 錄 所 寫。 未 近 有。 來身體 律 部 參 考書, 如常 精神甚 皆存 廈 | 衰倘天假之年 門。 所 擬 編 之書 完成 精神 康 者

健, 返 廈 門時, 乃 可著 手編 錄 也。 略復 不 宣。 一音略。 其。 Ξ

淺近 詳復 難 昔 會。 承 起, 所 寄 佛 爲 逐 無。 戒 人 前 書 澈。 至 本 今 彙解, 曆 亦 脋 乞 撰 不 三月 考 附 佛 能 證 己 收到。 底, 寄 法 清 歸 道 楚, 下。 在 去。 俟將 近詳閱仁 論, 廈 但 至 門 感。 最 亦 舊 爲 講 來到 藉 精 經。 閨 此 泉州 湛。 機 四 者前 七 月 余 會, 月 時檢閱 常常 在 八 寄來之徐居 五 日。 漳 日 演 勸 州 到 音 城 諸 人 漳 書, 讀 鄕 州 上。 詳陳 講 土 其 誦 屢 遺札, 經。 DA 此 次 書。 一切。 演 本 便中 內有 說 擬 講 住 朽人今年 乞 半 痛 經 月 及 斥 惠施若 清 重 即 於閩 興 返 朝 念佛 夏 干 經 册, 門 南 手刻藏經者之言, 付郵 會等。 泉州, 各地 講 寄 近 不 經演說 講 意 下。  $\equiv$ 如 事 一天後 多忙, 有 其 實爲 他 廈 種 不 及 門

圓 晉居 + 澄 晚 覽。 晴 山 前 房 復 書 函, 簡 想已 第 收 到。 輯 茲寄 與 上 李 一彙解 圓 淨 序 紙 表 紙爲數年前仁者所託 寫者豐居一 土 書

紙

還 者隨  $\equiv$ 集 時, 紙· 九 也謹 集之畫 皆由 乞逕寄交性 後者 者及夏居 時 督促 五 陳, 十日 紙。 不 七 者主 - 宣端陽後 之又豐居: 士各撰 + · 發又 已 幅, 編。 常 由 乞皆 四集 一紙陽 法 朽 師 人 序 二日音啓 八十 一首豐居, 士於今年三月十 收 收 允 作贈 入 受可 曆 幅, 瑩 十一 庵叢 也。 五 與 集 、性常 土之後 月九日發: 又朽人之意, 附奉 九 書 十 中, 法 幅六集百 六日寄來之信, · 以 爲 師。 H 書, 華 茲先寄 共 可爲仁者撰 嚴集 永久 皆於豐居 五紙 豊居 ・ [幅朽人 之紀念又豐居 聯 至尊 跋 土之前 亦述 處。 序 士 紙。 後 時參考 不 俟畫 及此 久即 書中 其 書即作爲書 五 集 事附以奉 附註。 往 之用。 士 編 一發心 生西 輯 乞裁 既竟, 以上豐居 方,此 畫集續 畫 · 覽此信 至六 ) 豐居 酌之護生畫 畫 集爲 集 士 土 編 之序文 即 一之書 之書 亦 存尊處乞勿寄 不 止。 中 集 共 兩 每 止 此外 初 通 兩 十年 並乞仁 集 不 通, 及二 需 再乞 一集 前 用

荷 Ш 百 願 其 圓 律 餘 一晉居 弘 輕 册, 卷, 在 法 易 家備覽略編因普被在家人故將來出版之後慕名而請購者或尚有一二百人若眞能披讀而 除 出 爲 士 贈 重 版 行 再 送 任。 者, 覽。 事 之外, 鈔 仁者致常 持 罕 犯 方軌 聞 因 大 律 以 有 師 學 凡 人 表 書, 夫情 解之初 一誦悉 出 專門之撰 資 見僭爲 請 稿若 購 述, 者。 承 即 欲 詢 出 編 贈 版 之事, 述 出 之後, 者, 版, 送 與 其 恐 尙 未 人, 無 須 一 册, 讀 人 能 精 者 能 校重 契 爲 讀, 理 亦 行 希, 難 契機。 爲 事 僅 於 編 鈔中 流 藏 必 訂。 須先生 置 通。 朽 -高 昔 部分之科 近 閣 蔚 耳。 如居 西方 來對 Ħ. 如朽 表唯錄 士 迴 於自己之著 刻 入 、娑婆乃 人近 南 山 舊 編 律 科 書近 作 可 而 負 不

頁。 研 尙 有 7 解其 半, 心。 未 義 抄 者, 錄。 或 謹 亦 復, 僅 不 有 具。 仁 者及 音 啓。 古農 五 月 幼希 + 日。 數 時。 居 附 土 耳。 近 紙 乞 來 於 目 便 疾 中 增 劇, 交 與 紙。 抄 夏 錄 居 備 **覽僅** 士 爲 感。 及 此 半, 次 書 約 寫 五 + 備 覽 餘

稿,

頗

爲

用

每

寫

頁,

須

小

時

以

上乃

至

兩

小

附

呈

廢

稿

+

善

法

其

六

共 奉。 圓 計 題 晉 句, 九 居 決 + 士 頁。 定 澄 覽。 改 中 爲 惠 國 頁 加 書 數 邊, 誦 悉。 俟 與畫之邊相 秋 宗體篇 凉 久 晴時 同。 已 並 於 郵 題 前 奉。 頁 日 謹 寫 數 復, 竟。 外 自今日 不 國 宣六 頁 數 之數 月 起, 初 寫 五 目 畫 字則印 日。音 集 題 啓。 句。 俟寫 刷 其 裝 七 訂 畢, 時, 即 將 可以 畫 整齊。 集 依 也宗 信 札 體篇 例 郵

畢 乃 亦 月 寫 顧 漸 圓 間 能 以 第 晉居 次 事 能 後  $\equiv$ 爲 出 耳。 著 次 之若 版。 24 乃 士 瑩 手。 戒 紙。 成 南 TF. 本 稿。 欲 鑒。 將 就 山 人 講 他。 律 圓 來 以 惠 修 錄, 即 南 前 滿 書, 在 淨 誦 亦 附 山 預 家 成 久編 年 土宗 於 計, 備 就 悉。 在 譜, 覽 其 諸 四 者, 業, 家 就。 於 五 略 承 以往 關 共 備 數 月 編 必 覽第 年 間 第 須早 念至 <del>|||</del> 生 前 可 或 已編 册宗 極 用 以 生 74 一樂爲 册 將 極 感 删。 後 後 體 樂, 就, 第 慰。 今 篇, 第 半 也。 見 朽 尙 羯 存 册 至 佛 人近 一標的其現在 今 證 磨 鼓 稿 可 用, 講 浪 本 是 已 將 果, 年 前 錄, 嶼, 寄 已來 迴 半 入 久 僅 奉。 《娑婆乃 須 E 有 近 第 精 所 編 重 以 力 數 次 編。 就。 紙。 目 衰 有講經撰述等 以 以 力 正 能 頹, 共一 上 後 稿 不 爲 時 册 兩 擬 佳, 寫 也。 有 或 種, 精 竟。 古 再 小 四 皆 編 尙 德 疾。 神 册。 云去去就來 種 須 將 靈芝 恍 須 編 種弘法 輯之事 俟編 來尚 惚, 整 年 恐 理 譜, 輯 擬 須 增 在 再 材 延 删, 迴入娑婆指 僅 期 家 爲 料 然 미 皆在 備 整 後 覽 理, 少, 再 力

晚 晴

十 其 此 渦 八 姑 信 日。 時節 作 示 音 他 此 啓。 想。 到 人 其 他 經云, 來撒 人 見 人 手便行決不 者 命 或爲 在 呼 吸間, 鷩 詫 以 弘法 固 也。 聶 不 事 雲臺居 能 逆料 業 未 華 而 士病狀 未 來之事 生絲毫貪戀顧惜之心。 如 何, 也。 以後 余 與 來信 仁者友誼 時乞便中 甚厚故 朽人以 ·示及謹復, 敢 上 盡情 所 云 不宣。 編 言之乞勿以 輯諸 三月 事, 不

西 切。 圓 者 現 淨 乞託 在 居 紙 土 慧覽。 豐居 張 人 朽 I +: 書寫 皆漲 人 今歲 價, 可 也。 稍遲 世壽 乞夏居士作 六十即擬的 出 版 無妨但此續 序· 掩室 無須 不再請 習 集將 靜暫 馬居 未能 士作。 來必 通信關於 音啓。 須 出 其 版, 九 未 畫 可 集 中 事 止朽人 第二集 在世 乞與 夏居 可任 + 接 倘 治 牛

提 集 圓 前 淨 IF. 續 早 居 速 編 土 流布 文席近以友 編 輯 之後頗能契合俗機豐居士有續繪三四五 成 就, 以 此稿 人請住 本於 檀林鄉中結夏安居故得與仁者 上 海, 俟 諸 他 年 陸 續 付 印 六編之弘願。 可 特 也。 殊通 不 宣 一一音啓 而 信 L 發起 一 朽人老 病 重 其 一要之事 + 日增未能久待擬 以 護 生畫

版。 員 加 外 粗故。 他 因 國 頁 居 數。 字 每頁 土 之筆 一瑩鑒。 畫幅 下 端 茲寄 上偶有木炭起艸稿之影子攝影製版時乞除去其分甲乙丙等悉依豐居 書 之 太 數 細, Ŀ 畫六 目 不 字, 能 十張, 皆 製 連 鋅 製鋅版 版 封 者, 面 乞先 二張, 其計 扉頁 影 數 印 至 若干 一張, 百下 字 册 後 六 爲百 再 + 一張, 依 百 影 二等不 印 馬 者 序 用百 製版 張。 Ō 口 初 字 集 也。 樣。 字 因影 共計 與 即 邊皆 者 士所標寫者 筆畫 照 百 廿 原 皆 自 樣

見 每畫 一二三等係畫幅之次序今已無用。 幅後上 ·端鉛筆所寫者 有四幅以朱筆標寫者係後寄來之畫由朽人隨宜標寫。 其補題詩偈者除學童之名以外大約係豐居士所作隨宜署多名 畫幅後面上端朱筆所

寄其頁數之字乞託人代寫寫之格式附紙說明致夏豐二居士各一紙乞便中轉交又與豐居士立幅。 由彼面交朽人可也謹陳不宣九月三十日音啓 旦乃可與仁等通信也仁者之地 圓晉居士 耳六月十日 音略 其十二 一文席朽人世壽周甲已過擬自下月中旬始至農曆明年辛已除夕止掩室靜修須俟。 其十一 址倘 有 變動乞於辛巳十二月初旬寫交性常法師於壬午元 護生畫初集題句附寄上子愷寄畫至尊處乞代 且 壬午元 淸 轉

#### 與蔣竹莊居士

如蓮 頗 竹莊 壬午元旦音啓 於朽 居 不著水矣爾將親近講座希有以詔而教之當來所造寧可量耶拙書一葉附奉瑩覽謹復 士 | 丈室惠書忻悉 有 所 規導今歲 年十 **唇承獎譽惶慚何已芳遠童子十三歲時即與朽人相** 九矣工詩詞善刻印 識見尤超 卓絕俗。 生於富 貴之家 識。 而 爾後, 不 沈 常致訊問。 溺 晏安猶

#### 與黄幼希居士

六 有 疏 教 考證 述鄙 大寺中 者 文。 爲 幼 於日本寧樂刊 應另 鈔, 藏 力耳。 希居 不 不 似 少。 本 明 同 意 科文一 行 未 較 藏本 者 數 前 士道席不晤倏已十載近聞仁者校定 經楊 善此 懸談 起 則 甚 所 之訛 校點 頹唐未能詳陳僅略書此以供參考明春即擬往永春等處住址未定仁者收到此函後暫 而 多。 以 經 册自縉雲移疏注經及削成略抄而古疏科記傳者 與 記瑕 史中傳說此疏一卷併義記 居 第 備 考「 玄談 上 士 字。 參考。 四四 一文連續 卷 校訂即付刻故其訛誤甚 瑜 \_\_ 不 金 以 會 亦僅自備披覽中多訛闕且未及與大正藏本對校簡陋殊無 一亦有文義 |玄記 下 玄談古會本 陵新刊本玄談之圈點 鈔文中, 者。 」之牒 第五册甚多 略去 幼 六卷有日本明 疏鈔文處可 徐居士疑出自唐代 穉 疏 訛字及句讀誤 科者甚 處 一多今略附錄於後以備參考有應作 亦 華嚴疏鈔至用歡讚朽人亦久有此志但衰老日甚, 多精 句 德二年 多, 讀, 以見會玄記 唯依文 義。 此 想其 非後 其文與 此 處頗多按此 土明洪 精義 人所 意之大致若參考會 明 所依之本與明藏 武二十 尠矣。 删。 或是 藏 即是弘教藏之本中 書原係别行疏一卷圭峯 摘 會玄記常 四年之翻刻宋古刊本今存 以上據宋行霆重刊古本之跋文載 錄 前 人 小注而 「玄記其 之作 州 本 足觀, 新 不 耳。 版, 同 疏 刊作大 者甚 鈔别行 行願 訛 句 故不寄奉茲 誤 讀 |多亦| 品 甚 日 應 多弘 字者 一無能 本 别行 改 本之 日

精神

去 陵 勿 應在 刊 覆。 文亦有 者 本 蔣 爲 金陵本卷 懸 竹莊居 依明藏 談 前後 卷二十 士乞代致候十年前, 補 入之字 二十一 不 一符又 一第 案此 第二頁第九行下續之乞檢明藏 與别 + 四 一頁第 行  $\neg$ 第二 科 文不 曾在清 十行 二字, 同 第 處。 凉 與别 寺 所謂科文卽是玄談古會本之前所列者非是今新刊之全科 同 雙會 行 聽華嚴經想尙憶記否謹 科文合 調 印 知除夕前二日演音啓 但 會通 依 前  $\neg$ 鈔 四四 文應作 法 大小 陳不宣再者華嚴疏 第 不同 此 鈔文 一云云。 金 陵 上面 本删 鈔中 如 金

### 與聶雲臺居士

世俗 雲臺居 來 能 以 言 易 世 四四 念佛時常用 人微言 諸 句偈, 僧 於 改 士道 或 僧 則勝彎 輕, 腐 變 衆, 鑒惠 儒 也。 若令 又因積習難改故未能實行近聞廈門南普陀寺於數年前已改用燄 之願 之作 爐 其 彎 書, 香 生西 罕 改 新 讚 誦悉彎彎新月讚偈余於十年前聞之已 月多多矣; 唱 有 此 一方淨 經 可 是 取 偈: 供 恐咿 養 土 者。 讚, 中 余 此偈附寫紙尾余意讚偈應選用經中 非 四句其末 自 啞 讚 不能 慚 佛 德 也。 上口。 薄, 句爲 雖 始 見於 久 未若改 不退菩薩爲伴侶語氣殊 有 蓮池 訂 正 燄 之意, 大師 口 中 知其非嘗勸改用普門品中 然無 所 四四 句, 割 是爲 所載 人 課 信 誦 者爲宜, 彼等 受, 中。 未完足似尚有下文者 故 唯 放 知 可 似較 付 燄 口 此 書中 之長 讚 口 别 最 時 嘆耳。 古其 撰 所載普陀 五言偈句。 所 者 常 唱者 優 他 再 且此 也。 者近 皆後 必 但 旧

晚

不周 務, 四 亦 尋 罕 僅 聲救 有 言 成句· 注 牛 苦度羣迷故 則 意 西, 於 語 而 此 氣 無 利 者 旣 能 可 生 之願, 號名爲 長 完足, 嘆 亦有 耳。 且 觀自 謹復, 具 利 未合。 在。 不宣。 生 之願。 余於 載於天寧版燄 一演音啓 但 五 至 六 今猶 年前 讚 第三十 觀 無 曾 D勸人 世音菩薩 人 承 七頁 、將第 用 者, 偈, 四句改爲 口 見習 普陀洛伽常 慣難 普 改而 利 入 定隨緣 僧 切諸 衆 多奔 含識, 赴 感 走 用 普

#### 與趙柏廎居士

此 店 史, 旣 他 函 者 前 中 緫 巨, 文 未 復 能 否則乞與李圓淨居士商之彼必能盡力輔助也李居士寓上海狄思威路 露片, 而 義 國 如 日 校 是 甚 紙 印 以 佳。 想已 印 簿 摺 翻 正, 僅受具 未能 好, 面, 未 印, 收 再 線 精, 廣 到。 以 爲 訂 反 工 損 足戒 寫 整乞亮之前次尊 石 本。 流 美 印 與 傳。 經 佛 觀。 四字乞改爲受持 本 珂 交 今寫 羅版 就, 學 附掛 佛學 書 不 之經, 局 能 書 所 號 翻 局 另 擬 函, 郵 石 印 即。 即 奉。 翻 以 佛 五六 > 連 可 印, 五 戒。前 池拙 學 依 史 以 伤宋 紙 年 彼 書 書 之所 局 函 來, 地 石 附奉, 小號鉛 藏 印。 以 未 前 曾 好 經 中 併乞 印 見 所 用 國 之 聞 舊 印 字排印附於 1 收入。 利 式 日 拙 楷 也。 益 連 寫 書 此經宜用 經故筆 品, 史 八 E 甚 種, 海 大 **經文之後** 致 佳。 皆 石 倘 用 墨 印 相 攝影 十分 口寶安路 書局, 價 夾 同。 官 價 太 生藥字 倘 昂, 紙, 石 更加 廉 1 品品 摺 印 미 永興 爲 者 本, 題 精, 改 布 宜。 體 有 最 目 里底, 素識 因 壹 爲 面。 亦 江 將 行。 有 相 南 資 宜。 俗 連 本 前

再以 靶 號 子 地 以便印 塲 )址奉聞質平居士處亦乞代告此意柏廎居士慧覽舊十月十八日演音疏。 電 車, 好摺疊時 可 到 狄 思 威 便利 路 齊整乞即 口, 或先 與 照樣印之余約於數日後即: 函 商 亦可云 由余介 紹 可 也寫 往廈 經 門。 每 葉中縫, 以後暫勿來信俟往 有—— ———

# 與蔡丏因居士四十通

 丐 因 居 谿 人。 悉 鳴 修 鶴 淨 士慧鑒惠書幷靈峯年譜悉收到。 場 業。 五 并達, 磊 寺 弘 不宣音疏答。 收。 五 磊 住持者承觀宗寺諦公法派道風甚隆, 其 **尊翁墓碣願爲書寫希** · 基隆同居者九人而過午不食者 示其文句幷尺寸以後惠書乞直 寄慈 四

宣閏七月二十八日演音啓其二 誠爲 丏 因 居 士 漳城佛法 一慧覽承 復 施 興之象也近已請本鄉保長講此經聽者甚衆仁者法施功德曷有 地 藏菩薩 經 像昨夕已收 到。 感謝 無盡後1 日適值菩薩聖誕, 先三日寄 極耶謹復並謝, 到因緣一

 丐 因 居 矣。 月 不具舊元 圓 士道 滿。 定席前復二 其 餘 旦夕。 諸紙, 演音啓 明信 擬俟講畢 想悉收到昨今二日書寫 此 再加墨也是間氣候 函 將發獲奉 手 書誦悉一一承施景印墓碣甚 十件附郵奉上自今日 和暖桃榴桂菊等一 時 並 始, 開幾 爲 感南 僧衆講 不 山律苑學侶 知 其 律, 爲何 約 至 時 舊 約 序 四

晚晴山房書簡 第一輯 與蔡丏因

十五人乞再寄下十五册别所需者由拾法師函達附白舊正月三日其三

十七日演音疏。 仁等能常居晚晴爲宜因空室閉鎖星朽壞也少渾已往漳州未能一晤附奉近書一葉希受收普潤爲依 丏因居士道席惠書誦悉承寄智論地論幷記悉已收到晚晴種樹甚好余爲講律多忙一時未能返浙 余學律者即 是廣洽法師也 謹復不備 近得印度Sultanmohanmed公司所製名香折短爲四小枝附奉上,。 二月

其四

十九 之友人由紹來杭之人甚多故可不須付郵 初六日來杭寓招賢寺數日已來與諸師友有時晤談自廿五日 立夏日始方便掩室不見賓客疏鈔二 士。 法師出外者乞交副寺師代收須掣取收條乃妥 轉交朽人往生論註尚未由溫州轉到謹達不具一一 巧因居 孫居士乞代致意附一箋乞交李居士 一册印一方乞收入開示錄三册乞仁者受一册其二轉貽孫李二居土疏鈔已閱竟者便中託妥實 曇昉疏三月廿二日其五 帶至杭州送呈招賢寺裏西湖新新旅館旁住持弘傘法師 或弘傘

此物分贈與學律諸師圈點律書及余自用乞以惠施俟購妥後付郵寄下依包裹例 託人向上海棋盤街藝學社或他處購水彩畫用鉛瓶裝硃紅顏料兩打 惠書忻悉一一講律尚須繼續今歲未能北上也楊少渾伍敏行夏龍文徐嘯濤諸居士皆乞代爲致候 德國 Schoenfeld 公司製或他處亦可以價廉者爲宜顏料係硃紅 色與他種紅 有別也若託能繪水彩畫者購 計二十四瓶原名 Vermlion, 爲感丏因居士丈 之尤安。 便中乞

室演音 疏。 其六

也年假時分 聯已將寫 丏因 秋凉仍往 惠書, 居 誦 土慧鑑 悉。 閩南耳爾來法緣殊勝上海佛學書局發願印拙書佛經及屏聯近二十種廣爲 就, 仁者若歸秀州乞檢大智度論全部付郵寄下至感謹復 承慈念甚感講律未竟不能返浙又南閩冬暖夏凉頗適老病之驅也朱紅遲到 由劉居士影印近又發心編輯南山律三大部綱要表記約六七載乃可圓滿順達, 惠書誦悉。 感謝無盡傳言失實非劫持也今居法界尚安近歲疾病精神大衰畏 不宣。 一两因 居士 丈室演音 流通華嚴知 無妨, 疏。 寒尤 非急需 其 七 其。

丏 因 居 寫就乞即 至 Ŧi. 左 九月十 右 動 士近有韓老居士屬 五日 餘 身 交韓老居士爲 印 往溫州 時 他往。 明春 過冬住址未定俟後奉聞李居士處亦乞代告此意謹達, 感。 始業。 書石佛寺聯擬請仁者代筆一下款寫亡言一下款寫論月。 五磊寺主等發起 經費等皆已就緒自今以 南山律學院余已允任課三年每年 後預備 功課, 甚爲忙碌半月之後, 不宣音啓十月十二日。 七個月 茲將原信並紙奉上 舊 曆二月 新 曆二十 十五日

疏。

四月六

日。

其

八

其 九

丏因 士, 共 居 包希轉分贈爲禱 士 晚 晴 覽。 山 惠書 房書簡 誦 悉厚意慇懃, 音在此講比丘律學法緣甚勝數日後仍續講或即在南閩過夏也學校用教 第 輯 感謝 與 蔡丏 無盡拙 因 輯 地藏菩薩 聖德大觀, 不 久由 E 一海寄奉 仁者 與 李居

晚

甚 授 多, 法 書乞 有 耳。 日 」擇其 不 本 宣。 人 演 編 簡 音疏。 要 蓮 座 易 解者 部, 共 惠施 日。  $\equiv$ 册, ---部, 專 沭 以 備 佛菩薩像之蓮座 研 習教授 方法, 爲講律之用 種種形式甚爲 也。 美備。 盧居 仁等未能 士 藏 東 西 來此 洋 版 觀 佛 像 書

爲

憾

事

三月

其

+

前夕 十日前 於名刺 他 小 寄 丏 便 惠書 到 中 因 裁 來 或久居以 24 居 并 册, 復 白 送 士 上 疏 慧 在 馬 存 自 不 鈔 覽。 溫 湖。 寫 友 一一因居 秋暮 答 即 人 册, 郵。 惠 弘 處以 仁 書, 分罄。 \_\_\_ 前 白。 者 或遊 介紹 承 日 士舊 待仁者託 此 悉 屬望之切 收 他方舊藏 書 數字 到。 \_ 由 八 晤 月廿九 厚 他 談 可 也。 人 意 人 耳。 宜 不宣。 慇懃 主 來領。 華 疏鈔近二 俟 持 日。 嚴 五 一演音 感魄 演 部等章疏 十 發 其寄存之處俟後奉達今婚 來紹之時, 音 行, 一十册, 疏。 疏。 無 未 九月十六 已閩 便 再 護 甚 內有 中之行 生畫 今未 索。 多仁者若有淸暇研 數冊 仁者 集 日。 能 俟後 爲 如 破 再 版已由 未決定也 附 是 欲 續寄 例 夙約, 奉 也。 閱, 拙 又 浮居 書 未 便 開 他 中 丏 因 居 明 玩當以寄存 口 種 東 書店 中 土當 佛 向 希 止。 開 書二十餘 1士除夕。 當 印 代 仁者自受并 明 來迄 行, 陳 覚之附白<sup>‡</sup> 較 尊 說。 浙, 爲精 齋, 月臂疏其十一 册, 聊 於 與 必 以 來 美。 供 正 往 轉 其十一 慧覽。 訪時, 月 前 秀 施 水 僅 初

梵 丏 因 居 本託佛學書局影印流布於滬變前由廣洽法師先後滙上二百元爲附印之資託高觀如轉交朽, 席。 是 間 近 無 變化, 稍 遲 或 往 鄉 間, 屆 時 再 以 奉 聞 也。 茲有 懇者, 今夏 朽 曾 以 所 藏 行 願 品品

數

公日後 乃:

付

又

其

十三

存 掛 書局, 歇 在 業, 寄 青 去 惟 島 原 稿 此 佛 時, 學書 遺失, 書原 曾得 則 稿 局 高 可 甚 居 局 作罷 爲 址 土 珍貴請其 在愚園 已返北 論。 倘原 路 平 \_ 稿 寄還至今已一月餘 Ŧi. 書,謂 四號 仍在者乞彼送至仁者處乞仁者暫爲收藏。 不 膠 久即 州路附 可出 近 沈彬 版 無 云云迄今尚 翰 有 復音乞仁者爲 居 士 一詢問 無消息 此 事, 致電 謂 頗爲 前 懸念一 話詢 滙款二 勿寄廈門 沈居 月 百元 費 士。 餘 倘 前, 神 可 至感 書 致函 以

**丐**因 講 青 仍 年 寄 華 嚴 乃 泉 居 土道席。 大 至 州 意 基 承 三日附白。 督 天 八寺 轉 交 教 惠 徒 書 皆 誦 其十 不 悉題字附奉, 甚 宣。 歡 五 演音啓 讚自 明 乞收入 舊二 日始, 月十 在各處演講 承寄 \_\_\_\_ 日。 下叢刊五 五日。 在 承 後在 天寺 部, 至感下 開元寺講心經 講 行 月初 願品, 旬 至 尙 昨  $\equiv$ 須 日 日。 圓 往 惠安縣 又數 滿, 聽 日後 衆 講經。 其 在 多, 一善堂 惠書, 部

演

音

啓。

其

+

四

 写 因 居 復, 輯 相 輯 編 以 似, 備 後, 先 訂 演 亦 列 土 法, 音 乃一 道 爾。 短篇之經律 疏。 席。 如 時之理 六月十 惠 此 變通 書, 誦 九 論 想。 悉。 辦 前 近為 日。 法, 律論 未 函 其 十六 知 或 詳思, 未 缺 口 收 殊難 否, 譯 到, 乞與書 以後 本, 後列 實行且將來有種 若 局 此 有 主事 土 要 撰 事 述, 以掛 商 之便中示復爲禱。 凡 種困 號 難。 爲妥簽題及序文 將來編第 及 藝術等文酌選 所 輯 寄 時, 日 奉 仍擬菜第 本 數 上。 書 種 前 月所 附 部 於 已收 一次大 其 擬 後。 第 到。 第 致

晚晴山房書簡 第一輯 與蔡丏因

日。 事, 中 演音啓 火車 秋已前一 土道 不能 通, 席。 惟有仍居靑島耳承詢所需至用感謝俟他日若有需用者當以奉聞謹復不備 食言 惠書誦悉 他往人將譏爲畏葸 青島 或可 節後 無戦 如有 事, 惟 輪船往滬者甚善否則須 商民甚困苦耳朽人此次居湛 乘火車至 Щ, 前已約定 浦 口轉滬 至中秋節 枕若· 七月廿 有 戰

大 惠 戦 争, 誦 亦 悉。 不 厚 願 情 退 至 避 爲 感謝朽人並 也諸乞諒之不宣音啓 前已決 定中秋節乃他往今若因難離去將受極 其 十八八 大之譏嫌故雖靑島有

其

+

養乞附 慈念惟 **丐**因 者, 寺。 於 秋凉 此 外 者 居 乞隨 横 郵 仍往 士 以居處 若 智鑒。 寄 塘廟 他 也附白。 下爲 意 閩 人 有欲 鎭壽 轉 南。 無定故久未致書問訊耳去歲 惠 感又圓 施。 以後 書誦 得 心謹復不宣誓。 。 春堂藥店轉交法界寺弘一收附郵 惠書 悉。 種以 覺 至用 大疏 一希寄紹 爲紀念者再向 一舊正月十一日演音疏。 歡慰。 部 一朽人 興轉百 前 在 近 仁處 年已來 閩 官 時 領取。 夏間, 若交民局寄者乞將百官二字收爲驛亭站若 以數月之力圈點并節 是遺囑當來由 曾立遺囑願於當來命終之後, 兩 遊閩南各地幷吾浙 奉拙書一束內有 前 存仁處賢首 夏居士等 錄 角紹溫 鈔 図 五言聯及 師墨蹟 受 文乞仁者檢 Ŷ 収 耳。 所 諸 一册, 佛 數 邑法 有 交郵局寄者宜 書籍 力小額奉贈 日 出 近欲 後, 緣 甚盛, 即 悉 請 返 以 回供 法界 堪慰 用百 奉 触

當

法喜充滿

其十九

若命 别 丏因 人 遊 要, 大本 奉 + Ħ 終 居 H 溪者 後 尊 者, 起 土 一隨意 書 即 即 慧 僧 簡 往 暫爲 以 論 鑒。 札 闔 自 此 惠書, 疏 受並 數 中。 書 解 收 彙集等 紙, 衰 貯。 盡贈與仁者以志遺念此外有奉 具悉寄存之書共 以贈 老 將 以轉 來覓 日 銘 甚, 施 有木 紹諸 相 便, 他 見 齎 人, 夾板二付晉譯華 八共裝入 無期。 子。 奉 十三包其· 附包入零 仁者未 惟望 兩 仁者自今以 大 審 紙 嚴用。 網籃, 、中大 中。 可 此 否, 未宣 八部之書・ 乞裁 |約重七八十斤 是等諸 贈結緣之書及零紙等 、酌之若 悉。 後, 漸脫 演 書朽人他 有晉 音 唐譯華 疏。 可行 塵 擬 九 勞, 託 專 者, 月 春 日 嚴經賢首 七 心 希 暉 倘 向 中學 日。 即 五 有 其 道。 致 包, 用 解行 時當掛 楊 函 每 探玄 楊 君 包 雙 君 數年 上 融 記, 來 酌 有 前 深 此 紙 取 此書 在 領 入 返 籖 紹 數種。 取。 極 寫 興 精 朽 触 同

向 爲遜今亦付 之 頃 鈔 自 林 佛 品品 四 時 書 誦 經流 共 册, 不 寫 惠 若 須研 送存 細 書, 通 楷。 忻 味其 册, 處, 彼 是 石 悉 并 處, 屬 以三百 印 乞示 俾便 以 文義唯賞玩其 出 家比丘 結 拙述 二十册存天津佛經流通處皆係贈送如有僧衆願研 知。 他 善緣尊宗禹澤居士, 四分律 四四 日面 之戒 分律表記 奉 (書法則無法 律在 仁者。 比 丘 1表記 共 家 戒 印 相 人 冊太大不便郵寄若 不宜 Ť 未審今居杭 過矣又拙書 表 册, 記, 閱 今 由穆居士以七百金左右獨 覽但亦是 已 石 何處希 地 印 藏菩薩本 擬贈仁者及李 流 地藏 布。 經早日印 示知。 是 書 擬 願 都 以 經見聞利 力印 就, 百 亦并 四分律 居 餘 求比丘律 成 士各 大 交去否 頁, 以 益品, 費五 五 表記二册及 一册以志紀 百 則 上者若居 書法較 年之力 他 册 日另寄。 存 E 華嚴 士等願 迴向 念。 編 海 奪印 功 開 輯, 品品 井 逈

晚

晴

山

房書

簡

第

輯

與

蔡

西因

遠 將 將 丈室。 豐子愷 往 此 他方今移居 以爲 居士 紀念者 -轉交恐朽-杭 皆 日勝臂疏答。 州 可 託 城 人 內 人向 不 銀 久或去杭 洞 上 海功 港六 、號虎 德林 .也承詢所需俟後有需當以奉聞敬謝厚意此未宣具。 跑下院 就 近 領 暫 取。 住, 地 料 藏 理未了諸事。 經 共 印多少, 惠復 如何 分法, 乞寄 今尚 主 海 未 紅 灣 悉。 鎭 朽 | | | | | | | | | 立達學 不久

士

其二十

丏因 略 第 以 日 編 以 等此 + 爲 佛 示 種。 輯。 輯 續 研 學 輯 知, 所 且 所 出。 居 新編, 求乃知是爲專門之學未可率爾選擇評論第 叢 再 爲 預 擬 選 八月 每 + 佛教 書 書, 者, 道 定 輯 每 由 似範 之形式 寫 者大 輯 以 席。 廿 簽條及序言奉 蓺 人 變 短, 惠 五 負責。 術。 圍太 換面 易解, 致 書, 以後若續 如 誦悉。 不 是第 廣大今擬酌定 第三 切 目。 同, 以引 要有 未可 將 輯 來 輯所 分類 出 擬 共出 起 興 也近自榑桑國 者, 讀 味, 專 者之興 選輯似· 每次 收者 收 有銷路 標寫 日 佛教 佛籍 變換 經論 部名。 蓺 味 爲 未 (典) 也。 標 術。 面 雜 可預定若無有銷路主事 如經論等此事前曾再四躊躇。 集之部 請 目。 第 準, 舊 但如 每兩 1 輯華 到 一輯第二輯擬不用佛像將來倘第 一輯擬 佛像 小叢刊( 嚴 年出 類 此 集聯 類 書 略 專收音所 數 之佛 備, 可 刻) 輯或全輯總 編入余可 + 第 册, 書 未知 輯多爲 輯 實 及古版 者厭倦, 編 不 以不標爲妥恐以後發生困 以 可否乞裁酌之定名之後乞 者 可多得故第 編 佛書近千冊多爲希有之珍 售, 輯 警策身  $\equiv$ 數種, 或又 + 即 種。 出 此 零册 三輯 心 外 或 剋 由 舊 三輯佛教藝 分售。 同 輯以 編 除 爲 人 者 習氣 止。 分 如寒 前定名 難。 下 否 任。 須另 如第 則可 共三 笳

生平 件 益, 行 術 刊 發 稍 普 仍 H 所 暇 表。 願 版, 由 未 幼 廣 擬 大 口 年 衆 治 經 以 記 寫 歷。 多列 法 諸 以 之以後 事, 下 師 臥 轉送來其 諸 擬 牀 應 與高 近 提 像, 兩月俗謂· 惠書乞寫廈門南普陀寺養 附 行 文顯 另 以 說 尋常信件由彼代復, 起。 君言之。 九死 又 明 第 也。 + 裴 生。 相發菩提心文序第 廈門大 三行啓發以 內症 學心理 至季冬已愈外 或退還也謹 下之文 正 系 學生, 院 廣 與 治法師 宜 + 廣 症 與 復, 五 治 延 行 不宣法華卷已 師 上 非速行 至本 至契。 轉交弘 行 連 月 去 續, 歳 乃 不 也, 痊。 仲冬大 應作 不 可 此 )收到, 久 提 擬 次 非 行。 大病, 感謝。 移居 病, 年 迷 內 譜 行 也。 古浪 外 四月 自 在 末 世 症 世 之 嶼, 甚 頁 並 時 第 但 得 發, 不 七

演

音

其

+

疏。

之格 道 加 X 奉。 丏 經 香妙廉, 手 因 世 近 夢資 壽 式, 並 有 居 如去 將 六 講 士 人可 十, 妙 姓 慧 稿 皆 名載 有 秋 諸 鑒。 」廣愼善琛 交代也。 篇, 晤 惠 友 面 於 擬 書, 人 時 卷 共 列 誦 佛教 所 末。 印 於 悉。 傳聲 談。 又 此 前 爾 養 奉 正 書, 來 心鏡瑞耀, 月 篇 身 正院 化 亦 後, + 心 可 T 前教導 疲勞, 九 居 藉 共 日。 士 三篇, 爲 如 演 亦 擬 紀 意靜淵, 釋廣治, 音 於 願 念 題 啓。 施 也。 日 明 前 養 資, 日 離 高 養 附 寄 始, 正 塵, 勝 院 寫 在 IF. 上之印 智靜, 進。 介 院 此 親 學 師 紹 聞 掩 僧釋 生等 室 廣餘及護法 箋 資 記。 數 能 數 **入月靜養** 盛求, 紙 + 於 施 舊 資 將 元, 瑞 爲 者 來 曆 王正 伽, 己 姓 由 養 屬 題塔經, 賢 名, 仁 卯 正 邦陳宗泮 範, 院 者 明 此 賢 致 師 年 人 俟後 悟, 牛 付 名 函 等 務 傳 通 印 施烏格 乞列 深, 知 所 爲 興 傳 施 宜。 致 H 揚, 也。 者, 明 佳 卷 曾珠 末 因 廣 印 年 時 亦 根, 刷 朽

晚

晴

山

房書

簡

第

輯

與

蔡

再

因

娟。 共 助 印 札也。 資 十元。 此數目已忘記乞塡入 以後 通 信乞交與夏丏尊居士便中附寄因掩關期內僅, 收夏

居

士

一之信

其二十三

疏鈔, 科文。 三日曇昉白。 之巨箸亦悉 頃 未 誦 必 他 書并 詳 至 日 細 希 承 刪 惠施 仁者 研 其 頭 華嚴經疏鈔爲光緒十年妙空大師於江北刻經處刊刻妙空爲楊居士之師故楊居士 審 緒。 科文朽人嘗致書苦勸, 毫筆 也。 至 北京徐居士刻經悉依楊居士之成規亦 戒珠寺檢閱疏 鈔 科文依彼舊例。 一四管, 中 雖 略學科目的 謝謝。 華嚴經疏科文十卷未有 鈔 然或存或略意謂讀疏者必對閱 科 ·彼竟固執舊見未肯變易 三者斯鼎足 不 可闕 刻本日 不刻科所刻南山律宗三大部爲近 --0 楊居 科文故不一一 可痛慨 本續藏經第 1士刻經疏 具出也。 每 八 套第 不 刻科 今屏 一 册, 文厭 去 科文 三册, 其 一月初 繁瑣, 百册 而 有此 讀

**曩**乞李居士奉上一書想達慧覽 者署 佛號 明信 留 姓 其 誦 籤 葉 名。 悉。 朽 條 贈 乞仁 經并 人約於 與 扶 桑竹內居 者 佛 + 書 號 七八 寫式 三葉附掛號 土廣結 日 略 如 下 下。 山 仁者禮誦華嚴於明年二月十五日卽釋迦牟尼佛涅槃日始課最爲適宜此前有 返杭。 善緣。 (大方廣 郵 奉 以後 乞收 此 經 佛 入其餘 惠書乞寄招賢寺交朽人收十月十 如 華 石 嚴 印 之紙, 經 時, 乞諄囑石 弘一大師手寫□□ 日 初 已爲汪居 印局員萬 初 土 鳳 池 寫 不 H 地 將原 四 藏 經見聞 日。月 稿 臂 汚 之處, 白。 損 利 須格 益品。 又

所

刻

之經

亦多删其

其二十四

受收。 可。若 暇, 可 以檢査文字之音讀。 欲别請 例。 課 中 所 誦之偈 說 覓正 明 甚簡 一本以杭州昭慶慧空經房之本最 讚, 自是 可以隨時變易以己意選 略, 茲補 日始課 記 者紹隆佛種擔荷大法義也仁者勉旃。 如下。 禮 敬之前, 擇。 應 善。 華 先於 嚴 句讀稍有舛 經中 佛前 偈 焚 文悉 名香 茲郵 誤脫落但訛字甚少毛太紙本價四元 奉禮 供養, 可用 也。 能 誦 供花 誦 日課一葉幷懸談 華嚴 尤 善偈讚 經 用 疏鈔 所 書者爲 本 八册, 八角 誦 亦

選數品, 惟 古畫 别行 約須 日 新 擧 或 連史本七元 置 呵 四 一小時三十分初行之時 卷爲 而 彌 五 深契己機者作爲常課常常讀 陀 不 日 供 養 像三 輪 日 八角若大字摺本即俗稱梵本者價十八元此本核對尤精。 課, 誦 一葉以 則 依此 偏。 有 各 發願, 附 所 一葉奉 未 記 其 可 又 別寫 未能熟悉者至多亦不逾二小時每日讀華嚴 法, 與 以 錄淨 仁者 備 參 誦っ 供養。 考尊 士丈 行品 或日日誦或分數 全月臂 疏· 如李 處 十行品 或 孫 無適宜之佛 + 十二 居 ·迴向品 日誦。 土 月 亦 朽 + 像今附郵 三歸依亦應延聲唱誦。 人 初 讀 迴 向及第十 華嚴 供 日。 養 其二十六 者, 奉 日 課 乞以 日本 一卷之外并, 迴向 章 卷以 其餘轉施 名 作 書 依此 爲 外, 華 常 可 嚴 又 課程 與 圖 課。 奉 三葉又 行 每 願品 行持 意别 四

勞慈念深 丏因 應是此生最精 居 士 用歉 慧 覽前 然耳。 一之作其後無能爲矣小遲有書物一 復 爾來目力大衰近書華嚴 書計已先達頃誦二十 日 集 聯體 尊 函, 籃奉諸仁者擬乞楊居士便中齎往 厚意 兼行楷未能 誠 摯, 感謝 工整昔爲仁者所 無 已往 禾之緣 書華 未 熟, 嚴 宜俟 遲遲 初 當 迴向

晚晴

山

房

書簡

第

輯

與

蔡丏

因

晚

仁者 先為陳述其 意謹復不具爲亡蜂念佛最善今之僧衆禮懺者未能如法若念佛則得實益矣音疏,

答舊四月八日其二十七

淨業命終之時, 謹復幷致謝意十月初八日演音疏其二十八 巧因居士慧鑒昨惠書幷華嚴疏鈔歡慰無盡是書爲亡友嘉興陸无病醫士舊藏者士精通義解勤修 正念現前念佛而逝前年嗣子以是惠施於余卷頭標寫品名卷數是其遺墨彌可珍貴。

 丏 因 居 士澄覽徙居永春深山中已近半載衰老日甚唯冀早生安養耳屬題經名附奉上謹陳不宣農

曆八月二十日音啓其二十九

正之名難可 <del></del>
西因居 籍 美擬請仁者暇時爲之潤色多多删改無妨因所記錄者亦不盡與演詞同也并改正其訛字文法及標點題目亦, 乞再爲斟酌 青年佛徒等 可檢書也 可 士道 正月及今年二月。 可 旬日後郵奉聯幅等時附講稿 復存此二講稿可爲養正院紀念之作品爲朽人居閩南十年紀念之作也唯筆記 拙 鑒。 惠書誦悉承施 書聯幅等約於旬日後遞奉其中有上款者數種其餘乞仁者與沈知方居士分受, 更乞仁者爲立一總名即以此二篇講稿合爲一部書雖非深文奧義爲大雅 養正院創辦於三年前朽人 · 砸箋羊毫已收到敬謝叢刊續輯擬俟秋凉返廈門時編定因是間 二種, 青年 佛徒應注意的 所發起者教育青年僧衆今夏或將 四項及南閩十年之夢影 皆在 與 他院 養 未甚完 合併養 正院 **純** 無 書

有數 所 不 + 取, 元, 或 亦 願 以 可令青年學子瀏 附印 也又擬 請仁者 覽, 不 撰 無 序及題簽 微益 也此 講 以爲居南閩 稿 擬别刊行 十年之紀 世 界書 念耳謹陳一 局 或 欲受刊者 。 不宣六 廣 治法 月 五 日。 師 演 處存

其

書悉。 不 半 書 陵版 疏。 册, 共 悉。 四, 津 + 可 華 讀 # 東 以 迴 册, 嚴 淨 價 寄 向 乞寄 土十 南 疏 六 分。 來。 城 章。 鈔, 角清 明後 · 要竟 并 下。 唯 册, 疏 齎 有 修院 此 鈔 仁 專 影 年, 五 中 者 印 研 淸 謝客 册 近 能 華嚴 八 大人 池 須 遲 讀 大和 數月 養 疏 檢 誦, 鈔甚善彭 靜, 閱 故 覺 尚 未能 後 者 以 經 三册。 凡 奉 再 \_\_\_\_ 贈 通 摺, 郵 五 問。 奉 至 册, 希 來 林 受收。 爲 迴 書 季 華嚴 月臂。 向 感謝。 齋。 淨 謙 行 此 初 以 抑 念佛 外諸 丐 因 章 品, 太 未 甚, 印 具 册, 就 册, 宣。 居 未 三 味 士。 時, 不 可 丏 一十行品, 日。 乞惠寄朽 久 也。 因 論, 迴 悉 疏 居 應先 向 鈔 可 士 初章中聽字寫从壬大誤後怱怱 寄 第 丈室。 熟讀。 二册, 人 上。 + 論僅十 一懸談 五 三十 曇 迴 册仍 昉 向 疏。 在 迴 章 交丁 冬至 杭 向 及 數 州, 品 紙, + 居 朝。 疏 初 地 詮 士家。 其三十 鈔 品品 洄 義 存 向 其 初 並乞 精。 E 地 及 海, 前 金

巨 兩 上擘矣附去 謂 書 修 誦 淨 悉。 奉 懸談 業 上 者 行 須 八 窮研 册, 願 品品 昨 夕 册 亦 經 敬 齎 論 贈 至。 一今郵 論 與 仁者 即 往 奉 讀 疏 生 論 誦 鈔 幷 110 + 希 鸞 一册, 檢受 法 師 又 華嚴懸談 注 往 生論 至 爲 精 注 文字 妙。 楊 册 古拙 亦 居 併 士 謂 假 頗 有 支那 與 未 仁 易了 蓮宗 者 研 解處 著 尋。 述, 宜參 以 是 山 閱 居

改寫。

切字从

+

者依

唐

人一

切

經音義之說以十表無

盡也。

十二月

六

其

三十二

晚 晴 山 房 書 簡 第 輯 與 蔡 丏 因

絕 宋鮮 大, 長, 經 釐 經 每 中。 處刊 亦 會。 耶。 寧 反 惟 淸 春 可 演 行, 本末 寒 戾 是 凉 偏 華嚴談 共 甚 師 纘 廢。 疏 干 第 厲, 承别關徑路賢宗諸德並 鈔 其 乃 冊。 四 多宗賢 手僵墨 或故爲 反覆研 玄供 遺 卷之中已佚失此殘本今收 緒耳, 擇, 首遺軌賢 一凝言不盡意丏因居 · 豈果有踰 味乃能 軒 共六卷初卷佚失今存五卷收入續藏經中。 輕調其 明 於前賢 一青出 首復 瞭仁者若欲窮研 承智嚴 一致攻 於 入續藏經 者 藍, 難, 士丈室曇昉 耶。 尋 繹斯 之學 然 至若 中。 亦 言蓋非? 下脈師質 慧苑 未 華嚴 及賢首 妨 虚懷 疏 於清 刊 答正月十四日。 綿續, 定 通 探 玄記。 翫 記, 論。 及元 凉 索異 先後 共十 前賢 疏 三十 普瑞華嚴懸談會 鈔 五 義互陳幷資顯發豈 創 外, 卷金 卷第六第七佚失此殘本今收入 揆。 復應讀 作 者難, 陵刻 今後郵寄書籍 師 後賢 經處刊 撰 唐智嚴 述, 玄記。 依 並 行, 據 傳 共 搜 乞包以 必 成 世 三十 玄記 四十 深 章發揮光 間, 册。 惡 卷常州刻 各 徐蔚 共 堅固 而 有 續藏 五 痛 所 如

抄寫 丏 因 居 泉州 爲抄 矣又 承天 寫 韓 士。 ,寺性願法師轉交音仍居艸庵稍遲或返大開元寺謹達不具舊正月七日演音啓。 內 唐詩 晚 晴 翰 山 别 人 韓偓 房所 集, 每 墓在 存 半 瑜 貞 十行, 泉州 伽 師 每行廿 城外 地 論 四字。 里 及 許。 論 及 偓晚年居閩 記 韓 唐 偓 遁 倫撰 傳, 擬刊 不仕為 共 於 卷首 部乞 唐 末完人擬形 於返 以 備 校 付 時 印。 刻其詩稿。 檢 倘 出 有 寄 舊 下。 刊 以後 乞仁 本 山 者 惠 得, 書 則 託 「暫寄 不

數

層

外以堅固之麻繩束縛穩牢因由紹至溫須數易舟車包紙易致破碎麻繩亦易磨斷附白。

其

旦始已講律願以殘燼餘年專致力於此也其三十四

賡續 任 科會及增補原文之處皆翦貼卽以此本排印不須另寫。 上據徐蔚 久佚妙 切前存尊齋疏鈔等乞暫勿送返是間有續 釐 其業乃可完成 會 近 師 與傘 修 如考訂之說 補校 法 點 師 發願 諸務。 也此事須於 傘 重釐 期以二十年 法 師 願任 會修 秋暮自廬 外護幷排版 ·補校點華嚴疏鈔今之會本爲明嘉靖時妙明法師所會彼時淸凉排定之科文 卒業。 先科 Ш [返後再 文十 流布 藏 近常與湛翁晤談彼詩興甚佳他日來杭可往訪 可閱。 卷, 之事。 傘師 次 與 懸談, 傘 傘法 又將覓木版流通本以爲編寫 師 次疏 詳酌若決定編 師謂 排版 鈔正文朽人 爲定可 留紙版傳之永久。 印尚須約仁者來 、老矣當來恐須 之稿 龍藏之誤已 朽人一身 乞 本。 杭 也丏 仁者 改正 面

因居士丈室五月十九日論月疏其三十五

檢尋之。 師墨 郵 明信, 蹟 影本近檢續藏經 讀 想達慧覽行期延緩, 藏 經 第 輯 第二 亦載 編 第八套 此文後更附 或須遲至明春耳寫經 第五 冊第四百二十二頁 數行 委書齎 珂羅本印就仍希郵至溫州, 附奉 往 疏記等名目仁者有暇 上拙書菩薩名號一 葉此 宜至嘉 前年曾奉 未宣悉。 興 佛 上賢首國 學 丐 因 居 會中

士丈室善攝疏三月二十三日其三十六

别久爲 念留滯匡 山, 忽忽二月溽暑之候有 如深秋誠淸凉之勝境也爾來頗思讀華嚴大疏仁者若已

誦 訖 者希 以郵 下寄九江牯嶺大林寺轉交弘一仁者精進何如孫居士學起信論能得途境不。 時以爲念不

具 丏因 居 士丈室七月晦日月臂疏。 其三十七

晤談。 昔奉 上惠書忻悉 不具 一一。四因居士丈室閏月二十一日。 一一一今乞孫居士齎拙書 石印 演音疏。 本數 種希受爾將移居大羅山明歲若往嘉杭當與仁

其三十八

存亡必 廈門近 俟 日情形仁等當已知之他方有勸余遷居避 廈門平靜, 乃能往 他 處 也知 勞遠念謹以 奉聞。 難 者, 皆已辭謝, 不宣。 演音啓其三十 决 定居住廈門爲諸寺院護法 九

冠洛居 猶有黃花晚節香」謹復不具演音疏其四十 土文席。 惠書誦悉時事 未平靖前仍居廈門倘直變亂願以身殉古人詩云「莫嫌老圃秋容淡

#### 與葉青眼居士

青眼| 切, 者所 至爲 居 約定 妥善謹此預達不宣諸居士乞代致候幷達謝忱恕不另函三月初十日音啓。 土慧鑒頃奉諸居士公函 者, 暫住溫陵養 老院。 同行已請定 厚愛誠摯感謝無盡擬於舊曆二十五 覺圓 法 師, 及陳 天 八發童子, 日後 與朽 動身。 人 同住院· 此次 中。 至 由彼照料 泉 依 去 年與

# 與朱穌典居士四通

之所。 當 託 與天 及以 再 杭 者, 弘傘 寫 警語。 游方 初, 補 州 寫 友 故 件已於陽曆一 遲至歲 法 奉 以附 會稽荷承遠 人 代 師 上。 一再者, 爲 轉交如是至爲穩妥也率復不具二月廿日曇昉 入掛 訪問。 晚必可郵達二橋西 朽 號 何如。 月十六日寄與 人不 送, 寄去彼收到後, (感謝寇亂未寧錢塘之行不果仍附番舶歸臥 久 彼 、或往杭 家 住杭 亦復 周 州, 州 河尊齋此不委悉穌典居士丈室曇昉疏十月十四 亦未 旗廈 天 初居 函。 平遠里十 可 其後 知。 士託彼轉交不意至今尚未 惠復乞寫二 即未通 八號。 倘 消 息未知 :訪問 明信 經子 开, 知彼 晤 淵居 一寄溫 面 永寧掩室慶福 以或有障緣, 時, 彼云 收到。 士現在何處乞示 州, 己遺 其 寄杭 或往 時 失者, 天 小暇當寫佛名 州 日。 他 尚 方乞仁 乞即 裏 有 其 其 他 西 通 物寄 湖 示 知 訊 招

考仁者倘然 能獲圓 穌典居 世 一界戰雲 滿 + 文席。 沈闇 以 成 前 就, 如斯 未 中, 惠書忻悉一一承施 定閱 第 殊勝功德諸佛菩 可欣 佛學半月刊 可慶之事 紙筆, 者即乞定 也畫集之資料佛學 薩出廣長舌讚 皆已受領, 閱。 有二種一佛學書局 感謝 莫能窮一切世 無 書局 盡。 護生畫 出版之物 間天 出版 集今承仁者等爲之盡力 者, 猶 人等衆皆大歡喜誠爲近 如是此四字即書名, 二慕爾 鳴路 百十一 頗 負 責, 可參 衖 如

晚

晴

山

房書

簡

第一

輯

與朱穌

典

殺放 作之如是則延至 出 通。 號 第 生之文字又能常常閱是刊物藉以 尤 大法輪 感則將 六 集畫 書局 百 來 明年歲暮 幅者請豐居 出版者名曰 可 無 須 再託 或可 土獨 覺有 人 圓 撰 滿繪 題句 力任之此外三集四 情皆半月刊也能將數年以來出版者悉皆補 也。 就 重 也謹覆, 新 修 佛法, 編 畫 不宣 集 亦 共四册畫 殊勝之因緣也。 農曆 集 五 九月十八日音疏答 集之畫 幅 甚 多倘豐居 畫集之題句, 幅則乞仁者及轉託諸善友 士 購尤善其 未 能於編 其三 能速 即 輯 八中時 繪 時 就, 即 有戒 合力 擬 稍

麥羹其 閏六月廿七日音啓 促諸 腰背足步胃 穌 典居 居 味 士努力進行幷廣託諸善友分認其事以期早得圓滿成就感禱無量朽人數年已來體力如常, 士文席續輯畫集事 極 佳 , 口皆無異於少年閩中產米缺乏代以雜糧以小麥大麥磨作粗粒加入乾蕃薯少許做成 且 適 其四 於衞生又鮮蕃薯及乾者爲南閩自昔以來常食之品其價較米爲廉也率陳 承仁者盡力輔助, 至用忻感斯事之功德利益甚大務乞仁者 主 持其 事, 不宣。

# 與高勝進居士四通

余近 最 佩仰者惟印光老法師今舉嘉言錄中數則如願離娑婆云云三九頁 居 日 光嚴方便掩關。 諸緇 素屬 爲 演 講竊 念余於佛法 中 最 深信者 惟淨 既有眞信云云 土 法門於當 四二頁一切行 代善 知識

草草 門云 一也演音 云, 四九頁 其 略爲講釋之諸君暇時乞常閱嘉言錄每次僅閱一二段不必多宜反覆研味其 義, 不可

琴其 昨日 曲 出 爲 外 日本 見聞者三事一余買價值一元餘之橡皮鞋一雙店員僅索價七角二在馬路中聞有人 國歌三歸途淒風 寒 雨勝進居土慧覽正月廿九日演音 其二 吹口

勝進 精神 勝進 往他方埋名遯世以終其天年實不能久墜此名聞利養窟中以辜負出家之本志也不宣音啓。 斤貧民苦矣臨穎不勝悲歎略陳不宣四月二十八日善夢啓 其四 居土 恍惚故於諸善友所音訊疏闊近仍居普濟頂寺不復作出 居 土 一澄覽音 | 澄覽近聞仁等集資印經多部至用歡讚朽人自去秋始閉門養疴老態日增日未落即臥牀 國來心 緒 不 佳, 諸事繁忙養正院訓 育課乞仁者代授四月初旬講律 山想矣泉州等處米價奇昂每元僅米 事 即可 結 其三 束將

# 與崔澍萍居士三通

德振 依 戒本疏即是賢首疏內記撰者法藏是余居鄉間不能通信俟下半年移居城內或再致書奉聞 中 居 土慧鑒 戒 相 而 新復明信, 研習 也此二書有流通 記記也收到。 仁者欲學戒, 天津版大字梵網經菩薩 宜常讀 誦梵網經戒本幷詳研賢首疏 戒 本, 不是揚州衆香 庵 版, 金 雖 一陵版 受五 不宣甲 戒, 梵 網 亦 經 應

[房書簡 第一輯 與崔澍萍

晚晴

山

晚

誦,以 戌 正月十六日演音啓 大菩提心附白其二 華嚴經普賢行願品淨行品初迴向章, 余有書寫者佛學書局流通。

長養

戒 受時宜注意者先說三歸之時正得戒體此時最爲要緊後說五戒名者乃是略宣戒相, 惠書誦悉茲别當 也來書所言各節皆是至用忻慰明晨即擬遠行略復不宣舊正月二十六日演音啓。 如下佛制無有遙授歸依之法今仁者發心在唐閘宣文秉受乃是自誓受戒 其二 非於此時而得 也自誓

# 與郁智朗居士十通

智朗 已壞損, 演 通 + 度。 年齡若何具此學識何以任事於醬園又仁者與九齡居士爲同族否朽人約於月餘 信 啓。 遲 至 居 土道席前-月餘 漳州一次以後改寄泉州承天寺轉交劉質平居士如在寧波中學亦乞代達此意不宣中秋節。 惟可步行 其 成或返泉州一 或乘肩 上明信想已收到近獲 再爲仁者書寫一二紙也如閩 與耳以前朽人懸揣仁者爲老儒今誦來書乃知仁者大兄年僅 惠書具悉一一爲令兄書一紙附奉上是間天氣猶炎熱近九 南 時局 變化則未能往漳州至泉州三百 返泉, 四四 仁者仍 旬, 未知仁 里 車路 田

D 朗居 土慧覽前復函想已收到頃轉至二月三日尊函欣悉一 。 拙書一葉附奉上令姪書中未曾提

似有未可擬請仁者寄與海量居士託彼先爲陳說勸導後, 再以拙書付彼 可耳。

近雲 游諸 方, 住 址無 定仁 一者獲此 書後乞勿覆謹達, 不宣三月二日音啓 其二

也近 智朗 閱 居 靈峯宗論, 士道 席。 恵書誦悉る 有詩一 首附錄 承 施 金感謝當來廈 於後。 日 輪挽 門戰事 作 鏡, 海 水挹 平靜後擬 作 ·盆照我忠義膽浴我法臣魂九 移居鄉 間現在仍須居廈 門未能 死 心 他 悔, 往

塵 劫 願 虚 空界何人, 共此輪謹復不宣演音 疏。 其三

智朗居 者一概辭謝未能承命今重韙仁者厚意十分抱歉希格外原諒爲禱偈句附奉上不宣六月十日音啓, 士 道席惠 書誦悉。 至用欣 **心佩朽人於出**字 家後曾發誓不蓄剃: 度弟 子友人多知之凡有來乞剃 度

其四

求之既 智朗居 土道 不 印 得, 席惠書誦悉辟穀似可不須出家事亦勿執著惟自懺悔業障厚植勝因可。 卻之亦 不可冤乞仁者深 味此言素位 而 行, 以待因緣成熟也。 一拙書 一紙附奉上 耳蓮池· 一不久即 大師 云,

他往, 以後乞勿 來信當來通訊處俟後 奉 聞。 演音路 其五

收剃 智朗 適 度徒 將 居 土 來 澄覽。 衆, 即 不任寺中監院或住持二十餘 印 惠書 久 居 靈 誦 悉。 巖, 由 仁者發心 師, 爲之護助 出 家, 至用 年以 切 也。 歡 讚。 來未嘗有違此誓願希仁者鑒此苦衷而 朽 人 但 自 剃 初 度 之師。 出 家後, 以 靈巖 屢 在 佛前發誓願 山監院代理住 願 持 盡此 妙眞 曲亮之近年 形壽, 法 師 決 最爲

山 房書 簡 第 輯 與 郁 智 朗

晚 晴

耳。 小 疾 頻 發, 紙, 精 神 奉上謹復 頹 唐。 以 前 學律 不宣音啓四月廿七日。 諸 師久已 分散。 不 久 或即往生西 方當來在彼世界可與仁者常相歡聚

其六

一拙書

附

秋涼後, 智朗 用 歉 爲高潔 憾。 居 或冬初 竊 土 清鑒前 思閩 養 病 生未曾任大寺之方丈監院等。 其 後, 南 與外間 時 頗有 奉書想已收到仁者發心 朽人大約 高僧。 罕通音問 如泉州鄉間某寺轉法老法師 可返 朽人 泉 州 致興 朽人 相 晤談也 出 1家志願 仁者之信函, 已 託 人 約在中秋後離 預爲 誠懇朽人以宿 乞勿 高 商 年隆德 請, 轉示 未審 永春。 謹詢, 他 **季意** 爲是間衆所 誓故未能違 人 不宣。 至 何 如。 要。 六月十七日音啓 但 其 欽仰。 仁者 越深負盛意迄今時 來閩之時年 通達教義專修淨 須俟 朽

自閉

門

七

陸 智朗 西方彼亦可負責繼 照 法師 路 料 來閩 代 居 一切朽人所居者爲項寺 **須請** 士 慧鑒。 至爲 也。 剃 他 困 位 度 惠 難 書誦 師 良 請妥 證書亦不 續進行也仁者於下次來信 師。 悉朽人已託性常法 閩南 來閩 各縣。 一人獨居距下寺約半 之期 易請求但時局 性常法 延 遲 師爲 無 師致書與轉法 妨。 宜俟時 不久 里。 在 彼於 !時乞附寫一箋與性常 一朽人 即 節因緣 可平 仁者出家之事 處學律資 靖乞仁者俟時局平靖海道 老 未可勉強急 和 格最 尚 商 懇。 可 久者今居普濟 心能荷 法 以負責介紹即朽人 師 迫 也前 致謝一 慈允, 固 函 切海道被封, 善。 承 下 關 開 寺, 否 念 通 則 爲朽人 不久 然後 亦 切 請 往生 至用 再來, 若由 護法 性常

感謝

永春距海

口有兩日路程且深山幽僻戰事

無礙常人惟懼鄰縣土匪然亦

不須

介意

也。

朽人於八

朽人 焉。 誦 宜 被 行 歎, 觀 可 尋 月 ) 覚謂 帶 室 世 偕 閩 出 須 亦 不 間 中。 來。 出家 歸矣依朽人 宜 南 走 加 託 自 他往 仁者言若不 一菩薩 七仁 帶 而 阻 本月 百 人 物 轉交 否, 來。 出 爲 障, 云云。 者預 家 尼, 聖號。 未能 衣宜 昂 二十 去年 貴。 者, 也。 並 多帶閩 七日圓 不偕歸 先學習書中何 朽 多 經 涕泣哀懇乞菩薩垂慈令妻室發心 拙見擬定一辦法 來 定。 九 海船 長兄 無 日始, 須待時局稍 書 製薄 好結 所 不 者即 滿 閉關 南 能運貨來土 岳母 謂 棉被 果。 夏 即 潛 與其 一件, 歡喜 發信 決定於仁 季 行 圓 者 甚 出 滿, 靖, 價 如下以備採擇仁 走, 宜 長 許諾乃爲穩妥 與 產 出家後 又須身體康健也以後惠書仍寄永春朽人倘他往者, 可 近 甚少。 讀, 朽人 長兄岳母 也。 以  $\equiv$ 何者 + 出 者 照 圓。 仁者 家 而 面 竊 常 返俗貽 之人, 不 閩 前 以 通 自殺當此 陳明 須讀, 來時, 信見 南 爲 應 也。 氣 未 可若如是 乞詢 一朽人 出家, 者宜 此 客。 學朝 候 宜攜 人 譏笑, 較 事。 以 出家 一向店 寧波 暖, 帶 併於妻室前宣布此決定之辦法。 令長兄岳母於仁者夫婦出家之事 之時仁者若任 後 幕 冬季 課 在 不 惠 と者將來恐! 以前, 中 書乞直 出 家 如 誦, 著小 -請假七 之布 家人即可知之此紙於今晨匆 并 不 宜 出家之爲善 亦 一熟背 衣。 先 寫 棉 日返家於 俟 向 其 襖 普 不 濟寺 眷 誦 出 自 冤 之。 件 家 殺, 屬 糾 此 後, 也。 宣 葛。 則 內 心七日中專 文載 改爲 布其 拙見 有傷 足。 倘 弘 其 如是, 他 他 者之妻 收 亦 在 出 慈否 家 友 如是先令 可轉送又 夾 即 禪 歡 心 衣 希 人 衣 口 門日 單 形 垂 喜 持念 則 達 有 潛 衣 只

晚晴山房書簡 第一輯 與郁智朗

盡意其中或有

說字乞亮之謹復不具七月十五晨音啓其八

之, 返 諸 有 諸 以 與 所 路 得 智 尋 老 性 泉 或 惡 大 覓 人 待 不 和 慈 朗 云 州 集 罪。 陳 常 託 通 諾 以 時 田 尙 居 早 安 消 身, 於 明, 節 法 代 也仁者在家之布衣及棉被將來或須攜之來閩 獝 也。 士 滅 猶 當 至 大 領 路 此 澄 錄 師 心 不 覽。 阳 如 出 要 緣 谌 旅 不 靜 允, 事, 面 係託 前 止 自 至 外 便。 候, 大 酌 家 H H 一之意 要。 也。 妥 請 後 海。 殺 功 證, 且 爲 現 德 而 朽 前 善 是 是 禱。 性 性 信 性常 得 迫喝 間 常 常法 斤, 也。 經文 人 來 進 教 物價 想已 出 法 朽 癩 書 行 人 之。 家 之 人 病。 如 所 妄 法 師 師 以前, 將 謂 辦 語, 師 代 不 死 下。 + 收 再 分昂 爲 久 此 任 潛 法。 有 到。 入 與 介 依 其 朽 黑 紹 今 或 亦 行 請 所 介 南 貴仁 移 暗 自 先 紹。 ė, 出 剃 未 他 人 山行 走, 殺 位 居 向 度 可。 同 將 始 地 朽人 來仁 眷 者 住。 他 獄, 歟, 師 且 良 獲 事 處。 鈔中 抑 領 現 師。 無 屬 之 仁 轉 偕 官 事, 者 者 有 竊 證 在 朽 法 以 引 來閩 布。 後 出 妻 以 旣 亦 若 宜 老 人 文寫 期 歸 其 非 惠 爲 由 即 先 和 或 此間 他 性 致 不 時, 尚 易 來 函 錄。 家 不 以 仍 經 歟。 友 可。 常 事。 此 函, 久 可 復 上 布 客 經 此 若 故 曲 云, 人 法 出 陳 生 函, 文。 價極 若 擬 事 有 如 家, 謝 西, 性 猶 永 師 乞仁 春, 爲 潛 是 負 請 於 亦 常 謙 不 \_\_\_ 昂, 行 者, 青。 切耳。 法 即 出 仁 事 由 讓 미 棉花尤 將 者 乞仁 性 者 家 實 師 出 未 口 不 陪送仁 安 轉 以 者 預 走 來 常 遑。 H 盧 送。 作 者, 者 心 殊 者 法 但 此 必 昂。 及愼 多 靜 來閩 將 時 經 留 不 無 多 師 在家布 候, 無 困 者往 來若 局 文 礙 免 須 負 之期 之愼 責 近 爲 抑 好 糾 以 難。 顧 結 待 多 家 置, 葛。 慮, 又 介 老 再 之障 衣 族 此 果。 時 前 似 紹, 和 變 宜 仍 面 可 化, 人 若 先 暫 局 仁 宜 必 份 求, 以 斷 稍 者 人 妻 向 就 延 處。 大 暫 不 人 染色 緩。 未 佛 出 來 家 職 定 來 中 萬 約 釋 種。 族 業, 函 水 止。 미

而 改 製 也以後惠書乞仍寫弘一之名謹復不宣八月初四日音啓其九。

者數 皆然。 裁縫 封, 大 急致 智朗 被 在 青年僧衆 族乞在寧波定製僧用 顯 熟誦之承 仁故開服 寧波 閩 滬 一件價近三十圓現今益昂故仁者來閩後, 港 件 俾 南 I 更引 居 等 人。 外 免 將 布 士 寧波甚多。 之美觀時式。 慧鑒。 處物品 皆 到 此 價 詢 起種 物染 閩 可 極 者是以現今僧衆多用之但亦有 毛 種障礙 恵書誦悉: 請 後 昂。 織 成墨 物可 以上 皆 剃 再 用墨色 不 度 費 不可對胸一 能 色。 用否。 師 周 數件乞在寧波做好帶來爲宜。 之小棉襖一 也蓮池大師云達宿緣之自致了萬 運 父設法募集他人之舊物用之暫緩新 折也仁者擬 仁者出家之心 仁者自己如不能染乞託裁縫工人染之。 案此 入, 即深灰色 故 類品物 物價 至要此外再做僧用之小衫及袴各一件或各二件, 件帶閩 老布 滙洋 益巨。 或是 急切, 米價已漲 作面及裏形式闊大宜依老年僧衆著用者之形萬 五 可 十圓 暫不宜製辦衣物也仁者此次來閩著俗人之服裝而 了耳閩南冬季無雪僅此已可過冬製此物時, 不殺 人 可見道念堅固, 不欲著用 來閩, 獣命 至每 仁者隨攜來閩之白布小衫 不宜多, 而 石 者仁者舊貯之毛絨衫及毯子, 僅翦 力之如空而成 百二 小 至用 可備 棉被 做 取 也閩 其毛者南· 十圓。 歡讚。 零用。 一條能染成 南物價 但或因緣未具亦不 去春 至於衣 敗利 山 僅 五 律 極 鈍 圓 (被等物 袴兩 昂。 墨 興致蕭 祖 餘。 色尤 宜託 近 亦 元, 去冬朽人製薄棉 套, 要墨色老布製 翦 月餘, 如 善。 善製僧服之 即可 然矣乞 在家形 毛存 被面 宜操 上 命, 記 海 不 贈 亦乞 可用 之過 攜 及裏 誠用 與家 口 攜 來

晚晴

山

房書簡

第

輯

與郁智朗

帶僧服 彼返時面交匆匆略復不具九月十五日音啓其十 也。 又仁者來泉 仁者到寺後即寫信 恐受兵警之盤詰故朽人另寫一箋內述仁者欲來閩出家之意乞以此紙示 州 時先住開元寺亦即 :挂號寄與朽人即可託性常法師到泉州接拾一切性常法師現住泉州尊書俟 用 此 、箋作爲介紹書乞仁者到寺後以此箋示寺僧即可優待一切 彼軍警人士可也

#### 與呂伯攸居士

此數張 羅版印阿彌陀經或尚有餘乞仁者向上海寧波路渭水坊西泠印社吳君詢問 者受收是書後乞暫勿答覆伯攸居士丈室十二月十一日月臂疏答。 前誦來書歡悅無盡茲寫佛名三葉以一葉奉與仁者其一悕轉施胡居士寄塵其他可隨意贈與善友, 也別奉舊寫殘紙數種幷乞受收若自受若轉施他人朽人爾來禮誦華嚴謝絕賓客幷暫不通訊問仁。 中惟改正訛字 一張其他乞仁者改寫朽人近年書寫經典付印者大半已送罄惟吳幼潛處珂 聽鐘念佛法爲朽人所撰述者。

### 與黄善登居士

示悉骨秋之件二月前已交佚生先生 印費搨紙石印文詩稿 應如何辦理乞君於來杭時訪佚生一談或

### 與繆滌源居士

寺養正院轉交弘一收謹復不宣演音啓舊閏三月二日。 格外鄭重至要至要出家之事且看將來因緣如何不可固執拙書一葉附奉上通訊乞寄廈門南普陀 遙授乞仁者於佛前自誓受爲宜應先受不邪淫不飮酒二戒其餘緩受盜戒極微細難持 常人不知 滌 源居士道席惠書今日始轉遞到淨峯住持於去年九月辭職余隨彼往泉州鄉間度歲今春到廈門。 戒法 不 應 能

### 與穆犍蓮居士

犍蓮居 殷紅殉教應流血音啓。 有 矣但對付敵難捨身殉敎朽人於四年前已有決心曾與傳貫師等言及古詩云「莫嫌老圃秋。 黄 花 晚 士文席惠書忻悉一一諸荷護念感謝無盡曏因傳貫師勸往菲延期遂免於難否則囚居古浪 節香」吾人一生之中晚節最爲要緊願與仁等共勉之也亭亭菊一枝高標矗勁節云何色 容淡猶

#### 與陳无我居士 三通

讀如 k, 演音啓。 乞寄下數十 无 妥善之辦法李居士不久將隱遯此 我居 重製鋅版之意附致李居士一紙乞仁者詳閱便中乞爲 d 土道 皆 再 讀 者, 紙。 席。 又皆大歡喜等諸書亦乞 如 前 前復書想已收 tb皆讀写 承寄下梵咒音義錄 如 P乞示 到。 泉州友人近擬 事將來圓滿成就惟有依賴仁者之力也尊處所立戒殺會章程, 知爲 末 惠寄, 貢所 感其 至 感 泉州善友近發心歸信佛法者甚多以此諸書贈送最爲契機。 示 羅 盡力提倡流通護生畫集以消災劫朽人 馬字發音法其濁音改讀爲淸音者是否凡遇 轉交並希仁者與李居士共 以 同 商 前 酌 亦 進 有

故 圓无 淨我 居 短期之閉關大約數月之後, 事, 此 收, 至感朽人 開明書店謹陳不宣舊十一月十八日演音啓其二 尙 書 未完成以後仁者等關 補 士仝鑒近獲圓 校 疏 前 未 精審 補校 玄談本: 淨居 不復 寄奉。 或往 士 於畫集事 書具悉 其 ·朽人 他處 中 有 心閉關以後通訊者惟有夏丏尊居士一處前 在泉州居住, 闕略 \_ \_\_° 有與朽人 華嚴 未 寫 經疏 者, 通訊者 來客訪問 亦未 科文表解出版時, 及再校因用 乞交與夏居士轉寄爲禱夏居士 者至 工多擬自 以 自習非是可 乞寄二部至 舊十二 一月初 預 泉州 與仁 備 作 一者等 日始, 承天 印 寓上海福 行 之稿本 (寺交弘 商 在 酌 此

州

路

駕來閩, 客督理 者居 略 海 反 陳 量 此 覆 其 居 鄉間 至爲 思 農 概。 士 維, 務, 傳 道 幾忘卻 感禱。 惟 如 鑒。 閒靜之寺中亦可 不晤近 有乞仁者 師近管理 不宣正月十六日音 出 土 載至爲 家之本務, 水雲洞 速來 安心 南 閩, 至爲 體 懸念朽人爾來未與外間通信茲因有極重, 用 弱 與 啓。 功勝於滬上 可愍朽 多病, 傳 其 如 師 數 同 人 年 未能 住, 前 |多多矣務乞垂憐故人傳如師近況深加悲愍速命 時 修 與彼常 習世間 時 規 勸, 盡力 語談, 文學, 扶持。 於佛法 即 偶 俾 談 罕有 傳 時, 如師 要事, 亦 未能 所 故破例 能得 知。 盡言, 近 精 惟 致書 進 未 終 向 能 日 與仁者, 道, 直 招 而 待 朽 香

海量居 住 海 淡 歲 靈巖寺 量 則 時。 居 不 乞仁 契 士 土 一澄覽茲寄慧圜 澄 鑒 覺 圓 法 時 主 者爲之介紹住處, 機, 屬 故 撰 遲遲 大 師 略傳 師 有 勝通款 近 待。 擬 前 至今猶未 能住 輯 云 一之軼 藥師 居士林內 紙, 聖 事 乞轉交厲居士其餘三紙乞便中附寄與高 動 典, 一篇 筆, 至用歉然 北善, 欲 至 不 並爲之護衞 上 久 海居 即 因撰此 可 士林 撰 奉。 傳甚爲 謹陳, 徧 切以成就彼之弘願。 檢 各 不宣。 種 不 易若稍讚 大 正 万十 藏 經, - 三日音啓 抄寫 譽則 居士。 資料 至用 運運 違 感 應在 其 遺 謝。 訓 無 謹陳 若 妨 海 也。

官。

#### 與劉質平居士

若干紙附郵奉乞隨宜結緣寫小楷用之水筆乞購數枝寄下因閩製之筆不適用也。所需者爲水筆非 不宣農曆四月五日音啓。 加上,款則筆跡不符格式參差故不寫款另書小堂幅小聯分贈四居士單款舊聯亦可附贈耳又拙書 質平居士文席兩次惠書於昨午始收到對聯已受雨濕可知牛皮紙無用舊式油紙或較佳也對聯增 羊毫亦非兼毫乞勿誤會以後通訊乞寄泉州大開元寺轉交舊存廢稿若干紙並奉上油紙乞寄回謹復,

## 與龔勝信居士

勝信居士與朽人同住一載今將別離屬寫警策之訓竊謂居士曾受不邪淫不飮酒二戒今後當盡力 護持若犯此戒非余之弟子也余將西歸矣書此以爲最後之訓壬午五月一日晚晴

#### 與沈彬翰居士

彬翰居士文席前奉惠書忻悉一 一朽人已於農曆 月 日謝世前所發願編輯之南山律在家備覽,

未 能成就至爲歉然惟曾別輯盜戒釋相槪略問答一卷雖簡略無足觀然亦可爲最後之紀念也附郵

奉上希受收謹陳不宣音啓

# 與劉光華居士

妥且不恭敬也謹復不宣通訊處仍如舊除夕前二日弘一上, 惠書誦悉朽人近已移居鄉間尊翁骨灰如必欲迎請俟時局安靖後再籌鄭重之辦法若郵寄甚爲未

# 與豐子愷居士二通

爲限。 州 圖 律祖像一 子愷居士前日已至白馬湖承張居士代表招待一切至用感慰茲有四事奉託如下(一)乞畫澄照 刻木版 章 聯橋及弼教坊之間延定巷舊第 如以 一包乞於便中託 也。 幅別奉樣式一紙乞檢閱此像在續藏經中今依彼原稿略爲縮小如別紙中硃筆所畫輪廓 ]此畫像能於舊曆九月中旬隨夏居士返家之便帶下爲感(二)前存尊處之馬一浮居士 原稿太緊密者乞仁者依己意稍爲簡略但仍以工筆細線畫之爲宜畫紙乞用拷碑紙, 人帶至杭 一州交還馬居士但此事遲早不妨雖遲至數月之後 五號 或第四第六號 門牌內(三)福建蘇居士今春在鼓 亦可馬居 士寓杭 因將

晚

晴山房書簡

第一輯

九日演音 奉種種 閒 之書華嚴 宗教大學及圖書館等託內山書店代爲分配及轉寄又以二部贈與上海功德林流通附寫信二紙乞 華嚴 山 書代爲郵寄 暇, 房居住管理物件及照 九月中 中 疏 費神 轉交內山書店及功德林佛經流通處爲感(四)有人以五圓託仁者向功德林代請購下記 論纂要多部。 處會感應緣起傳 旬 感謝無盡惟淨法師偕來諸事甚爲妥善秋後朽人或雲游他方仍擬請惟淨 「溫州 可以不來白馬湖俟他時朽人至上海仍可晤談也俗禮幸勿拘泥爲禱不具舊八月廿 大南門外慶福寺因弘法師收」無須挂號此款乞暫爲墊付俟他日託夏居 此書係康熙古版外間罕有流傳每部大約 料 一册其餘之資皆請購 一切彼亦有願久住山房之意聞仁者近就開明編輯之事想甚冗忙 功德林藏版 六十册實費二十圓。 地藏菩薩本願經若干册及其郵費此 擬以十二部分贈 法師 與日 在 如少 晚晴 士帶 本各

動 夏 承寄佛書二册頃已 《宅即擬移居上海今後一人居此諸事困難現已決定往金山寺亦幻法師處或他處二三日內即擬 收到至感余本擬在白馬湖過夏因是間近來兵士忽至昨午曾到 山房擾亂 又聞

其

# 與李芳遠居士四十通

以求急速音路。 初學篆字宜先習說文解字建首每日寫四字每字寫數十次寫時宜提筆懸肘如是積日漸進萬不可, , 其

槍彈貫穿 外石 芳遠 林焉。 芳遠 臨 皆大歡喜一册說近時靈感之事釋迦如來一代記一册。 菩提心歸信佛法至堪慶喜茲付挂號寄上書一 泉州之約 文自可易於了解拙書直幅一紙拙書大聯拓本二對 芳遠居 時 册文義稍深亦可略閱佛教公論及半月刊各一冊 獅 童子智鑒前 朽人 童子 再奉告可也仁者暇時乞往普照寺一游在彼居者皆余之友人前月彼等曾約朽 下 手腕十分歡喜深自慶幸謂可以成就代衆生受苦之夙願也將來仁者返廈門時乞便中到 檀林 已定故未能往 慧覽惠書誦悉至用忻慰此間風光淸勝可以忘憂湛山寺住衆百餘人殿閣壯嚴誠一 文席惠書誦悉至 講務之餘頗閒適約當中秋節後即一 街 靈鷲寺轉 復書及附寄佛典想已收到朽人於前 也附寫 |用歡慰傳貫已返惠安不久即來廈門淸智法師書已託人送去仁者發大 交草 庵傳貫師仍居廈療病約於年底返草庵彼經此意外之災 介紹箋 一紙乞收入謹復不宣演音啓舊十二月四日。 可返廈門也諸承關念感謝萬千謹復, 包。 地藏菩薩本願經一册又說要一束乞以說要對閱經 此聯存鼓山。 菩提心戒釋義 說佛之歷史文筆淺顯甚有興味易於閱覽。 夕到草庵暫不 朽人不久或往泉州鄉間亦未可知, 一册。 他往以後惠書乞寄泉 此書說十善之義爲學佛之初步 不宣音啓其 其三 人往 诗居住因 人死問 難 爲 州 南門 大叢 盜放 題

晚晴

山房書簡

第一輯

草 住數日至佇不宣演音疏舊十二月二十日其四 在佘店站 (近青陽站) 下車行二里即至草庵在車站即可望見草庵之石樓也此站舊名福浦今改稱佘店也

惠書誦悉傳貫昨已返草庵與朽人同居 腕傷已漸愈 仁者返廈門時乞來草庵小住爲佇除夕前二日。

演音上其五

者若到泉 前寄信片想已收到擬於舊曆二十日左右同往泉州住承天寺定於二月初一日起在彼講經數日仁 州時乞至承天寺晤談爲佇以後通信亦寄泉州城內承天寺謹達不具舊正月初九日弘一,

傳貫仝上其六

前寄上信片二紙想已收到余約於二十左右往泉州承天寺自二月初一日起講經數日以後尚須往

洪瀬街小雪峯寺謹復舊正月初十日音啓其七

誦悉至爲歡忭自舊二月初一日起在此講經大約十天講畢仁者能於講期內到泉州聽經甚善。

謹復泉州承天寺內弘一上其八

交磁物亦可存彼處也舊二月十一日演音路其九 惠書誦悉照相未有存者俟後寄上下月初旬擬往惠安講經承惠磁物甚感以後通訊仍寄承天寺轉

芳遠居士朗鑒惠書誦悉適有去秋到上海時所攝之影由友人寄來即以奉贈仁者而爲紀念近來講

十四日演音疏。 務甚忙下月初旬到惠安月底或往廈門但尚未決定也俟後奉達謹復不宣傳貫師附致候舊二月二 其十

朽人 初往 芳遠童子 明信誦悉余於二十一日或二十二日往廈門 二十日有人由廈門來迎接 大約自廿六日起講三天下月 後乃在漳 芳遠童子慧鑒惠片誦悉往惠安僅住數日即返泉州廿一日往廈門下月初旬即往漳州靜養俟秋涼 惠書誦悉鼓浪嶼不甚安寧仁者仍住永春爲宜朽人現居東鄕瑞竹巖擬在此度夏秋涼後倘車路可, **址如變動乞以信片存交泉州承天寺最妥傳貫師** 承天寺近在承天寺攝影一葉又在惠安科峯頂攝影一葉幷附奉贈。 下月初四 每日可寫 貫師因須居泉侍奉老父不能往廈仁者與彼通信仍寄泉州承天寺可也不宣演音疏其十二 、於廈 |漳州由南山寺介紹住鄕間某寺過夏近來多忙而身體甚健此次住泉州不滿兩月寫字近千件 難 ,慧鑒古浪了閒别墅已有正式請帖寄到明日嚴笑棠居士到泉陪接遲二三日即偕往廈門 五日往福 州 四十件上下廈門通訊處由妙釋寺轉交可也演音白古曆三月十三日其十二 事 講經承惠磁物乞帶鼓浪交淸智老和尚轉送與朽人最妥漳州通信處爲南山寺轉交傳 前四天已到 州城內功德林佛化社諸處演講但尙未確定不久仍返泉州以後通訊仍寄泉州 漳州弘法故能倖免於難現擬往 或在 惠安或已返泉州四月十八日演音啓 山中休夏秋凉後或可返泉 不宣三月十九日演音白。 州 也。 其 尊寓住 其十三 十四四

晚

晴

山

房書簡

第

一輯

與

李芳遠

門浦 藥 再 通, 者朽 師 即 瑠 頭 可 返泉州 人 璃 祈保亭轉交瑞. 既爲 光如 來本 仁 也。 )傳貫師 者誦經仁者自己亦應常常 願 竹巖距城甚遠, 功德經十部願 已往惠安彼之通信處爲 仁者消除災難, 二十五里, 行住坐臥 每月 惠安北門外輞川同善堂轉余之通訊處爲漳州 僅有 身心安寧早成佛道 念誦 人來此 「南無藥師瑠璃光如來」名號乃有感 一二次也朽人自明 普利 衆生五日 月 日 十二 始, 爲仁者誦 一日演音 東

應。

至

要,

至要附白品

【其十五

致函 明信 惠書, 國 聞 學 諸 · 誦悉所云 言 誦悉。 講 事乞撰述「筆記」數卷可以爲永久之紀念演音上七月初 與 習所 傳貫師乞寄泉州轉靑陽市全順寶號交小沿塘西天寺轉送草庵仁者此次避難永春所 仁者 不久即改名專科學校 詩集未見現在郵局亦不能寄印刷品傳貫師築室事已中止不久擬返草庵以後仁者 如能專心念佛名必獲大益至用欣慰此復六月十一日演 專研 國學, 最善較中學爲佳也彼 四日。 處大半爲余之友人今春 音啓其十六 仁者將來可以到 曾在 泉州 彼 昭昧

前 上信 片, 久未得 寺傳 貫 復想是學課多忙傳貫 法 師演音 上。 師昨來信已移居崑 山寺通信處惠安北門外大前黃鄉合隆

明 誦悉余不久即往他處行蹤難定以後乞勿來信至禱十月十四日音上其十九

寶

號

轉

崑

Ш

其

十八

演

講

次仁者若欲即

往者乞託承天寺瑞今法師

介紹。

其十七

弘法, 地 惠 弘 書, 以 法 誦 報 者, 悉。 答 因 不 一余居 久即 閩 南 住 擬往草庵靜 人 士之護法厚 閩 南 十 年受當: 養謝絕一 恩耳。 地 現在 人 切諸 士 弘法 種 事。 種 已 畢, 仁者 優 遇。 今余年 即擬休養故往草庵明年將往 如返古浪乞寫 老力 衰, 示通 不 久即 訊之處今年所 可 謝 世。 惠安閉門謝 故 於 今年 以 往 閩 往 各地 南各

終其 天 年 耳。 舊 十月十 四四 日。 音上其二十

惠書, 華,至 惠書 日。 堪敬 誦悉。 音。 皆 誦 至用 悉朽人現居泉州 佩深望今後活潑莊嚴爲當代第一人耳歲除之後, 、慙惶自 明日 承天寺數日後即閉關靜養約數月後乃可再通 起即當遵命閉門 靜修, 屏棄一切仁者天 或往他處謹復, 眞 靈性, | 舉世 信也略復不宣 不宣弘一和南。 莫匹而 不 ·欲沈淪 正月十 其二十一 四

惠書, 演 誦 悉。 其二十二 仁者 應先修淨土宗詳細閱覽嘉言錄爲要朽人不久或往永春餘俟晤談 不宣。 二月初六

音 上。 童子慧覽。 其二 + 三 惠 書, 誦 悉。 八 稿, 錄。 印資已有 五 圓。 不 久 可

芳遠 付 二百人幷攝影, 思 渦, 前 存 謝 絕 修 持 放城盛會 切 法 三千 人 事 也。 周 册, 日 旋。 俟 講 附 時 奉上 已由 局 稍 血 平定, 數居 書佛 分送 土編 號 與 葉希受收, 泉州 安海 不宣。 漳 一十餘 州 四四 諸 1月十日。 處。 現 暫 性常 音略。 存 桃 源 師 殿 八 即 日 口 佛 耳。 入 誕 朽 城 接洽 近

晚 晴 山 房 書 簡 第 輯 與 李芳遠

其二十

29

晚

凉爽午後僅至八十六七度 宣子慧覽囊郵奉明信至太平村想已收到尊作篆書甚佳開芳居士遺作誠見道之言也山中頗 竊去故蓋印後再 入夜須覆重衾也謹復不備農曆六月廿一日音啓 加封寄之其二十五 〔信殼書〕 此 郵

兩奉惠 書具悉 承施箋紙甚感尊恙漸痊爲慰倘仁者來普濟寺乞於古曆六月十九日前惠臨因自二

恐爲

他

人

十日 始即 謝客養靜未能晤談也六月初七日音啓其二十六

芳遠 册, 領時乞攜帶大布包袱二件油紙一張以備包裹至要朽人衰病益甚昨日始晤客三日後仍謝客習靜 修國學爲宜蜀院固勝宜俟時事平靖乃可往現宜暫往滬校肄業錢居士素未相識, 士 一簡 目錄附奉覽, 童子澄覽惠書忻悉一一億江南詞等深有意致仁者神經衰弱未可修治高中繁難諸課程, 可通訊也郁居士詩稿未有存者印稿俟往泉州後蓋之因是間所存無多也舊藏觀音寶相 擬以奉贈仁者習覽臨摹乞託便人來普濟寺向性常法師領取拙書小聯亦幷奉上來 附奉介紹與馬居 應專 二巨

略復, 不宣六月十六日音啓其二十七

惠 I誦悉 朽· 人近擬埋 光埋名遯世終老所云之事乞緩行之寫件俟往泉州後加墨此復不備七月二

十二日音啓 其二十八

自 明 日起每日送粥兩次希爲轉知廚房早晨送來時間再延遲一點鐘一小時 送來因余近來老病日

甚晨起手足無力精神頹唐不能早起牀故須再延遲一點鐘也午粥送來時間仍舊十一點鐘, 不可遲 。

遠念先此奉聞不宣農曆十一月四日音啓其三十 芳遠居士澄覽昨誦惠書至用忻慰近兩年來老病頹唐於諸友處罕通音問覺音刊未見承示 春城煙雨二句最勝近將方便掩室誦經持名約至明歲夏初乃可通訊屬撰詩序亦俟明夏試擬知勞 病態日 甚, I僅能食粥或地瓜若乾飯菜飯麵皆不能食不可送來芳遠童子惠鑒音上 其二十九 詩詞, 以

惠書誦悉尊稿乞寄下韓偓詩及彼居永春之事蹟亦乞寫示演音上其三十一

承施 梅花食品均經妥受感甚愧甚近頗閒適倘逢假日乞渡海一游以便授寫字之法也弘一上其三

惠書, 誦悉至用欣慰朽人不久即往茀林閉門養靜附奉與沫若居士書乞爲轉達幷代致虔仰之意至

禱附題偈 一紙序文可乞竹莊居士爲之不宣月臂其三十三

印卷首世出 書悉。 當 無妨也演音疏其三十四 不 復 仁者能於文藝有所表樹 措意且綺語之類, |世事非一番苦心經營其成就必不驚人若欲超脫塵障更須一番風霜磨礪故遲遲出版 佛所深戒尤 至用欣慰朽人早歲留滯東 非沙彌之所宜言矣竹老之言感佩 京亦嘗一度悴心於此今年老衰又入佛門, 萬分附書靈峯遺語 紙,

晚晴山房書簡 第一輯 與李芳遠

詩今老矣, 芳遠 根。 童 ·澄覽惠· 尚 復 持當來爲 如 是所 書誦悉至用欣慰見來書 恨 蹉跎 歲 月无 師, 所 成 就, 有 遺願, 愧見 唐人詩西樓望月幾回圓 故 人耳。 亡 禱焉。 者 春 秋 正 富, 句, 啓。 知近 而 又 聰明 境大進音嬰年 過 人望自此 -亦喜此 起多

惠書忻悉 册, 附 挂 號 郵 朽 人 奉。 又 此 復竹莊 次居泉 居 兩 士 旬, 自 函, 「及與陸嚴二 墮 於 名聞 利養 居士寫件俟後託傳貫師寄上先此略復不宣古十二月 陷 阱 中, 至 用 慙惶。 明 午即 歸 臥 **茀林閉門靜修** 特 刊

一日音啓。 其三十

種

善

精

勤

修

人類

導

圓

成朽人

謹

稽首

祝

演

音

其三十

五.

之中, 法故, 芳遠 以此 好學, 一識見 童子 書代 童子 不 避 序何 邁俗仁者可常與之通訊當獲深益彼之母子皆依 礟 澄 慧覽前復明信, 最。 彈誓 覽。 惠教, 如今後將靜 與 廈 誦悉。 市 至用 想已 共 八存亡古 詩 一 養暫未能通信謹復不宣壬午元旦音啓 ]郵奉茲寄-感謝。 之。弘 朽 二上十二日 云, 人已於九月廿七日 「莫嫌 上紅 |樹室額幷復蔣居士 老 圃 十三日。 秋 容 淡, 歸 廈門近 、朽人而 猶 有 書及 黄 花 日廈 歸信三寶也附 横披 漳州 晚 節 市 頂 香。 雖 \_\_ 葉前 風 田 乃 聲 下劉綿松居士 一稍緊, 斯 白。 者屬 意 其三十七 也。 撰詩詞 但朽人 吾人一生 英年 序即 護

四年 居 前則稍輕減此次至泉未演講未赴齋會僅有請便飯者三處往之惟以見客寫字爲繁忙耳夫 + 智覽。 惠 書, 誦 悉諸 承 關 念, 並 示 箴 規, 感 謝 無 盡此 次 朽 至泉 城, 雖 不 免 名聞 利 之嫌, 但

晚

節

爲

要

願

與

、仁等

共勉

一月二

其三十八

宣壬午元宵日音啓 彼寄還因朽人前已蓋奉不須再蓋且佳印無多不足觀也朽人現在結束一切諸 絕諸務以後於尊處亦 老朽而曲諒之以後倘有他人詢問朽人近狀者乞以「閉門思過念佛待死」八字答之可耳謹復, 見客寫字雖是弘揚佛法但在朽人則道德學問皆無所成就殊覺惶慙不安自今以後擬退而修德謝 寫 各體 監書朽人出了 家以後即有未能乞諒之仁者屬蓋印 未能通信倘有惠 此 l次至泉州朽人自己未受一文錢他人有供養錢財者皆轉贈寺中或買紙用。 函亦 不披閱諸乞原諒爲禱 事, 此 册前存性常法師 前爲嚴居士寫 事, 處將 未能應命 就 \_\_\_\_ 紙,並 來託 乞愍其 奉上仁 便 人囑

仁者繼 精進朽人近來病態日甚 芳遠居土慧鑒。 成之則吾雖凋復奚憾哉國慶前二日弘一和南其四十 惠書敬悉一一 不久當即往生極 自當遵命閉關力思往非仁者慧根深厚舉世無匹深望自此用功勇猛 樂獪如西 山 落日殷紅絢彩瞬即西沈故未圓滿之事深盼

往返之旅費由傳貫師任之附白其三十九

# 與施勝慈居士三通

科 勝慈居士 巨册爲李圓淨居士贈與公閱處又安海法音錄若干册乞由流通處分送可也以上各件共爲 禮席。 惠書誦悉屬書之件俟舊曆二月十日後嚴笑棠之友人到泉 州 時帶上尚有 華 嚴

晚晴山房書簡 第一輯 與施勝慈

寺性常法 錄, 包託 嚴居 在安海所演講之本共印數萬册約在二月初出版先奉上若干册以後倘再需者乞致信與承天 士 轉 取附白其 奉。 朽 人 不 久 或往 永春, 暫未能 通信謹復不宣廿八年正月十四日。 i演音 啓 安海 法音

師

請

勝慈居 禪居 印 在 横 四千 一本寺講經往永春之行尚未能定茲託友人之便帶 額 土 紙乞轉交笑棠居士崇經堂額公閱 册前函云數萬册誤算也俟以後覓便帶上若干册種種費神感謝無盡不宣音啓正月廿八 時 土 乞代 **慧鑒去歲十一月廿七日惠書昨始披覽竹禪居士書亦於昨日披閱欣悉一。仁者** 致意朽人前擬掩室靜養以事務冗忙卒未如願自前 處牌二紙呈與仁者直 上一 幅二張乞轉交沈柏蓀居士 大包。 內計華嚴經 日始, 已如常晤客通 疏科表一大册 安海錄 尙 触 未 與 信 小印出大約 佛 矣下月擬 經 如 公閱處。 晤竹

勝慈居 將朽人 笑棠居 因 養正院不能開學。 預寫之明信片寄上通知仁者再覓便領取可也謹達, 土 士慧鑒前託東門某商主帶上寫件等想已 一商酌倘 有便友到 擬贈奉安海法音錄二百册現交與承天寺庫房覺圓廣義二 泉州者乞來領 取前云之護生畫集俟他日出 一收到朽人擬於舊曆本月下旬往永春性常師 不宣二月十四日演音上 版後由覺圓廣義二法師 法師管理乞仁者與 其三 同

其二

### 與楊勝南居士

勝南居 土慧覽 惠書, 誦 悉。 忻 慰無 己。 前數年朽人 曾編輯佛學叢刊 部, 計四冊 在 上海世界書局 版。

研習時先後之次序

一世十二章經濟所に、大学の一十二章經濟所に、大学の一十二章経済の一十二章経済の一十二章経済の一十二章経済の一十二章経済の一十二章経済の一十二章を表現して、大学の一十二章とは、大学の一十二章とは、大学の一十二章という。

· 藥華嚴 八師經經

大經普淨

人・門行 覺地品品 經藏・・

。經金十 ・剛迴 佛經向 仁者依此書研習最善次序如下

總目之次序

一至十二 此皆經文乞隨己意選擇讀誦

十三 依經律論等挈錄宜後閱

十五 略說學佛法者應發之心宜後閱

十六 義理深奧宜最後閱。

十七 以下二種皆說淨土法門

十八 先閱第六章以後再從初閱起。

晚晴山房書簡 第一十九 入門最佳之書

輯

與

楊

勝

南

-四 解釋人生問題由淺至深雖未能盡解亦應先閱。

内 七 按即原人論

按

即

法海

觀

瀾

按即斐相勸發菩提心文

按即華嚴念佛三昧論

五 按即印光法師嘉言錄

六

按即

淨土

晨鐘

按卽李圓淨編佛法導論

六九

晴 輯 與 楊 勝 南

雖 未能 盡解亦應先閱佛法之源流派別略具之

以輪擲之極有興 、味如世俗之陞官圖。

廿三 記善惡報應等事 古辭典以下三種隨時閱之

廿五 廿四 文簡淨易閱。 古高僧事蹟。

廿六 見月律師自傳讀之最有興味。

筆記。 以下三種皆有興昧乞隨時閱之

味, 此 反覆尋覽不可急速,

按即楊仁山著佛教初

按即選佛 譜

按卽釋門自鏡

按卽釋氏

要覽

按即 緇 門崇行傳

按卽釋氏蒙求

四 按 即 夢漫言

按即竹 2窗隨筆

按即菜根

按即寒

山

拾

按即 陽復 齋 詩偈

書朽人處無有存者福州諸善友處或有之倘覓求此書不可得下記數種乞先閱覽閱時宜緩緩研書的人處無有存者福州諸善友處或有之倘覓求此書不可得下記數種乞先閱覽閱時宜緩緩研

印光法師文鈔及嘉言錄

佛法導論

竹窗隨筆及二筆三筆

菲律賓諸善友來函約朽人往彼弘法不久啓程匆匆略復不宣拙書一紙附奉上農曆十月五日音啓。

#### 與王正邦居士

殊盛。 廣洽師發心募印再版 耳前廣洽師所印拙書金剛經所存無幾此書接引新青年至爲逗機 軍官等閱此皆生善心功德尤大乞勸 正 路影印宋藏經會乞先通信接給不宣演音啓十月廿八日 |邦居士道席惠書誦悉前由漳州到安海住一月近已返泉州居承天寺今年在各地弘法甚忙法緣 在安海演講聽衆近七百人近返泉州軍官來談者甚多但自慚道德學問皆無成就勉力支持至用汗顏 能印數千冊廣贈尤善 仍託上海費範九居士經手印刷最善也 通訊處仍是威海衞

# 與慈航居士<br /> 六通

其名款寄下並註明小聯或小中堂字樣即可寫奉無須寄紙來倘寄紙來者亦未能書寫也若是出家 漳也尊翁及 慈航居士文席居漳半載諸荷護念至用感謝擬於明晨啓行未敢勞諸善友相送將來有緣仍可再來 尊元諸善友均乞代爲致候謹陳不宣戊寅九月十二日演音啓。 以後 如有屬書者乞寫

晚晴

Ш

房書簡

第一輯

與王正邦

慈航

晚

出亦乞註: 明其一

緣他日 過從, 慈航居 至爲歡忻今離羣索居 倘 慧覽前上明信想已達二十日抵安海居水心亭約下月望後乃他往前在閩漳與仁等時相 收佛書後乞隨時通信致謝彼居上海慕爾鳴路第一百十一衖第六號世界新聞社 悵惘何已上海陳无我居士處已致函託彼常常寄諸佛書至尊寓廣結善 內謹陳

不宣舊九月二十六日演音啓其二

慈航 庵。附 奉三聯, 美者 居 士 均乞轉交爲感弘化社寄來之書乞隨意分贈並乞贈二册與郵局林植 一慧鑒惠書誦悉朽人 一贈與楊遂 厂一贈與林春元 居安海已近一月講法數次聽衆甚多近七百人不久擬返泉州鄉 字仲 山麗華齋印 泥店一贈與王文象 即前余動身時 人居 士至禱以後隨 送余乘船 間草

時有他處寄贈諸書皆乞仁者隨意分配贈送無須來函詢問也不宣演音九月三十日。 其三

朽人居安海 慈航居 士禮席近奉惠書悉尊慈謝世承仁等誦經念佛之功德當可往生善道或生蓮邦無復疑慮耳 一月近返泉州居承天寺明年暮春或往永春也尊翁乞代致候令兄伯 ·乞以人生指津與彼閱覽應深生歡喜心也以後各處寄佛書至尊處者乞隨宜贈送附 初居士居香港久

當已歸

信佛

法

寄人生之最後等

一包乞詧收演音啓十月十

五 日。

其 四

慈航居士禮席十七日所發惠書誦悉仁者善根深厚發心歸信三寶至可慶慰擬定法名爲勝慈二字

海講稿 慈航 演音啓戊寅 於 居 歸 依儀式 明正即可付印二月擬往永春因久已約定不得不往也劉綿松居士青年好學篤信佛法以後 士禮席本擬掩關習靜數月乃人事紛忙竟未如願到泉州後已寫字五百 十一 俟將來晤 月廿四日。 面 時乃可行之附奉拙 自十二月一日暫閉關 書一紙即一 用 功俟數月後乃可 可證明仁者歸 依之心 通 信附白。 已成就 件左右近復編 其五 也謹復, 錄安

### 與健

擬常常訪謁仁者乞延接晤談爲禱謹達不宣舊十二月十五日演音啓其六

健魂 所用上海宣紙爲友人所贈殊不易得也附白。 有黃 矣但對付敵難捨身殉敎朽人於四年前已有決心曾與傳貫師等言及古詩云「 紙, 天 爲特别寫 晴時寫將來若能與豐居士 花 居士文席惠書忻悉一一諸荷護念感謝無盡曏因傳貫師勸往菲延期遂免於難否則囚居古浪 晚節 香。 一件乞暫秘藏勿示他人恐他人援例請求也又附奉上單款寫件四紙乞隨意贈送此次 」吾人一 **魂居士** 生之中晚節最爲要緊願 通 信時當達尊意謹復不宣農曆十月二十五日。 與仁等共勉之也屬書三 紙已就附奉上 音略。 莫嫌老圃 此 **秋容淡猶** 小字心 小字一幅,

晴

山

房書

第

輯

與 健 魂

### 與伯 衡居士

委寫以奉慧覽略致誠款無復覼縷伯衡居士丈室正月廿日曇昉疏。 承 過談歡忭靡已蓮華寺主淵法師奉謁左右乞仁書聯莊嚴梵室句爲朽人舊撰未審可用 示别紙

### 與拯 邦居士

**拯邦居士道鑒屢荷惠施枇杷膏感謝無盡今正元旦始已講律典老體尚健獲服良藥當益康勝耳謹** 

復不宣演音啓

#### 與一 乘居士

不久亦往菲島仁者禮佛誦經精進無懈至用歡慰附奉上拙書二紙希受收不宣農曆十月初十日音 乘居 土慧覽正月二十七日 「所發會 函, 數日前始遞到性願法師往菲律賓已數載故前 函 遺失朽人

啓。

### 源居士

也通訊仍由泉州承天寺轉交謹達不宣十二月十四日演音啓。 詞源居士慧覽在安海居住一月前日至草庵因故已辭謝惠安崑山之事現暫住草庵稍遲或往他方

#### 與勝 順居士

奉乞轉詢示知爲盼十二月初八日弘一上 勝順居士鑒送上拾圓歸併救濟貧人款內乞收入再者前商會送來之寫件內有款字不明瞭者附貼

#### 與春 發居士

春發居士朗鑒前屬書中幅已寫就乞仁者來寺向性常法師領取爲盼謹達不宣庚辰元旦晨弘一啓。

# 與宏智女居士等

腰 女 居 士 仝覽屢承護法厚施一切至用感謝茲有陳者覺圓法師即擬隨余往閩東專心用功暫宏智老女居士 。 晚晴 山房書簡 第一輯 與詞源 勝順 春 發 宏智 七五

並念佛資其往生極樂世界感謝無盡謹此代懇諸希慈察不宣弘一啓四月十四 未能返泉彼有老母現住惠安未能放心務乞仁者代爲照拂一切倘有病苦或命終時更乞輔助一切,

# 與俗姪晉章居士六通

寄上寫經一包乞收入其中梵網經多二册乞轉贈幼樵品候二居士爲禱今年六月初五日爲令祖百 二十歲冥誕仁者應寫經迴向如何謹達不具五月八日演音啓其二

榴花 晉章居士慧鑒到廈門已旬日前屬爲姚仲矩居士哲嗣書佛號乞示其名字附一紙乞交徐居士廈門 盛開結實甚大猶著單衣以後惠書寄廈門中山公園東門內妙釋寺轉交爲宜舊十一月十日演

音疏其二

天氣 由仁者自跋一段說明此事之因緣舊十一月廿八日演音啓其三 中常常有之無足異也廈門天氣甚暖余唯著一件布小衫一件夏布大衫出門須執傘, 惠書誦悉屬寫各件俟稍遲書就一併寄奉數年前上海報已載余圓寂之事今爲第二次記載, 或六十一歲之數壽命修短本不足道姑妄言之可耳「洗心人讀經室」額紙後方擬留空白尺餘, 相似榴花桂花白蘭花菊花山茶花水仙花 同時 盛開星命家言余之壽命與尊公相似亦 中與津地 在六十 失實報 八 月底

覓求 名中隨意選之「亡言无得吉目勝音無畏大慈大方廣音弘」」二四十年前津人習白摺小楷 前奉明片想已收到茲有奉託者二事一乞仁者爲余刻印二三方寄下以爲紀念其文字乞於下列數 昨 非錄, 一部惠施寄下至感寄圖章時甚費周折乞向郵局詢問爲要演音啓其四 」係翰林分寫小楷石印精本共二册其文字皆嘉言懿行頗可流傳乞向舊書鋪或親友處 恒用

惠書 「誦悉印石已收到篆刻甚佳所屬各事稍暇製就郵奉先此奉答雄河居士演音啓舊二月八日其。

五

惠書誦 乞暫勿通訊俟秋涼時返廈門再奉告也雄河居士演音疏三月十日其六 悉承惠施佛像「昨非錄」至用感謝在此講律將畢即擬往百里外山中度夏郵政不通以後

# 與夏丏尊居士九十四通

有虚語。 賜箋敬悉居士戒除葷酒至善至善父病日劇宜爲說念佛往生之法臨終一念最爲緊要臨終時多生多 劫以來善惡之業 不可使家人環繞妨其正念氣絕一小時乃許家人入室學哀至要至要。 自力 不足居士能助念之尤善勸親生西方脫離生死輪迴世間大孝寧有逾於是者 一齊現前可畏也 但能正念分明念佛不輟即往生可必 釋迦牟尼佛所說十方諸佛所普讚豈 淨土經論集說昭慶經房皆備, 臨終時

晚晴山房書簡 第一輯 與夏丏尊

晚

七八

銀錶 託佚 <mark>丏</mark>尊居士小額附奉演音其二 可以 古研敬受判教宜先看五教再閱四教選佛譜宜每日擲數次名位繁瑣非如是不易記憶也卒復 生轉奉范居 請閱聞范居士將來杭在佚生校內講起 士不慧入山後氣體 殊適, 可毋念丏尊大士坐下, 信論父病少間居士可以往聽紫柏老人 演音稽首六月十八日。 集 其 如 未送還 希

附奉, 年也吳建東居 甚深願仁者請閱並傳示同人近作一偈附寫奉覽不具丏尊居土釋演音三月十一日。 或有之俟他日有人來帶下不急需也 前日葉子來談藉悉起居勝常爲慰南京版四書小參中庸直指仁者如已請來希假一誦否則乞詢佚生 承 以備參考撰就希交吳居士收相見無日幸各努力勿放逸不一丏尊居士文席演音六月廿五日。 遠送深感厚誼來新居樓居士家數日將於二日後入山七月十三日掩關, 士前屬撰楊溪尾惠濟橋記音以掩關 歸元鏡 昭慶版 頗有可觀 暴以其爲戯曲甚輕視之今偶檢閱詞旨警 期近未暇構思願賢首代我爲之某氏所撰草稿 以是日爲音影染二周 其三 切

海淵微未易窮討念佛一法最契時機印老文鈔宜熟覽翫味自知其下手處也可先閱其書札一類仁或 門外城下寮 如昨日吳子書來知仁歸臥湖上脫屣塵勞甚善甚善余以是歲春殘始來永寧, 掩室謝客一心念佛將以二載圓成其願仁者邇來精進何似衰老寝至幸宜早自努力義 寓溫 州 南

其

來 甌, 夕。 希於半月前先以書達當可晉接秋凉惟珍重不具丏尊居士。 其五 便中代求松煙墨二錠寄下。 演音。 八月

之眼 代寄當妥善也惠書仍寄廈門轉泉州大開元寺二月後乃移居丏尊居士道 因 廿七 可資急需至鏡邊金質可用他物塗之無 事 留滯 如已不合用, 泉 州, 秋晚 乃 聞人云近十年即須換。 可入山 也今年未能北上前承尊戚施眼鏡甚爲適用但攜帶未能輕便仁者前 有礙 乞以 也惟付郵寄下頗非易事 惠施因余猶 可適 用 此光 或 也。 塵演音啓 致途 且 備 中破損乞託眼鏡公司 有 兩 其六 具, 萬 有 破 碎 亦 用

拾圓, 衰老 丏尊居士道席 惠書, 付郵 日 甚殊畏寒暑閩南 滙 下, -以備雜用 [具悉承施目魚此名馬居士定感謝無盡印西師盛意至用銘感近年來雖無大病, 氣候 甚感謹復不宣八月廿二日演音疏 調 和適於療養故暫未能北上至用歉然稍緩即擬移居山中希施資 其 七 但 貢

新居, 丏尊 化, 能 閩閉關之事是爲宿願未能中止他年仍可來居山房終以此處爲久居之地也。 亦 久 住 居 H 由 毫 山房但因寺院充公之說, 山 士。 無憂慮 房望之不 惠書 忻 仍能 悉 啻 安居 幅畫 攝影甚美可喜山 度日故余對 圖。 時有 後方之松樹配置 所聞, 於 未雨 房建築於 山房建築落成深爲 甚好。 綢繆, 早建此 彼云, 美觀 一
曾
費
心 上甚能 新居貯蓄道 慶慰甚感仁者護法之厚 注意, 以上之意如仁者與發起諸居士及 力慘淡經 聞多出於石禪之計 糧, 營良 他 年 由以 寺 制 也現 或 意 有 書 也。 在 重 一大之變 余雖 也石 秋 後 禪 不

晚

朝演音答 俾令 施資 諸居 大 衆 士晤面之時乞爲代達因恐他人以新居初成即往他方或致疑訝者故乞仁者善爲之解釋, 同生歡喜之心也數日以來承尊宅餽贈食品助理雜務一切順適至用感謝順達不具重陽

其

丏 摩 居 士 日,請 月 取之食用費作爲此會布施之義而領受之 每月數目不能一定因有時住二人或有時僅一人或三人此事俟晤 不用侍者今日 與仁者晤面 面時詳酌。 日 # 送。 九 惟 一切菜蔬 日演音上 淨 法 惠書誦悉至白馬湖後諸事安適至用忻慰廁所及廚竈已動工構造廚房用具等擬於明後 以後自炊之時尊園菜蔬由尊處斟酌隨時布施此事乞於便中寫家書時提及由便人送來不須 師偕 時詳酌立會經理此款資甚善擬即請發起人爲董事其名目乞仁者等酌定以後 皆 擬向 可食無須選擇也草草復此餘俟面談聯輝居士竭誠招待一切至可感謝不宣舊八 工人至百官購買彼有多年理事之經驗諸事內行必能措置妥善也山房 外五紙乞交子愷居士 章君處領洋十五圓購廚房用具及食用油鹽米豆等物其將來按月領款辦法俟 其 九 可 以 每月領 自炊 每

丏尊居 而 去佩弦 倘有向尊處詢問余之蹤跡者乞答以遯居他方未能見客及通信現住之地及寺名乞勿告知其士 1土惠書 居士 及 | 尊眷屬書之幅已寫就俟後面呈臨古法書承爲代寄甚感謹復不具舊 誦 悉承由 尊宅送到 書籍及 惠施器物至用感謝宿疾已漸愈質平前日來此二宿 七月八日演

偕 也。 他 地 紹 月 子丏 址 年 仁等晤 仁 同 也。 僧 在 槪 月 在 函,愷尊 興 等往 過 來白 五 衆 何 謝 望 外 四 甚 江, 傳 處。 絕。 恆 以 士 云 朽人 多但不是 ・全覽前 弘祥 往 後, 揚 即 杭 馬 句 Ш 紹 並 此 請 房若 州 湖。 留 卽 自昔以 事 師 興。 乞仁等 田 弘 時, 弘 數 陽 是寺院, 時乞云, 育, 天 答 祥 所 曆 宜 祥 住 日 恐 十月十七八 寄奉 云, 師 則 三人, 以欲仁等正 乘 師 來凡 告 他 上午  $\neg$ 收 之行李乞仁等代 山 亦不能 僧 知 現 拾 「今代 其 房之中居住 信 弘 衆 在 行 火車至 函, 經 八日以後, 佛法, 祥 倘 李。 想已 無 費 供養 表弘 午到 須 所 師 有 亦 出 來白 問, 有 閘 云, 收 可 多人。 二師 家, 杭 口。 者有 足用 明 物 來 到。 此 即至 爲照 拜 馬 日 件, 州 白 至白 僅能 師傅等皆弘祥師爲之指導一切受恩甚深, 迎請 者因 次 湖 到 皆 云云。 馬 時 [馬湖後 動 訪 時 印 料。 閘 三人, 湖 帶去。 弘祥 身 問 可令弘祥 至用 朽人 便 請 口 時, 弘祥 他 者, 知。 虎 有時 擬 往, 明晨, 師往 跑寺, 感謝。 招 因 請 承夏宅及諸居士輔助 其 二人其 待 師 不 思現 由 他處閉 必 對 餘 即 一人往彼處居住倘 師 訪 迎 上 告知 請 付之事 凡 弘 海 在 -於下午收拾行 同 祥師。 繞道 有 弘 即 經費當 動 關 祥 弘 所 迎請弘祥 傘 甚 問, 身 用 杭州, 仁等 師 皆 云云。 功。其 師。 爲 時, 可 困 不 即 其 代 + 必 李俾次 恐 難。 地 應注 朽人 分足 一切甚爲 Ц\_ 師 可 甚爲 弘 故 明答朽 有他位 居 來 意者, 迎請 傘 不 住 用 此 師 欲 幽靜, 是即 也。 虎 同 法師 弘祥 人之意 感謝前 無 挽 發 跑 住° 如 弘祥 以 諸 留: 表 等 可動 寺 下 以 欲偕 住 師 事 於舊 後 反 數 師, 飛会由 宿次晨, 多周 虚之地 身。 朽 倘 無 不 則。 偕 欲 往 慮, 同 曆 人每 向 折 其 由 九

晚晴

山

房

書

簡

第

輯

與

夏丏

譯務 惠書誦 往福 册廈門南普陀大醒法師二十册溫州大南門慶福寺因弘法師二十册天津河東山西會館南李晉章 力 衣寺暫住 上所 公司往廈門及往福州之輪船其開行之時間是否有一定之規例 用皆乞仁等 開 仁等發起 尼之例此所 車, 陳諸瑣 之信乞代 皆 至 建一行故擬於陰曆九月底即往上海, 土前寄寫 北 其 悉仁者有疾行旅未便本月可以不來白馬湖朽人於下旬即往上海當可晤談也子愷校課與 門白 建此 導 二三日乞仁者於六日 忙 詢 與 亦 惠施, 碎事皆乞鑒察種種費神感謝 問者爲時間非是日期因日期可閱報紙也 收云云臨古法書出版後乞更改寄處如下 余 衣 可 Ш 寺車 不來杭州之事 感同 房故欲迎養聊報恩德於萬 晤 經續寄一函想悉 談 也有 力約二角餘。 身受(六)朽 應商 星期五 **酌之事統俟面** 到 可以稍緩無妨也幸勿拘執俗禮。 白衣 收到。 人有謝客啓附奉上一紙託弘祥師代送虎跑庫房, 等乞問 或七 余擬於新 或 無盡再者朽人於今者已與蘇居士約定於晚 小住數日 日 一也弘祥師所有錢財無多其由閘 慧性師。 談乞仁者先去信, 星 期六 曆六 瑣陳草草不宣十日三日演音上 月五 自上 或即 倘 云 前紙 不知, 乘船 日 海搭輪船來爲盼。 作廢。 星期 託尊府 乞問念佛堂 至禱九月初五 而行並乞仁等便中代爲詢問 四 如寧波船決定五時開長江船決定半夜 福建 到寧波三 泉州 人到 內出 仁者 承天寺性願 山 一日自溫 日演音・ 口至白 房 灑掃。 塵老 到 其十一 寧 動 秋冬初 令衆 和 波 上。 馬湖 又 身 法師 如有 時, 在 尚, 其 北門白 傳觀以 乞坐人 士二 種種 由 彼二 寄與

其十三

送開 能繪 爲相 **丏** 路乞寫極詳細之地址江南銀行某人收云云信內乞寫託其收下覓便帶至白馬湖夏寓寧波路之地址, 食 便人帶至上海送存江南銀行乞仁者爲寫一 用 功未能! 費及工 宜居此 水 居 一圖尤善因外鄉之人不易尋覓也附白其十四 及 士。 一人費擬 其 移居之事諸承護念感謝無盡居此已數日至爲安適氣候與普陀相似蛟蠅等甚稀用 通 他 訊及晤談云云附一紙便中乞交豐居士不具演音 山中與閉關 雜 請 事甚爲精勤。 由 山 房存款利息內支付因余居彼居此無 無以異也以後 每月似應以資 出家 憑信寄至余處轉爲寄去信函寫外行李三件送交寧波 子 在家諸師 謝, 與贈送寺中伙 友有詢問余之蹤跡者乞告以雲游他方 以 異也前 食費同 本市有 存泉 時交去。 工人一 州 名。每 行李三 毎月 應付寺 日至余 一件擬託 中之伙 處送飯 功最 謝客

數月幸朽, 出 四 意料之外耳。 日 乃 稍 士昔承過談至爲感慰朽人於八月十一日患 愈。 稍 至昨 未曾延醫市藥故費用無多僅半圓餘耳買綠豆冬瓜蘿蔔等前存之痧藥等大半用罄惟 知 醫理, 日 + 八日 自己覓舊存之藥服之並 已獲全愈飲 食 如常惟力 斷 食 一日減食 疲耳此次患病 傷寒發熱甚劇殆不省人事入夜兼痢疾延至十 數日遂能早 頗重倘 療養不 痊° 此病 照例 能如 須半月 法可 或 以 兩旬。 纏綿

勸蘇 勞遠 權 藏 丏尊 陽曆 候 希 助 餘 病 意便中乞告內 版 法 病愈, 念 念深爲 師 大約 水半 居 及 九 居 士今晨奉 土 身後 講 月十 感病 良 困難。 印 用 地 瓶。 藏 廿五 乞仁 歉然日報所載有傳聞失實處此書版舊藏福 之事, 中起 自 故 山居士此外彼處尚有古版數 正 日 山時刻今此 菩薩 不得 慚 以 承 詢 部。 惠書具悉 後, 1者便中託人代購下記之藥以 耳今病已癒<br />
乞仁者萬勿挂<br />
念豐居 至爲感 立 本願 所需, 仁者 做 以十二部贈與日邦。 不 事之困難, 稍有儲蓄耳藥名另寫一紙 深爲 經的白 華嚴經疏論 企此 1或可返 一一重陽前後朽人 衣 感謝現無需用俟後 次病劇之時深 寺孤 里其 無有看病之人故於此娑婆世界已不再生貪戀之想惟冀早生西 按吾 見院 **纂要爲康熙時版或爲吾國現存之最古之經版亦未可知也** 時天氣 事, 種甚盼將 國江浙舊 甚爲 · 已漸涼 悔未曾預備遺囑。 曾寄信 如此之重病朽人已多年未患今日 惠施他日覓便帶下因山居若遇, 棘 奉達返白馬 手擬 來有 經版經洪楊之亂皆成灰燼最古者惟有北 士幷此致候。 爽。 片至 已過白 暫緩 州鼓 人印刷流 開 往。子 湖期, 露節。 山, 明, 助念等事。 久無 不具八 通告 愷居 俟講 布附一紙乞呈 乞惠臨法界寺與 《人知朽人》 九月 月十九晨演 故猶 經圓 士 未能返 處 久 滿 未 前年無 未 急 白馬 能 再 以 訂。 病難 通 西 五 湖。 意 訊 田 音。 、住持 現 十之年而 意中見之乃 求 在 想已遺 覓醫藥 即非 其 土並 千 爲 每 生 預商 五 西 思 Ħ 失致 方惟 聽靜 京龍 臨終 方耳。 患此 希 此 致

代

致候

三年前往內山居士處時見其屋隅

即陳列佛書之處有黃皮厚册之華嚴……

忘其名爲華嚴概論

現朽人甚思得此書他日如仁者見內山居士時乞爲一詢如無亦無妨也。, |此書倘承惠寄乞交二

馬 路全盛 信局即可寄至慈北鳴鶴場或交郵局亦可附白十二月二日。 其十

到法 以施 丏尊 可 全遺落幸得友人 再 往 助 界 居 至爲 也其 閩 + - 慧覧前-南過 感荷。 (時當 冬矣謹達, 以 資助得以動身至溫州將來由溫 先到 上書想已收到舊曆明年正月元宵後即擬覓便返法界寺極遲或延至正月底, 前 在 **尊寓午餐然後** 不具音上立春後 一閩南過冬兩 乘船 年無有所苦今歲驟値奇寒老體已不能支持明冬如仍在 而往再者前 日。 其 + 返白馬湖時 七 至寧波時偶 所需路費及買物等費仍乞護法 一不愼 將衣袋中之鈔票一 包完 世, 會

寄去 丏拿 刻 圓 經 五角滙往南京滙票上寫法滙 爲禱。 處所餘之五 居 士兩奉惠書具悉一一諸承慈念感謝無旣茲奉 種種費 |角即作爲滙費及掛號信費等可也附信一件未封口乞託人將滙票裝入代爲: 神感激無盡不具演音疏其十八 款人上海兆豐路 口開明書店夏丏尊收款人南京延齡巷馬路金陵 上鈔票洋十八圓乞便中託人到郵局以十七

**丏** 者 L詢問 居 余之近狀者乞告以 士。 爲禱。 南京經書已寄到乞勿念居法界月餘甚安與閉關無以異也以後倘有 月十日音上其十九 隱 遯 用 功 不 再 晤面及通 信, 現住之處勿告彼 云云他 日仁者返白馬湖時乞 出家在家之人向仁

晚 晴 山房書簡 第一輯 與夏丏尊 惠臨一

談

閏

晚

其 丏尊 也。 未 定價太昂 可 定 居 中秋節演音上其二十 也。 土 一俟返法 一慧覽紹 云云可否乞仁者轉商諸章居士另印江南連史紙粗率裝訂者發行則定價 (界寺時再 興諸居 士等盼望朽 致函 奉達。 人往彼 前得黃寄慈居 一游甚 切。擬 士函, 謂彼 二三日即動身往紹將來或 校頗欲以拙書臨 古印本爲習字 順 可在六 便至杭滬亦 用,惜 七角

日 開 前 光 元 巖, 寺 平 來函, 勿再寄至南普陀也音啓 內慈兒院 謂歌集不 葉宗澤二居士 久即可出 旧版至用感慰承寄五十册乞分寄下記之二處十册寄廈門轉泉州大 收四十册寄廈門鼓浪嶼日光巖弘一收以後通訊處即改爲鼓浪嶼 其二十一

昨誦 定。 他 早 蚊 帳 惠 被褥等皆存 書。 承 左 施資 石, 至遲者在 至 在法 感已甚足用。 界寺 月 底。 中以是之故未能在 謹復, Щ 房潮氣 不具音上正月 全除至用忻慰唯此次余返驛亭時僅攜帶薄棉被 山房止宿 初九 日。 其二十二 且俟秋涼時 再當來 山房也動身之時未 一件其

家 之 山 返 房聲 廣 人等向尊處或子愷處詢問余之消息乞告以不晤客不通信等音上, 山 告擬即 房後諸 淚俱 H 承照料感謝無 ·約余往甬泥水工人昨日已做 貼於門外不俟七月六日但此是 尊 府送 對外方人若仁等則: 來燒餅甚多乞仁 工一日因天氣陰雨 一者勿再買餅 無定 非此 屬彼暫止以後如 限也。 佛教大辭典太笨重現在亦 白衣寺安心 乾, 亦 勿買 罐 有 頭 頭。 陀今日來 閉門 出 家 人在 用

又白。 不披閱乞仍存滬上倘他日子愷往嘉興時乞彼於便中帶交「第二中學蔡丏因收」但不必急急也 其二十三

前復 佛經等皆乞託人於陰曆九月二十日以前帶至白馬湖爲禱九月十二日演音上其二十 函, 想已收到前存開明發行所之五戒相經及有部毘奈耶並存尊處之吳夢非居士由南京請來 79

承託佛學書局所寄之書已收到感謝無盡講經即將圓滿拙人因天氣太寒骨節凝痛, 上。 」擬於五六天後即往溫州在彼過年春暖之後再當返法界寺知承遠念謹聞不宣十二月廿六日音 以後通訊乞寄溫州大南門慶福寺其二十五 困苦殊甚。 不得

生畫集 教職 余也夏居 别後安抵廈門寓太平巖暫不往泉州以後通訊乞寄廈門南普陀閩南佛學院轉交弘一收小册之護 員等也質平處之住址已記不淸楚乞仁者費神將余通訊之處告彼並乞彼將其通訊之處告知 再乞向李居士請 士章居士陶居士等乞便中代爲致候並謝余在滬時承招待之厚情演音上舊十月四日。 施八十餘册。 再多更善 寄至佛學院交余手收因將以是分贈院 中諸學僧及 其

丏尊 奉覽此書出版之後余不欲受領版稅即分取售得之資因身爲沙門若受此財於心不安倘書店願有以 居 士。 |來廈門後居太平巖擬暫不往泉州因開元寺有軍隊多人駐紮也臨古法書序文寫就 附以

晚晴山

房書簡

晚

定用 印佛 腡 報 時路之體。 書時 者乞於每版 亦乞依此法每次贈余原書若干册此意便中乞與章居士談之並乞代爲致候字模之字決 不固執己見其形大致如下將來再加練習可較此爲佳。 印刷時贈余印本若干册當爲之分贈結緣是固余所歡喜仰望者也將 來字模製就

字與字之間皆有適宜之空白將來排版之時可以不必另加鉛條隔之惟雙行小註仍宜加鉛條間隔 兩三件老病之體甚爲安適附一紙及滙票乞交子愷演音上其二十七 耳或以四小字占一大字之地位圈點免去此事俟將來再詳酌 是間氣候甚暖日間僅著布小衫一件早晚則著。

前郵 州大南門外慶福寺因弘法師收並乞掛號至爲感謝模字擬於二三日後即動手書寫先寫七百字寄 信片想已收到拙書集出版之時乞檢三十册寄 福建泉州承天寺性願法師收再檢三十册寄溫

| 鐫刻時再繼續書寫他字附聞二月十一日演音其二十八

昨日南普陀送來尊函及格紙一包白紙一包悉已收到所云字典等一包想不久亦可寄到有部毘奈

護生信箋乞即選定幷示知其格式即爲書寫以前屬寫各件除銅模字須明年乃可奉上其餘各件不 耶請李居士轉交四川徐耀遠居士承夏居士轉到孫居士一函一片悉已收到, 此事於前函中似已提及

久即 可寫 好郵呈所有書物等均乞暫存尊處俟明年再斟酌辦法演音其二十九

書悉。 自 慚 凉德本 無 可傳擬自記舊事數則或足以資他人改過遷善之一助爾稍遲當寫奉不宣六月

十日演 爾 來患 音。 神 經衰弱甚劇今年擬即在此靜養不再他往晚晴山房若無人居住恐致朽壞如 L 其三十 惟 淨師 能

惠書 俟病愈後再執筆歲晚移居泉州山中以後惠函乞寄福建泉州洪瀨雪峯寺弘一收正月初七日演音 住甚善否則或請弘祥師或他人入內住之此事乞仁者斟酌爲禱信箋附掛號寄上乞收入銅模之字 子愷居士乞致候其三十一 並施 金悉 收到感謝無盡擬於舊三月初旬動身先至溫州由福州往不過上海俟下半年再至白馬,

湖。因 質平 屬 撰歌 詞須在溫州撰箸彼寺中經書齊備可資檢閱也以後惠書乞寄溫州慶福寺弘一收

謹復演音舊二月望日其三十二

膚外症極重此次大病爲生平所未經過雖極痛苦幸佛法自慰精神上尚能安也其中有數日病勢凶 丏尊! 居 士 道 席。 月半前因往鄉間講經居於黑暗室中感受汚濁之空氣遂發大熱神志昏迷復起皮

晚

於 施 數甚巨又能熱 單 至今 險, 法師 名古屋· 感謝無 病 之名可以由 愈 瀕 仍 中區 春暖後移居廈門又白其三十三 附 臥 於危有諸善友爲之誦經懺悔乃轉危爲安近十日來飲食如常熱已退盡惟 虚演 牀 奉 門 上, 前 上 音路舊正月初八日 町 彼代拆信代 心看病誠可 亦 不 其 乞託 能 中堂。 履 地大約再經一 內 山轉寄爲感此 獲益 領 款也。 感也乞另滙 甚大今擬 此四十圓以二十圓贈 以後通信乞寄「廈門南普陀寺養正院廣洽法師轉交」余約 二月乃能全愈 次 繼 下 四 大 續 病, 購 十圓交南普 居 請。 郷間 乞再賜 也。 與寺中, 寺內, 前 陀寺 日 年 金六 承 承護法會 廣治法師 寺中 以他種名義, 百圓, 種 託 施資請購 種 轉 優 內 其餘二十圓 待。 山 交 弘 書店交銀行 \_ 切費 一收。 日本 外 古書 但信 用 症 皆寺中 自用屢荷厚 不能速愈故 面乞寫廣 滙去, 其 書 出, 購 店, 其 爲

居鼓浮嶼通信處仍舊由養正院轉其三十四 廿 半 拙 電 丏 書等。 載, 火 藥 九 居 此 物等實 演 死 士道 款 生。 席。 疏。 乞 費統 雖 便 前復明信想已收到宿疾約再遲一月可以全愈此次請黃博士治療, 以後 中 肉 體 ·於護法會資 計 ; 約 近 百 頗受 通 訊, 痛苦 乞寫 金若不稍爲 但 支寄惠施至 於佛法 廈門 南普陀寺養 頭能 補 一用感 助似 實 有未可 地 謝。 經驗 正院轉交」 此 次 擬贈 受大 大病 八利益, 內外 以廈門 後天. 症 亦 起在 並 昔所 日本 發 L 此 講 律 約 藥房禮券 未 爲 有者 生平 所未 也。 彼 本 五 月餘 一十圓 經過, 陳, 不欲收費惟 不 游畢移 宣。 歷 一時近 三月 紙,

介紹已去十餘次用電療及注射等需費甚多將來或唯收實費或完全贈送尚未知悉俟後由友人探 接寄去江翼時居士所寄之書已收到種種費神至用感謝不宣演音啓 惠書誦悉宿病已由日本醫學博士黃丙丁君診治十分穩妥不久即可痊愈希釋懷念其中堂信已直,,。 往黄博士處診治乃由 友人

詢清楚再以奉聞附白其三十五

音路其三十六 前 初發出即奉到開明所寄書籍一包乞便中代達子愷居士諸承費神感謝無盡閏五月十五日演

日。時, 演。依 擬親往杭 惠書昨晚誦悉是間近來大兵雲集各大寺院皆住滿以前所云在此靜修之事恐難成就且俟下月再 演音。 仍居 可也弘祥師之事今由余詳思似須余親往商量決定可否乃爲穩妥倘余於春暖之時返浙者即 閩 此 地址 地 州一行也旅費已不足擬請仁等爲集資十五圓滙下存貯倘於春暖返狾即以此費充之萬 者當存貯此費以備他日旅行用也惠書乞寄福建泉州城內承天寺轉交弘 書寫以後乞勿再寄洪瀨因彼處不穩妥或致遺失也不具子愷居士乞代致候正月晦 一收滙款之

惠書誦 百里外 悉。 山中避暑乞暫勿來信將來住處定後再以奉聞附白其三十八 至用 感謝畫集即 可收到講律尚須繼續今年或不能北上也不宣演音啓 兩旬之後擬往

其三十七

晚 晴山房書簡 第一輯 與夏丏尊

九二

格紙。 再當 等新造之字而將拾遺門之字擇要增入並再參考康熙字典增加其適用之字。 無有復音乞爲探詢質平是否仍在美專 本至爲 決定來白馬湖正式嚴格閉關詳情後達先此略白山房存米甚多乞令他人先取食之俟余至山房再 昨復一片想已收到此次寫銅模字悉據商務新字典 曾 缺, 殊 惠 收到。 他 不 續寫。 以後 時 滴 銅模字 如未送去仍以存尊處爲宜陽曆四月十九日寄掛號信與上海美專劉質平居士至今半月餘, 繁雜。 尚 用。 中 前 倘 今擬 須 承 印 有缺 畫 寄 隨 詢 筆 有應用之字而 畫粗細 即 樣 時 改 所 直 補寫 需, 紙 依 印 少者可以隨時增 線。 兩 中 書寫擬先寫千餘字寄上俟動工 至用感謝此次 依此 張作廢今擬 及結 也墓誌造像 華新字典所載者書寫 直線書寫 構相 不列入 同。 重新 由閩 必 者有康熙字典所 入也擬先寫卅紙 不列目錄甚善佛教大辭典是否仍存在 則 能 氣乃連貫 書寫 至 如是將來拆開排 或在他處便中示知爲感演音陽曆五月六日其三十九 |溫旅費甚省故尙有餘資宿疾本因路途辛勞所致今已癒 也大約 而 略 將 增 奉上計 來拆開 加。總 十天後即 前片云中華新字典者非也 未載之僻字及俗體字而 鑄刻後再繼續書寫其餘者今細檢商 列之時其字乃能 以適 排 \_ 千〇五 列 可寫 用於排印佛書 時, 氣 就奉上書寫 十字俟動工 亦 連 置矣今夏。 匀稱。 尊處因嘉 如丐字等。 所載之字去其鈣腺 及古書 反列 又寫 模字 一鐫刻 入 人者若依此 一或遲 時, 最 興前 等爲 後乞即示 先依 於紙 應注 務 至 來書 主。 鉛字樣 意者爲 此 秋 下襯 倘 中余 書寫 有 知, 成 呎

買新米演音其四十

類目力 丏尊 此 可用 次 旅 者, 居 香花。 途 余即 士。 甚受辛苦至今喉痛及稍發熱咳嗽頭昏等症相繼而 到 續寫。 若寫 溫後即奉上明信想已收到銅模字已試寫二頁奉上乞與開明主人酌核余近來精 否則 此 體 或稍 擬 即 作罷他體不能書寫所存之格紙擬寫 有把握前後 可以大致一律若改寫他體, 作近來余深感娑婆之苦欲早 小經 一卷以 一恐難 一律故先以 奉開明 主 人 此 爲紀 樣子奉呈倘 命終往 念可 耳。

久則眼 意現由 中 其 紙 之果然困難因字之大小與筆畫之粗細及結體之或長或方或扁皆難一律今余書寫之字依整張之, 丏尊居 生西 看余曾屢次 更 中 看之似甚齊整但若拆開以異部之字數紙 有 方耳。 有 [余細詳思維此 痛。 極 種 士。 議之字。 · 謹陳幷候 將來或 種之字爲出 前奉上二 試驗 余殊 患增 劇即 極爲掃興故擬中止(二)去年應允此事之時未經詳細考慮今旣書寫之時乃知 一片想已 回 玉舊 家 不 事只可中止其原因如下(一) 願 人 執筆 收到。 不得 書寫甚不合宜者 三月晦日演音其四十一 不停 書寫。 ·銅模已試寫三十頁費盡心力務求其大小勻稱但其結 此 止寫字則此事亦終不能完畢與其將來功虧 爲第 如刀部中殘酷 二之原因 如口ァイロル等拼集作爲一行觀之則弱點畢 此事 此原因甚爲重要 向無 凶惡之字甚多又女部 有創辦者想必 余近 有困難之處今余試 中更不 來眼 一簣 果仍 有病。 不 ·堪言尸部 如現在即 ·露甚爲難 戴 未 眼 能滿

晚

晴

Ш

房書簡

第

一輯

與夏丐

尊

九四

停 與余至爲感謝余近來精神衰頹遠不如去秋晤談時之形狀質平前屬撰之歌集亦屢構思竟不能 贖余罪前寄來之碑帖等余已贈與泉州某師又新字典及鉛字樣本幷未書寫之紅方格 人之前代爲求其寬恕諒解至爲 章止可食言而中止耳余年老矣屢爲食言之事日夜自思殊爲抱媿然亦無可如何耳務乞多多原 一此爲第三之原因余素重然諾決不願食言今此事實有不得已之種種苦衷務乞仁者向 感禱所餘之紙擬書寫短篇之佛經 三種, 如心 經之類是 紙, 以 塞其責聊 亦乞悉贈 開 明主 成

中旬 **丏**尊 形 多數之兵雖亦有 諒至感至感已寫之三十張奉上乞收入舊四月十二日演音上其四十二 習放槍 共同 乃 身體 動 並 身歸來輪 頭誦 學 乘 甚健今年正月 吹喇叭 十 分痊愈慶福寺中在余歸來之前數日亦駐有兵士至今未退樓窗前二丈之外亦駐 晝夜乃至福 尊 放槍喧嘩等事但較在福 函並金二十圓感謝無盡余近來衰病之由未曾詳告仁者今略記之如下去秋往廈 舟之中又與兵士二百餘 及其他體操唱歌等有種種之聲音驚恐擾亂畫夜 舊曆以下同 州余雖強自支持但腦 在承天寺居住之時寺中駐兵五百餘 建時則勝多多矣所謂秋茶之甘或云如薺也余自 人同乘。 神 經已受重傷故至溫州, 由彼等封船。 種種逼 不寧而余則竭力忍耐。 迫種種汚穢, 身心已疲勞萬分遂即致 人距余居室數丈之處練 殆非言語 念此 至三月 川 種

逆惱之境爲生平所未經歷者定是宿世惡業所感有此苦報故余雖身心備受諸苦而道念頗有增進。

身心 以 杭 世 在諸事皆已結束惟有徐蔚如編校華嚴疏鈔屬余參訂須隨時通信返山房之事尚須斟 佛 臨 、日演音 雖存 人 動身時當通 州 說 衰弱又 等處 往 八苦爲 來矣。 如殁四字答之並告以萬勿訪問 皆致 矣。 (手顫眼花神昏臂痛不易學凡此皆衰老之相耳甚願早生西方謹復不具一] 舊四月廿 馬居 知。 其四十三 八師洵精確之定論 以 上之事乞與子愷一談 山房之中乞勿添製紗窗因余向來不喜此物山房地較高蚊不多也余現在無大病惟 函 歌别盡此 土石 圖 章 形壽不再晤面及通信等以 一包前存子愷處乞託彼便中交去並向馬居士致訣别之意今後 也余自經種種摧折於世間諸事絕少興味不久即正式閉關, 他 人之處無須 及通信等質平處余亦爲彼寫經等以塞其 提及, 爲要。 以 後 他 後通信唯有仁者及子愷質平等其他如廈門 人如向 仁者或子愷詢問余之蹤跡者乞 青並致 的俟後奉達 《書謝罪現 不 。不再與 · 再通

**丏** 便 寶 因 內 公中寄下。 .山居 彼 Ш 路 不 居 甚 士 士 口 一解漢 慧鑒。 種種 佛 附郵 學 費神 書局 文 前 挂 號 也。 日 奉上。 感謝 購請。 叉 奉手書忻悉 請 附呈 無盡又致豐居士一紙亦乞於便中轉交及附奉拙書六紙乞隨意轉贈他人 並託 經 目 致 錄 佛 \_ \_\_\_ 學書局 小樓居士 紙, 乞於晚晴護法會支洋三十圓託 承寄之書籍昨日已 代寄即 一紙乞轉交又致內山居士三紙乞轉交並乞爲說 將郵資及掛號資 收到茲寄上拙書 付清。 人持此 所餘 三紙一贈天 之零資 目 錄, 乞購 往北 郵票於 火車 香大士一贈 明其 站 他 東首 日

信

及

晤

面

晚

晴

山

房書

簡

第

輯

與夏丏尊

九六

結緣此六紙別挂號寄上十二月十四日演音疏其四十四

宣演音啓 箱數個箱外鐫刻黃博士施助字樣云云附陳以後惠書乞寫寄廈門南普陀寺養正院廣洽法師轉交 惠書誦悉承施資請辭彙至感拙書附寄上乞收入晚晴修理甚善江居士經手修理至爲妥也謹復不 前寄下洋五十圓曾兩次託人送與黃博士彼堅不受後乃商酌即以此資做大藏經等木

弘一其四十五

先此 前日復片及寫件一包想已收到昨日乃獲披誦辭彙悉功德人名前寄寫件不足數日後再補寫郵奉 預陳 不宣演音路其四十六

上海 今彼處未曾收到乞爲查詢如已煩 承轉寄天津之函 **尊寓俟將來再酌定辦法可耳十二月十七日演音上** 已收到甚感今秋到滬時由仁者託同居之張居士帶往嘉興之佛敎大字典一册至 人帶往乞速送至第二中學蔡丏因居士處如尚未帶去者即 子愷居士託開明寄來大册畫集兩

收到其四十七

外甚多。 前復明信想已收到近獲扶桑古書多册至用歡忭彼書中常云鎌倉南北朝藤原乃至德川等時代此 乞代購一册惠施又日本古書屢云泉州是否即在大阪附近今爲何地便中乞詢內山居士爲感演 於每時代中又分爲初期末期等閱之不解其所指何時日本書中如有說明種種時代年限之

無盡以後逐 半月 前 曾 通 復函, 訊, 仍乞寄廈門南普陀寺廣治法師 想已收到前日由廈門轉到惠書具悉一一表記製版印刷皆佳承仁者護念一切感謝 轉交謹復, 不宣演音啓舊十一月一日 其 四十 九

啓 其五十 寄至廈門四百册久已收到其時代收者或因在泉州忘寫回信乞諒之扶病坐起書此略復不宣演音 數日前曾 上一函想已收到十二月十八日尊函昨始披讀此次印表記諸承費神精密 周 到, 至用 感謝。

之乞託宋居士轉交不宣二月十七日演音啓其五十二 丏 尊居 士 道席 惠書誦悉近見仁者所撰辭通序古雅淵懿至爲歡讚幷悉作者爲老儒因寫字一

前寄上 册上下俾便轉贈 解 通 書面字想已收到昨承轉寄超伊師 同 人爲禱演音 疏。 辭通 出版後乞惠施 函已達至感開明書店出版之護生畫集乞惠施二十 册其五十二

送 久未 之用至爲感謝擬於舊曆正月二十一日即蕅益大師湼槃之日在此講四分律戒本及表記演音疏其 甚 多幾 至 愚園 通 訊, 不 路 知 甚念廈門天氣 膠 世 州 間 路 尚有嚴冬風雪之苦矣近 七 號佛學書局交沈彬翰居 甚煖石榴花桂花晚香玉白蘭花 由李圓淨居士 士收入第七六六號弘一存款 交至尊處之天津寄款二 玫瑰花等皆仍開放又 戶頭 有熱帶之奇花 十圓, 中。 以 備 乞便 將 中託 來請 異 經

晚晴山房書簡 第一輯 與夏丏尊

五十三

上也又 委乞閱 寄廈門南普陀寺養正院廣治法師轉交弘一收立春前一日演音啓 誤脫處尤多乞仁者先託人爲詳校二次 第一次校正其文字第二次校正標點記號 抄寫之本多由幼童書寫頗有訛字又高君於著作罕有經驗雖引證繁博但恐有訛舛處其標點記號 拙書之字已肥粗不淸楚又杜甫詩脫落一個字擬再寫瘦體之字重製鋅版印行倘承贊喜即書寫奉 文學書但其中提倡氣節屛斥淫靡亦且倡導佛法實爲益世之佳作其原稿曾由余删改今所寄奉者爲第二次。 此稿 士道席近因友人之約已移居南普陀寺暫住附寄「韓偓」草稿一包爲余請高君編者其原。 其五十四 「後記」中即可知之是事甚有趣味想仁者必甚歡讚樂爲出版流 開明版護生畫集因印刷太多, 至用感謝以後 **布也**此書乍觀之似爲 惠書乞

若有知识 法甚爲 編 年老齡六十歲時出版流布以爲紀念擬即用護法會資製版印刷所闕亦無多也前承諸友人爲請購 回, 當深 城其心力願爲弘闡今歲明年更擬重爲整理編輯並自書寫, 贊憙茲先書奉金剛 士 道鑒惠書誦悉至爲歡慰偓沒後千載無有人爲之表彰者今仁者以此稿出版廣爲流布偓 感謝俟出版後並希以若干册贈與朽人以分致諸道侶也護生畫集另製版甚 偈一葉餘俟後郵上余於近六年來研習南 與前印之戒相表記相 山律羯磨曾講三 次, 似於 講稿 善所 示辨

辦 等不 丏尊 無異。 屬 士 日 豐居 理 撰 本 佛教 居 近 序冠 久即 切。 編 士 士 之尤 商 道 此 大辭彙六册至用感忭彼於末次寄來時內附廣告謂又增編續卷一册內有全書索引年表, 可 資之時逕向仁處領 鑑。 諸 書 出 善高 版乞託 前 甚 者 費 凼 由護法會 想達慧覽擬茲將 心 君 力余 自幼蔬 內 山居 亦爲之校改數 食其母及 捐 士, 俟出 取即依彼說之數目交付爲 助已荷歡讚。 四 版 分律 姊 時仍乞購以 次今獲 亦 今託 比 爾。 全家 丘 E 戒 出 相表 |版歡慶 海 信 惠 世 仰佛 施價 界新 記 感謹陳不宣演音疏。 再版 無 法, 約 · 盡謹復, 聞 高 五 社 石印 君 六 陳 與 圓 无 姊 也韓 二千册流 不宣。 我居 不 正月 偓 婚 士 不 書 其五十六 傳。 四四 嫁 端 太平洋報 日演 放其 所 乞請仁者及葉居 需 多 家庭 音 社 金, 疏。 舊 與寺院 友 前 其五十五 經手 年 曾

述余往 石 半 人 慕 表 爾鳴 島之 玲 不 瓏 須 路乞 一酬資 事 小 士道 者已忘其書名乞寄贈四 山 用小 疊 探 亦爲 鑑惠書具悉吉子臨終安詳無苦是助念佛名力也余自昨夕始爲誦。 如 上, 詢 號仿宋 三面 之。 書 費 齋 誦 臨 神 几 行願品及金剛經附奉 字 排印。 上所 海, 至 感。 與陸 不 倘 供之珍品, 宣演 陳 地連處僅十分之一夏 无 音覆 我居 册以結善 惜在 疏。 士 來時 此荒 舊 上誦經證請於靈前 緣 五 至用感謝。 解之所 乞面 月 廿 季甚爲涼爽, 交與若已 八 日。 無 人玩賞耳 其五十 開 冬季北風 明 來者乞挂 焚化可也淨峯寺在 七 出版 附 子愷漫畫其 奉 表記附 號寄至世 爲 山所 障亦 華嚴 錄 界新 卷首 一惠安縣東三 章 不 行 有仁者序文 聞 擬 寒 願品又有友 也。 社。 附 小 於 大 一十里 約 山之 再 版

奉其餘 **丏** 行於 後 模糊, 坐。 船 丏 丏 他 --0 故 尊 至爲 拿 涌 往。 未 今乃 中 訊, 大 居 必 居 居 不 居 得 有。 約 秋 穩 士 士 + 士。 与 士 道 道 倘 安。 餘 惠 寄 居 得 慧鑒。 節 不 席。 雖 書, | 廈門南 住 席。 後 圓, 乘 火 良 (好之結E 車 到 偶 即 草 惠 必 誦 惠 等車。 雲游 書 青島 可 尙 悉。 庵。 書, 由晉自 動 普陀 於今 可 誦 承 以 通者則 預算 後曾 悉。 後 身 他 施 果, 也。 寺養 至用 厚 處, 受 多資, 半月內通 日始 意 謹 上 車 彼 用 明信, 陳, 至用 慇 資 亦 乘 也。 歡 收 正 宿疾 及其 院 懃, 火 可 慰。 到。 不 感謝 宣。 車 想已 轉送 感謝。 廣 訊, 此 因 他雜 治法師 到 八 已 事 乞寄泉 無 也。 月二 杭 無 **派便人帶來** 收 漸 始 前 前 用, 到。 終 盡。 州。 愈。 擬 十日。 奉託諸 所需 此次至青島預定 轉交, 青 以 贈 州 轉濟南換坐京 承仁者 島 與草 城內 後 至妥謹復, 甚多擬語 平 舊 通 表 七月十 安 訊, 盡心 記樣 事, 百 庵二十圓, 乞寄 如 諸 源 常。 請於護法 承 村 浦 輔 本 年甚爲清: 車。 費神, 書 五. 不 厦 百 助 惟北 店等 住至 門 日。 宣新 彼 源 感 感激 演 南 不 謝 庵 一中秋節 一音略。 會資 肯 受。 方三 普陀 久已 無量。 楚余 曆 又名 無 + 等車 如銅佛寺 閉 其五 中寄下八 盡道 今擬 一淨峯 寺 初意以 \_\_ 門 爲 月 養 十九 止決不必 一寺寺 較 復, 休 以 四 IF 業。 滬杭 物件 日。演 覺徹 院 爲 不 須 + 宣。 廣 主去 依 能早 演 俟 圓。 等價 寧 治 音 法 小 岩有 大 字攝影 他 啓。 師 法 職 動 約近 異, 疏。 日 身。 師 其 轉 余 開 火 不 其 其五十八 五 交 亦 轉 十圓 十八 車 能 時 半月 隨之 恐致 開 輪 安 鰡

來時

局

平

定時

再償還乞仁者勿以是爲慮也湛山寺居僧近百人毫無恆產每月食物至少須三百圓。

往

一面

酌

領

取

田

也朽

人

於

中

秋

節

後

動

身

否,

暫

不

決

定。

倘

動

身

者

所

缺

路

沓,

亦

可

向

同

居

某

師

借

貸,

俟將

現在 住持者不 生憂慮因依佛法自有靈感不至絕糧也謹復不宣舊八月三日演音疏 其六十

暫寓 擬 改爲乘船或直往廈門或先到上海北地冬春嚴寒非衰老之驅所能堪也謹復不宣 泰安棧新北門外馬路旁面南其地屬法租界之邊也某銀樓對門與新北門舊址斜對門在其西也 題不能領取云云其他之某堂書店之款已經領到將來若乘火車南下頗費周折費昂而多勞。 士道席前復函想已收到青島市面已漸恢復曾向中華書局領款彼云未曾接 上海開明之信 若往上海擬 即以電話通

知仁者當獲晤談也舊八月初八日演音啓其六十一

兩 港之大輪 處之款皆已領到值此時局不寧彼等能如此損己利人情殊可感數日後即乘船返廈門因有往香 船或廈門故不能往上海矣謹復 不宣中秋夕演音啓其六十二

在滬 歡 晤 易琛居士乞代致候十月十八日演音上 爲慰前日安抵廈門途中毫無障礙以後通信寄廈門中山公園妙釋寺轉交萬石巖弘一收 金剛經一册別郵奉乞收入若能常常讀誦自然

身心安寧無諸煩惱也附白其六十三

今年在閩南各地弘法至忙於廈門變亂前四天已至漳州弘法今居東鄉瑞竹巖靜養通訊乞寄漳州 到廈門後諸事安適足慰遠念近到泉州講經法緣甚盛擬請惠寄淸凉歌集五十册分贈諸友其資乞 由護法會內支付爲感以後通訊乞寄廈門轉泉州承天寺弘一收章居士乞爲致候演音啓其六十四

晚

晴山房書簡

第一輯

與夏丏尊

南 門南 山寺轉交子愷想仍在長沙便中乞代致意不宣舊五月一日演音啓。 其六十五

近得子 利。 並 誦 此 經 ,愷函, 念佛。 國難之時 自能 悉仁者殤孫境緣惡逆深爲歎息若依佛法言於一切境皆應視 人多發心歸信佛法也陳无 身心安寧無諸煩惱 脫獲極大之利益也謹陳, 則惡因緣反 我居 不宣閏月六 出出寓上 成 好因緣 日演 海慕爾 也朽 鳴路 人近 來漳州 百十 如幻夢乞仁者常閱 城區, \_ **俩六號仁者若** 弘揚 佛法 + 分順 佛書

常訪談, 惠書 也不宣。 悉。 自 小暑後 現居鄉間 必 胸 懐開 一日演音上其六十七 高 山之上雖值 變亂 亦無妨也乞勿念將來汽車通時擬往泉州或惠安屆時再 音啓。 其六 十六

聞

朽人 毀損由漳至泉州 + 丏 丏尊居士文席前上書想悉收到閩南時局倘無變化朽人擬再遲月餘返泉州小住再往惠安車路已 拿 五 與漳 圓, 居 士 併送 道 州 分行行長相識也 席。 去 前 至用 上信片想已收到茲擬向佛學書局購請 三百里須乘肩輿需費甚多擬請仁者滙資二十圓乞交上海農民 感謝。 朽人在 乞勿交郵局滙領取時甚困難。 漳, 諸 事 安適 時尚未 謹陳, 佛書附 能 返泉 不宣中秋節演音啓 州 一函乞託 也。 謹達, 不宣演 人送去。 音略 銀行滙漳最妥因 並 其六十八 乞護法會 其 六十九 恵施

丏尊

居

士。

前

明

信,

想已

收到。

居此

甚安乞釋慈念茲有懇者

乞滙洋

拾圓,

致南

京

延

齡

巷

馬

路

金

一陵刻經

處。

係弘一購經之款請彼存貯云云費神至感通訊處尙無有定信面寫開元寺但音仍住草庵也距

三十里鄉間演音疏其七十

秋後 郵寄 丏 尊居 也承 二日, 土 音略。 澄 詢所需甚感現無所需居深山高峯麓, 覽惠書誦悉。 詢之附白其七十一 附 箋及經名三紙 至用歡慰書件附挂號郵奉以後暇時擬多寫結緣之書幅俟時局平靖即可 乞費神轉交蔡丏因居士彼昔居法界環龍路三十號近未通信, 有如世外桃源永春亦别名桃源也謹復 不備農曆中

拙書 掛號 丏 傳居 丏 尊居 士道 鑒惠 書誦悉 功德 未審住所知 泥城橋堍未知今遷移否 紙, 一紙謹復, 善也。 林用 奉上或須稍遲也以後暇時再爲續寫奉上茲有懇者便中託人至功德林佛經流通處, 小堂幅長二尺 二十紙大堂幅 長二尺餘 二十二 + 士 以後通 澄 |淵鑒前復書想已收到拙書已就計五言聯八對七言聯二對讀律室額 乞轉 皮紙包兩層 一覽惠書於前數 不宜庚辰元旦清晨音路其七十三 訊寄福建永春縣蓬壺鄉華記藥店轉普濟寺音啓四月廿二日其七十二 請購四分律行事鈔資持記一部 恐路遠破損 日收到行事 付郵挂號寄下倘功德林無有再向佛學書局詢問, 鈔亦於今晨由寺送至甚爲歡慰畫稿久已 紙, 內有一紙仲 計二十冊 價約十圓左右乞護法會施資即託 鹽款共計一包俟有妥便送至郵局 時未能北上至用悵 二紙橫 轉郵寺中附奉上 以功德林所存 幅二紙斗方 以前 在北

至用感慰近

來老態日增足力未健不勝舟車之勞恐一

近因研 交弘 習編 輯請經甚多乞再 一收謹復不 具演音啓其七 滙二十圓 至金陵刻經處爲禱附箋乞幷寄去以後 惠書乞寄廈門

+

四

南普

陀

寺轉

收到 丏尊 畢, 便 實爲慶幸 中 居 轉交遲遲 土 淵鑒惠 事 ·也謹復, 書誦悉附奉 無 妨 也近問 不備農曆三月十八日音啓其七十五 郵局滬閩之間 上 致豐居士 **箋及佛字二紙乞於便中附寄去又致李居士一箋乞閱** 仍 不能寄大包印 刷品前承寄行事鈔資持記於元旦晨

明年恐 **丐** Ш [繞道。 居 不能來 老 土 文席兩方 體 頹 Ш 唐不勝此長途汽車之勞也不宣立春前一日演音啓其七十六 房也前浙一師學生石有紀居士近任安溪縣長曾來談一次彼謂若往山房須 奉惠書具悉一一拙師 信已轉交承示懷舊文厚意慇懃至用感謝聞浙中交通多阻, 加工

丏尊居 李圓 閉 與 後, 通 關 信 用 淨 通 者, 功, 士 文席惠書 居 惟 不 定 者, 士 有仁者一 期限, 亦送至尊 商 酌, 誦悉厚情慇慇至用。 擬 可 處子愷 重 以於數月後移往 處, 寫 由 護 生畫 或有 仁者便 集重 要 中附入寄來朽人有 事, 可以書 一他處 感謝 製銅鉾之版。 也。 朽 箋附 時局 人擬於舊十二月一日始新正月二十日在 於仁 此 不寧交通阻礙, 事 尚未了 一者函 必須復彼二居士之信亦寄至仁者之處乞 中 寄來亦一 結。 以後彼 明年 能往 可入覽 二居 江浙否尚未能 也。 士, 關 再 於 者, 畫集 前 承天寺暫時 與 定閉 陳 无 我 關

· 交也畫集之事不久即可了結非是數數通訊也以後惟有信面寫仁者姓名仍可送入關內其他

用。 遲無妨將來有寫件寄與子愷者擬寄至尊處暫爲保管因桂林近況至不安也演音啓十一月二十日。 乞勿滙寄俟將來移居他處時或有所需當隨時奉達附致子愷一紙乞檢閱并乞便中加封寄去遲 件皆由他人代拆代閱暫爲存貯決不送至關內也承詢資用之事前資餘者甚多且閉關後更少需

其七十七

我居士并希致候不宣音啓六月十九日其七十八 丏尊居士澄覽惠書兩通於今午同時收到信箋稿寫奉刻木板時乞勿移動其地位 及泉潭等處居民多朝散暮歸唯營夜市以避機彈至可愍也信箋稿之字句皆出於華嚴經乞代 字形配合及筆氣連貫處皆未能變易也護生畫集流布承代謀畫甚感朽人居深山中諸事如常永春 印章亦勿移動。

册寄福 亦乞一 **丏尊居士道鑒前復書想已收到近在惠安弘法擬以華嚴集聯十册施送乞以護法會資請購此** 併交去至用感謝不宣演音路其七十 建惠安縣城 內霞梧街集泉茶莊王頌平居士收再乞以洋二十圓寄與上海佛學書局附一紙 書十

未定謹復不備正月二十九日音啓其八十 **丏尊居士文席惠書誦悉承施資至感茲奉上拙書十二紙乞受收下月尚須在泉州講經往永春** 

惠片誦悉前日已移居永春距泉州百數十里爲閩南最安穩之地山奧幽僻古稱桃源明日即往鄉間 晚 晴 山房書簡 第一輯 與夏丏尊

丏尊 圓丏晉尊 致 以 居住。 信 件 後 以後通 月 居 擬 居 惠 則 居 俟 # 士文 士 在 士 函 時事 四 書 例 文 席惠書 日。 中 外。 席。 訊, - 乞披覽以 乞寄 數月 故以前 安靖再進行可耳拙書若干紙稍緩俟友人入城時 福 福 建永春縣蓬壺鄉弘一收即可達到謹復不宣四月十四日音啓其八十二 山中久疎音問近 前會將退回信件之籤條數十紙, 誦 建 福 永 惠 建 悉護生畫集擬先依舊本影印僅題字 後惠 永春 春縣蓬壺 書悉皆收到。 書乞於函 縣蓬壺新 郷華記 此次則爲代辦所執事者 面寫 市 場華 藥號轉交普濟寺善夢 善夢之名俾代辦所 記寶號轉普濟寺弘一收舊 交與 中結夏 郵局代辦所代爲張貼 重寫已由佛學書局承印子愷居士 誤貼, 安居故得與仁者特殊 收。 寄奉朽人於前月餘寄居永春山 人 其 故未收到 可 八 以 十三 不 致 二月廿 至用歉 再 設會 退回 七 [信件但仁· 日音啓。 然畫 也。 不 -宣善夢啓 集事 其 者之 具寫 所述

定

辦

大略

如下。

乞仁者廣徽諸

居士意見妥爲核定迅速進行至用

感禱。

前

年豐

居士

來

非

難

難者

在於覓求

畫材故今第

一步爲徵求三四

五六

集之畫材料

於佛學半月

刊及覺有

經

珂羅版印較再版

中登載廣告廣徵畫材其贈品以朽人所寫屏幅中堂對聯及初版印金剛

病

日

增未能

久待擬提前早速編

輯成就以此

稿本存藏

上海法寶館中俟諸

他年

絡續

付

印

可

也。

茲擬

重

聖要之事。

以護

生

畫

集正

續編流布之後頗能契合俗機

豐居

士有續繪

三四五

六編之弘

願。

而

朽人老

通

信發

起

以友

人請

住檀

林鄉

王

養

疴

乞寄與 朽人 既困 如 力求 色不 附題 機, 仍請 今婚存十餘 專 懸揣應徵之人未必多寄來之稿亦恐罕能適用則登廣告徵求畫材一事將無結果殊爲 請 土酌定至其畫材能適於作畫否乞穌典居士詳核之(一)以上且據登 難, 相 新 句 圓 縮印 性 切要。 題或 四位負責每位各編一集之畫材如是或較爲穩妥也乞六居士詳審之以後關於此字之通信, 雷 一段。 淨 常常 同據鄙意以下四集中 居士 ··· 等爲獎酬(一) 法 有 亦未便(一)徵求畫材之廣告文乞六居士酌定徵求旣畢應審核優劣分别等第 (一)每集畫旁之題句字數宜少或僅數字至多不可超過四五 (一)已刊布之初二集畫風旣有不同以下三四五六集亦應各異俾全書六集各具 一任總 師轉交朽 集純用歐美事 編輯(一)預定三集畫七十張四集八十張五集九十張六集一百張 人至感農曆六月六日音啓其八十四 此事擬請仁者及范古農沈彬翰陳无我朱穌典六居士負責專任其事 或有 蹟。 此爲朽 集用 人隨意懸擬不 連環畫體裁 足爲據仍乞六居士妥爲 或有一集純用語體新 廣告徵求畫材而 十字因字數 文字題句 商定務期深 ( 每畫一張 多者 其 可慮 畫 言依 書寫 亦乞 契時 風 亦

晚晴山房書簡 第一輯 與夏丏尊

再斟酌延請

二 位,

助理此事爲禱致穌典居士

遠方郵

便

遲滯

恆須

一二月乃

可

達也陳一番

无

我居士

因修

習密宗法無暇任事

曾來函

解謝。

乞仁者

月,丏

居

士

文

席。

頃奉

惠書

忻悉此

事已承

盡

力

規畫助理

切至用感謝徵求

小期限似

宜

再

展

緩

一紙乞便中交去時事不靖南閩物價昂至數倍乃至廿

餘 倍 朽 期其 遞可 筆數枝封入信內寄下爲感護生畫續編 作信 能圓滿成就感激無量又有致圓淨居士一紙乞便中交去遲遲無妨也贈品以拙 人幸託庇 件例寄惟宣紙已無購處僅能用閩產之紙耳率復不宣閏六月廿七日音啓 佛門諸事安適至用慚遑舊存寫小字筆已將用罄乞仁者以護法會資代購小楷 事關係甚大務乞仁者垂念朽人慇誠之願 力而 書爲 倘 盡 宜由 力 他日因 輔 助必 泉 水 郵

材不足未能成

就四編者亦可先輯一二編其餘俟後絡續成之附白其八十五

貴亦甚. 丏尊居· 慮諸 事豐足慚愧慚愧拙書二紙乞隨意結緣略陳不宣音啓四月 土道鑒惠 難 士文席去冬滬變時曾致明片未審收到否畫集資料想尚未輯就無足介意也因現在 出 -住持兼任 版泉州米價將至三百火柴每一小盒二圓其他 書稱 南洋寺務故常寄款資來以 悉問答一册已 ]收到承 詢所需至用感謝朽 助寺用畫集綠資五百圓亦其所募集也故尊處施 可知貧民苦矣朽人幸託庇佛門食用無 七日 人近居普齊寺中, 其八十六 所有用款: 皆 諸物昂 由

丏尊居士 中支付寺中 不需用 |道鑒久未致訊至念上月徙居山中距郵政代辦所八里投信 乞勿寄下謹謝幷復不宣五月十二日音啓 其八十七 未便, 故諸 友處 悉 無 一音問 也茲

擬向

佛學書局

工女任耕田挑擔男四十歲以上多有辮髮者女子裝束更 古豈惟清初或是千數百年來之遺風

請經附一箋乞轉送幷乞由晚晴會施洋三十圓附遞費神至感

山鄉風

俗淳古男業木

緣感謝 耳余居此間有如世外桃源深自慶喜開明出版拙書華嚴集聯及李息翁法書乞各寄下三册以結善。 無盡。 惠書乞寄廈門轉惠安縣東門外黃坑鋪港仔街回春號藥店劉淸輝居士轉交淨峯寺弘

**丏**尊 收演音疏。 居 王 文席前復函及寫件想已收到茲寄上致子愷居士一箋及寫件一紙乞便中轉寄又與李圓 其八十八

淨居 士一箋乞便中託陳无我居士轉交遲遲 無妨也謹懇不宣九月十二日音啓其八十九

丏尊! 財者乞代辭謝因現不需用也穌典居士乞代致候不宣十一月七日音啓 聯老圃秋殘猶有黃花標晚節澄潭影現仰觀皓月鎮中天其九十 居 土 道鑒戰事紛起滬上尚平安否爲念畫材數則附奉上以備採擇以後倘有他處贈 近作附錄南閩道耆宿七 與朽

紙附奉驀覽不宜己卯元旦晨演音啓 丏尊居士文席今日已六十矣今歲擬多寫字結緣便中乞惠施廿金以備購宣紙及其他需用拙書 近來身體較前強健齒力目力皆佳足力更健無異少年但精

秩壽

**丏尊居** 旦乃可 神 頗呈老態耳知念附聞其九十一 與 土 文席朽 通 信 人世壽周甲已過擬自下月中旬始至農曆明年辛已除夕止掩室靜修須俟壬 也仁者通信之處倘有變動乞於辛巳十一月寫交李圓淨居士 轉送謹陳不宣九

晚 晴 山 房書簡 第一輯

與夏丐

月三十日音啓。

其

八九十二

校據彼八日 左右。泉 海量 份自今年正月始尤善每年一圓餘即可常閱覽朽人之近作也蘇惷純居士亦爲海量之舊友仁者能常與 常與海量通信彼深知朽人之近狀也朽人近作屢載覺有情半月刊中。 問 來冠 量 而中 紙, 節 其 上海慕 後即 止。 **晤談當獲益匪淺也**指導生活安慰心靈 不宣十月一日音啓 富 於全閩但米價每石亦僅一百七 至今衣 也統觀全閩氣 州 八月廿五日之信云云 緣。 爾鳴路一百十一衖六號大法輪書局陳无我居士及彼處同住之陳海量居士。 閉關著書辭謝通信及晤談等事以後於尊處亦未能通信仁者欲知朽 街 **慧覽惠書誦悉一一子愷處已久不通信聞友人云彼之通訊處爲重慶沙坪埧國立藝術專。** 市 食豐足諸事順遂可謂徼幸至用慚愧唯從前發願編輯律宗諸書, 無乞丐男設乞丐收容所 象與 閩中平靜如常仁者能入閩任職則生活可無慮矣泉州物價之昂自昔以 承平時代相差 物價 十元左右其他閩中產米之區如漳州及閩東等處則僅 無幾朽人於十四年前無意中居住 亦不甚昂華僑家族生活亦大致可維持因努力種 附呈相一紙爲去秋九月所攝佛名 无我所辦<br />
乞仁者定此月刊 閩南。 人之近狀者乞常訪 大半未成 本擬往暹羅 一因泉 就。 州諸僧 植, 擬 五 至 於雙 一廈門

丏尊 里問 余何適廓爾亡言華枝春滿天心月圓謹達不宣音啓 居 土 一文席朽人已 一於九月 初四日遷化曾賦二 傷附錄於後君子之<u>交</u>其淡如 前所記月日係依農曆又白其九十四 水執 象而 求咫尺千

乞結

其

九十三

# 與寂山法師

外體 感禱承命因弘與弟子同居護侍一切銘感尤深此復祇叩慈安弟子演音稽首四月初九日。 護感激無旣以後恩師與唯善師兄晤面時乞常常隨時爲之諄託一切至爲深感又弟子在家時, 個書獃子未嘗用意於世故人情世故一言一動與常人大異此事亦乞恩師婉告唯善師兄請 父大人慈座頃奉法諭敬悉一一,尊恙已大痓否爲念弟子到此以來承唯善師兄諸事照拂慈悲攝 諒 而 曲爲之原宥也弟子以師禮事慈座已將三載何可忽爾變易伏乞慈悲攝受允列門牆至用 實是 其 格

# 與性願法師五通

任住持之人選後學不揣冒昧擬推薦以性常師負此重任乞慈座與諸護法董事商之性常師與後學 座返國之消息不勝慶忭又望仙普濟諸利皆待慈座蒞臨興建整頓時節因緣蓋非偶然但信 已過三月矣茲因有關係法門重大之事必須奉陳座下故特破例通信詳述由致諸希慈詧爲禱近 性公老人慈座久未奉候惟道履貞吉爲祝後學於初冬移居靈應寺後辭謝見客通信等事習靜養疴 人云慈座擬辭卻信願寺職務俟有妥人繼位時即可辭職返國云云後學久違慈範時以繁懷 願寺後 今聞

聘書命僧衆 是是否有當希裁酌之順頌法安不宣十二月十二日後學演音稽首其一 勞任怨尤爲 任職之事非其所願必須請慈座與諸董事商酌宜以最隆重之典禮至誠聘請彼或可破格允諾應具 相交多年道念堅 一二位專誠返國殷勤勸駕並陪伴常師偕往菲島至於護照等事宜早爲準備也扛見如 人所難能慈座能返國興建望仙請常師在菲島遙爲護法輔助一切尤爲適宜 固任事精勤以前學律諸師之中應推常師爲第一近爲興復望仙寺事諸方奔走任, 但常 師於

承惠施 性公老 月 行 事尤爲重要性 乞亮之永春 謂建築甚是易事必須有人發心住持。 也慈座若於菲島寺務未能脫離亦可兼任時常往來於菲島永春二地並承慈光普照則至善矣前 卓能耐清苦之僧衆近十人久住寺中息心辦道後學雖未能久居每年亦可 百金已囑送存妙慧師處以待他年後學往望仙時充作旅費謹此奉復順頌法安後學演音稽 人慈鑒前獲慈諭敬悉一一厚意慇渥感謝無盡紙筆眼鏡等物近始由水雲取還遲遲奉復敬 佛教會及桃源殿普濟寺等皆乏有力負責者後學等深盼慈座返 常師雖努力盡責收復寺產必須慈座速急返國主持大局建築工事乃可 至於將來居住之僧衆擬將南山律苑附入望仙 國整理振 寺內由 於夏秋之際居住數 後學 進行。 興。 而 望仙寺 介紹道 李居士

生公艺去而忞**婆**專了而主

身往 鼓浪嶼時再致函 奉聞荷勞慈念謹先慰達附奉 上致佛教會一箋又與吳居士歸依文一 紙,

僧衆 宗勝 乞費 性公 、隨其 老人 願 神 類能 轉 好樂分修禪淨教律等爲閩南普放大光謹稽首祝禱焉敬復順叩法安後學音稽首四月一 慈鑒惠書敬悉一一承 交至感順 日益增進此則 頭法安後學音稽首 堪告慰於慈座者也普濟不久興建法堂等將來能聚集多數道 集資印經等至用歡讚 十月二日 其三 後學年 來已入老境精神頹唐時有 小疾惟淨 心堅固之

十八日其四

仍交與 興師 來道 乞覆 定泉菲之間能 護法居士爲照顧指導一切覺圓法師於數日後卽隨後學往閩東居住暫不返泉百源寺務俟時局 。 性公老法 心堅固 讚 不 示 ·可任職· 諸居 俾 成 便遵 師 諸居 慈鑒去 士依 擬放下一切追隨後學專 應放下 士亦 循 通 教 至於 信時卽請諸居士代寄此信呈奉慈座以後寺務如何規定敬乞慈座核酌卽 奉行 極 |秋方擬啓程變亂忽起致負旅菲緇素諸公厚望至用歉然茲有陳者覺圓法 沙興 一切專 歡 **忙**并謂若改作居士林 後學前曾聞 師 心用 本是暫時代理若改爲居士林後彼卽退 功云 李秉傳居士 心用功百源主持一席已交與其弟子妙興師暫爲代理並託 以後慈座惠書乞寄泉城諸居士先爲披閱暫存居 時則 談及慈座有將百源完全放爲居士林之意 經費 決無困難云云 位 專心 一今據 用功因後 大衆公意附陳 學 亦 慈照敬 後學 一處因後 曾 賜復音 勸 妙 近

晚

晴

山

房書簡

第

輯

與

、性願

居荒僻之地未便通信也謹陳順叩慈安後學音稽首舊曆壬午四月十三日。

# 與廣空性常法師

法師來 漳州時亦先到 空 老法師 漳州 小住, 全覽。 ,祈保亭詢問謹陳順頌法安弘一上五月十一日。 再偕 久别爲念四月八日已往漳州講演一次後住鄉間俟車路通時, 返 泉 州 可 也以 後通訊乞寄漳 州東門浦 頭祈 性常法師來 保亭嚴 持 信已收到。 法 師 或水路通時請性常 轉交性常法師

# 與性常法師四十通

啓七 性常 在 部常 H 月 海 法 初 小 痛。 師 是因 道 四 住, 席。 再 日 返廈 血 惠 其 脈 書,誦 門靑島溼寒人多有病傳貫師現在身著單布衣四件亦稍患傷 不 ·周所 悉。 承 致此間氣候 誦 經 迴向至用 陰寒潮氣太重亦是一原因 感謝朽人近 年來, 身體精 也中秋節 神日盆 衰頹兩臂常常麻木 後, 如有 風。 謹復, 輪船 開 行 演音 手足 者

性常 月到 律 泉州。 師 道 俟瑣事 鑒。 惠 書, 料 頃 理旣 收 畢即可返廈講律 到。 此 次有發心學 律者數 也餘容晤談不宣舊正月廿 人, 、皆至 誠 諄 切, 將來成績 五 日演音疏。 必 大有 其二 미 觀。 朽

倘 法 師 1 1者願來 道 鑒。 前 此 獲 者乞先到漳 手書即復一信片, 州東門浦頭祈 想尚未 收 到的 保亭嚴持法師處託彼陪來或逕至南門南 人現 住 漳 州東 鄉瑞 竹巖距城 二十 五 里,擬 Ш 在 此

陪來,

皆

可。

謹

達

不

具。

五

一月十

四日。

演

音啓。

其三

寄去可 堪任 二日 th,o 言 性常 若 音啓。 室 惟 事。 法 退居 仁者 也朽 無 師 以 道 林 鏧茲 爲 此 異 人發 下, 紙, 學 也。 律 起 亦 不 乞仁者 有 致性 願 可 諸 此 附 出 師 事 寄 而 老法 須痛 實於 中 呈與 之巨 任 師書 念法 各方 事, 擘自 性老法師 殊 乞檢閱 爲 門 面 衰落發弘 應 未 皆有 可乞念法門 代 朽 利 掛 閱。 益。 號付郵寄去 人 誓 仁者 出 畢 願 而 往菲 衆 負此 仍 弘 生奮 可 法 利 再寄還仁者留爲紀念 島 至 重 後, 禱。 袂 生, 責, 萬 興 俾 倘仁者别有意見, 仍 起, 不 勿 口 則法門 - 辜負朽 爲朽 推 卻, 人護 至 幸甚, 要至 人 多 法, 也附 衆 要。 年 不 雖 生幸 妨書 以 遠 白。 來 隔 人 甚。 弘 其 年 寫 重 于二 律 老 洋, 四 另箋 多病 實 月 勝 與 附 願 晤

朽 要緊朽 佛門 致性 法 師 護法 一願老 道 人身受佛 席。 與 法 拙 好 書 師 普 恩, 事 一紙, 門 不 不 品若付 同乞勿 及昨 得 不 盡 日與仁者一紙, 印 誤解。 力勸請望仁者不 時, 此紙, 僅 能 加 乞呈性老 併此 紅 色直 可 紙, ,再固 法 格 共計三紙皆乞寄往菲 不 師 慈 執。 能 閱, 此 加 方 外 三紙決定寄去。 格。 兩 紙, 方 格 共 不 島。 紙。 口 當來 用 此 其 事 之理 五 結 關 由, 果 係 因 海 如 字 何 外 任 體 弘 有

晚晴山房書簡 第一輯 與性常

形有

扁

形寫時

高

低

不

等,

互

相

借用

地

位。

岩

加

以

平

均相等之方格則字形與格線

彼此

參

差。

故

萬

不

口

晚

用方格 此紙 乞寄與 也若僅 費居 直 格則 士請彼閱畢仍寄還仁者音啓其六 無妨因每行首尾二字皆齊整中間數字則互相參差也倘託費居士經手印者,

月初 復 小 皆宜從緩以待將來失禮之處乞仁者格外原諒至禱」倘有來信欲受皈戒者乞答云僅能命法名寫 明信片其文句如下「惠書誦悉屬交弘公之信已爲轉交但弘公近來老病纏綿頹唐殊甚一切之事 性常法師道鑒惠書誦悉以後如有他人與仁者通信時內附有致朽人之信託仁者轉交者乞即復 ,中堂 一明信片, 日音啓 一紙以後暫未能通信未能請求特別寫件香金亦不受云云山東宋居士處乞據前之文意即 至感乞附告云護生畫材已轉寄夏居士、宋居士通訊處山東鄆城潘溪渡宋慈波居士收十一

七 其七

故每日 余近來 始每日送午飯時增送滾 不便還請彼等格外 身體 仍請 妙抉 精 神日 師 原諒, 送飯 益衰弱肺病亦頗有進步想不久即可生西但現在病勢尚未沈重不能斷 水 是幸且俟病勢稍 兩次惟病人之起居飲食與健康 即開水一次性常法師鑒音上其八 重即可斷絕食物也以上之意乞爲妙抉師講解之自今日 人不同此事頗令本常住及妙 抉 師等諸多 絕食物。

曬之涼透乃收入包中種種費神感謝無盡性常法師澄覽夢啓其九 有現在不用之衣物數種須常常曝曬老病之驅甚憚其勞擬暫寄存仁者之處乞常常取出於日光中

者抄畢乞將原稿託妙抉師帶下李圓淨居士通信處爲靜安寺路何處乞示知此上性常法師道鑒夢啓 奉 抄寫宜以薄紙蒙於原稿上精工注意抄寫之抄畢再以仁者所抄之紙交圓拙妙抉諸師抄寫可也仁 上新寫之梵網戒表二紙前余所寫之表不甚清楚今略增改抄寫工整應以此稿爲準前稿作廢。 乞仁者照樣

其十

今晨承 法師朗鑒夢**啓**其十一 枉談厚意盛情至堪感謝現在有病故每日一餐甚宜將來病愈時再改爲兩餐可耳此上性常

連史紙 性常法 往鼓浪嶼之大包印刷品可否費神至感夢啓 逐再者乞仁者向郵政局詢問現在寄往上海之大包印刷品可否僅 上等厚的 師鑒前購來之連城出產之連史紙甚佳惜帶來時稍沾水致有痕跡茲乞再代購連城出產之 大洋五圓並購油紙數張即託紙店用油紙包好外包報紙帶來之時乞注意勿沾 再乞代購普通毛邊紙大洋二圓亦用油紙一併包好, 一加汽車費大洋八角否又現在

勿沾水溼帶下爲禱其十二

學生性常法師夢上其十三 之小圖章一方現在需用乞交妙抉師帶下前在永春所印諸講錄如存者尚多乞分贈培元高中部諸 香蕉乞挂於高空之處一則可免鼠噬二則可以久存不腐自明日起早晨送飯時間改爲七點半鐘余

晚晴山房書簡 第一輯

與性常

巳存庫房乞以此款附印九華垂蹟圖性常法師夢啓其十四 前寧波滙來洋八圓乞於本月二十日午食以大麵供衆並分贈二十日上午九點鐘普濟寺鐘, 法師來談著大衫佛字七紙又小幅一紙乞收入四月初旬仁者在泉州時劉質平居士曾寄滙洋十圓 請四位

有詢問者即依此意答復性常法師道鑒夢上其十六 寫字之事現酌定平等統一之辦法凡本年十二月廿六日以前交來登記者現在皆書寫凡十二 七日以後交來登記者皆須俟明年夏季放香時再寫無論親疏一律平等無有厚薄先後以後他人如 十三日爲 朽人出家之紀念日請寺中諸師於上午九時 普濟寺鐘 惠臨敍談性常法師道鑒夢上其十五 月廿

今晨仁者云鼓浪嶼滙款之事以余揣度大約是請余到彼處講經若如是者此款即不應受且俟將來, 看彼處來信所言何事再爲斟酌今晨交奉之滙款單三紙及小印章一方暫存仁者之處可也性常法

用功等送 以 金 師鑒音上其十七 余存太平嚴書架中律書數包已逾數載恐外包之紙巳去不能辨知爲何人之物 外包紙上或有余之名, 後仁者與他人晤談或通信時提及朽人近況乞告云近來謝絕通信及見客養病習靜無須云編書 剛 經 出版後應贈費居士三十册以酬其勞此事如何分配乞與性老法師商之上次印時亦曾贈送 上畫集題句寫廢者乞隨宜分贈又普門品乞贈送願讀誦者性常法師。 夢 啓其 十八

已記不清楚。 上書爲瑞 乞託龍溪寺寫證明信一封證明瑞曦師 物將來了 能領 也乞性常法師 之書的確存在龍溪寺否則恐他 之,其 人疑余存

性常 巖之律 法師。 惠書 曦師 及稿, 之遺 收到近精神大衰不能用心原稿暫存傳貫師處俟將來康健有暇時再披閱 不 取 商 十 九 也。

復不具演音啓其二十

勞遠 性常 性常 施 乞於便中代達不宣演音啓閏三月廿九日。 者。 念謹 法 法 亦 擬 師。 師。 恵書誦 以 前 以 奉聞。 此資作經箱, 復明信想已收到茲承會老法師諄諄挽留令久居萬石巖故朽 並乞代告高文顯居士十一 悉勝林居士前交來四金擬改作經箱用, 而廣 施福。 如有 人往海印寺者乞託代致謝忱並告此意 月十七日演音啓其二十二 近由性願老法師轉交來五圓爲泉州 樟木製箱面上刻施者姓名。 人一 時尚 附白。 戒淨老和 不再印經矣此意, 不能到 其二十 泉 尚所 州。 惠

性常 間, 决 定 法 師。 仍 本擬 **厦門居住中** 不 往 青島近因夢參師自青島來迎接 巖 也慈公處人 余已有函: 依此意奉復矣謹達 誠意慇懃未能辭謝。 不宣演音啓其二十三 巳 一允數 日後同往。 但九 十月

性常 八十人重陽後約 法 師。 惠書誦悉今晨安抵湛 仍返廈門居中嚴也謹復不宣演音啓其二十四 山寺諸事 順適青島夏季甚涼爽學院與寧波觀宗寺相似學僧約七

性常法師宿疾已漸愈惟精神 氣力反不 如前, 不如正二月尚須靜養多時乃能復原也性老法師謂須兩

晚晴

晚

年乃復元 近在 l此講戒本甚爲費力將來到日光嚴閉關後恐不能繼續講律他人有問余近狀者乞以

此告之謹陳不宣演音啓其二十五

性常法師。 與廈門人事約定俟戰事平靖之後乃可離廈門也謹復不宣演音啓其二十六 兩奉惠書至用感謝廈門現已平定可以無慮朽人稍遲或可來泉州與仁者晤談前朽人曾

性常法師惠書誦悉朽人先已允萬石中巖之約然後乃得青島電報故未能變動也前已有信復湛山

寺慈公處乞仁者代復之爲禱演音啓其二十七

性常法師事 克定法師轉交因恐彼等已離鼓山也介紹可以不須僅可云旁聽一切費用自備率復不具演音啓其 數現由克定法師暫爲管理彼曾來函請余往鼓山任學苑事余未允也仁者若致函與彼等宜, 惠書誦悉將來講律在日光巖關房中聞慈舟老人已往山東閉關學侶大半散去所餘 点寫明由

+ 1

性常法 便轉託人帶上南山律要一部及日本古版律書數種共計兩包謹復不具四月十六日演音啓其三十 性常法師惠書誦悉今夏余未能往鼓山乞代辭謝法空禪師希爲致候不宣演音啓二月七日其二十九 疾於四月八 師。 惠 書誦悉本擬於四月八日掩關因性願老法師諄囑延期故延至五月現仍居南普陀也宿, 日已全愈所寫金剛經 一部及華嚴經名百紙亦於四月八日圓滿迴向 也茲託瑞 衛師覓

性常 性常 云我今三衣鉢具並受持 法師。 法 師。 惠書 惠書誦悉承誦經迴向至感謹復不宣正月十五日演音啓 「誦悉分答如下第二云我食檀越及僧常食第三云我昔受戒時未能如法故無夏第四 下一句略去 有未能如法者後當如法作第五云我不别衆食近向日本請小 其三十一

一藏經

一部昨已寄到共四百十九册謹復不宣演音啓三月九日其三十二

婉 性常 昨已 時, 言解 乞向萬壽巖請 覓得 舊筆 法 謝。 師 十枝雖無 余於三月在開元講一 道 他 鑑。 種 數十冊交與法空上人帶往鼓山 二月十日演音啓其三十五 前 紙, 可以用。 復 鋒穎, 明信想已 尚堪隨 乞勿再購紙僅購水粉 收到法空上人來 夢漫言以後諸事皆未定也謹陳不宣 宜抄寫用之乞仁者與諸學者分受可 泉巳晤談二 十塊稍遲無妨 次今夏未 也性常法師鑒音 也性常法 能往 附件乞交廣洽法師。 鼓 山乞向法空上人代爲 上。 師音啓其三十三 其三十 彌陀擷要印 24

性常 解乞仁者詳細爲彼言之此事關係甚大請傳貫師切宜留意也此達不宣夢啓其三十六 同塔或稍遲無妨再者焚化尸身須於命終後經過七日乃可焚之萬萬不 法師 道鑒仁者致書與性 |願老法 師時, 乞云本寺之化身窰及普 同塔 可早焚此意傳貫師尚未了 宜早 建築化身窰宜先築普

性常法 師慧 自本月十五日始。 **覽傳**貫 師來信已收到彼將返草庵故託仁者轉達余現 俟 車路 或水 路通時性常師來接余即可他往 也漳 住漳州鄉 一州產 米甚多現因車路毀壞, 間, 助 理弘 揚 佛 法創辦

晚晴山房書簡 第一輯 與性常

晚

日。 不 演音 運往 上其三十七 他處故居此決 無絕糧之憂也戒相表記存在妙釋寺故須緩寄以上乞轉達爲禱七月初四

告覺圓 書乞向 圓 用 寫 E 今年四月爲亡母八旬冥誕朽人擬編輯藥師經註解一部以爲迴向書名尚未定但朽人處無有參 俟往鼓浪 諒, 朽 性 明 諸書皆乞彙齊合爲一包託妥人帶來或交郵局挂號寄來朽人即可著手編輯也倘寄來時, 心 常法師 閱覽, 詳 內係藥 覺圓 研, 師 再者乞仁 疾 · 仝覽到泉州後暫居承天寺三月中擬在開元寺講一夢漫言開元近來規矩甚好將來大有 並乞仁者代爲詳釋其義 其 云前 嶼後乃可著手故一 甚 道鑒囊承慈護照料布置一切至用感謝塵老和尚復來寺彼意諄諄約朽人到泉州講經 記 師借用藥師經旁解及其他各種註解又朽人前存覺圓師處有古刊藥師經註解 劇, 錄 年 師 難 一者便 經註 在承 稿 受舟車之勞故一時不能往 無 須流 解 天寺講藥師經時有某師 中訪覺圓師乞代述朽人意云彼前託編輯藥師聖典彙 ||字樣| 布, 應即 時未能編輯覺圓師弘揚藥師法門朽人甚爲讚喜頗願 又寫「仁者寄」之字樣即可由本寺執事者轉送至朽 於廢棄候朽: 至感。 不宣。 音啓正月廿 泉州。 新編 曾爲 乞仁者於晤彼時代爲致意並述抱歉甚 記錄, 之註 解成 其稿 八 日。 未交朽 就 其三十八 時, 再刊印流通可 人閲覽 改正。 集。 但編 但朽 也此信乞交與覺 有以 輯時 人處 人 講 需參考書 輔 深, 也並乞 兩部以 時 助適値 於封面 請 未 其 但

希望也謹達不宣演音啓 梯已出家名廣培其三十九

等誦 之願今值 勝性 進常 居法 士師 早爲壯烈之犧 + 巖, 廈門過冬也克定師已圓寂傳貫 由 五日漁晉啓。 此 小 和 詩句應爲朽人慶幸何須爲之憂慮耶明年正 全覽惠書至 尚 時緣應居廈門爲寺院護法共其存亡古人詩云 照 性則 應一 此函乞交與高文顯閱之高居士前居承天寺未知今在何處乞 切甚爲周到學律諸師· 誦悉。 更不須顧 至用忻 慮及此矣不宣梵網 、師前返安海省親朽人勸其決定於明年 慰近 日廈門甚爲危險但朽人未能他往因出家已來素抱捨 亦爲 輔助諸事無慮乞仁等安心俟明 不 三月倘 入難處乃是常途别 「莫嫌老圃 時事安靖朽人 秋 -再來 廈 有開緣, 容淡猶 或往 轉詢。 門。因 他 有黄 春 未 可 再 處。 華晚 其四 朽人現居萬 大約今年 致論 節 切。倘 身殉教 香 也。 一十月 即

#### 與弘傘法師

時當試 日恆 傘師慈鑒惠書敬悉去冬本有撰述歌譜之願乃今春以 刊經之科 嚴疏鈔已 思眠 爲 由 之薄伽 别行疏 有 一徐蔚 如 八九十老翁故此 梵歌, 如著 卷。 手計科文十卷先刊經疏 無有需用謹寄返又新刻華嚴經傳記 即行願末卷 事只可 去鈔存疏。 從緩。 新編之書以淸凉一人之撰述爲限刊資久已集就此事 承 百二 惠日 書三册其 十卷。 來老病纏綿身心衰弱, 疏 一册校勘古 鈔 別行。 中讚歌二 鈔九十卷, 表 (四分並奉 一册敬 經科數 受且 手顫 眼花臂 上, 俟 卷, 乞收 他 專 年 入重 由 恢 痛 疏 不易學, 復 中 編華 康 摘 决

晚

晴

山房書簡

第一

輯

與弘

傘

卷又十行品十迴向初十之二章又及。 願 法安音和南。 於各宗奧義皆能通達 再通 久擬閉關用功謝絕一切緣務以後如有緇素諸友詢問音之近況者乞以「雖存若歿」四字答之不 定可以實行仁者聞之當甚讚喜音近來備受痛苦而道念亦因之增進佛稱八苦爲八師, 品品 四 信及晤面矣音近數年來頗致力於華嚴疏鈔此書法法具足如一部佛學大辭典若能精研此書 + 卷共九十九卷應日 四月廿八日。 凡小乘論律三論法相天台禪淨土等無不具足仁者暇時幸悉心而玩索焉謹復, 徐居士說讀華嚴經法讀唐譯至五 誦 | 者爲淨行品問明品賢首品初發心功德品如來出現品及行願品末 十九卷離世間品畢應接 誠 讀貞元 確論 譯行 順頭

# 與妙蓮法師五通

多年忠 則 皆受仁者之感化愛念仰望如慈父母南門外寺院林立尤希望仁者與 妙 閩 蓮法師慧鑒傳貫師來談及仁者將移居他處彼等至用慚惶竊念仁者居承天福林諸寺一切緇素 南 厚 他日僧英濟濟法化昌明悉出仁者之厚賜也千乞仍住福林寺, 誠 實堪稱 善友也謹陳不宣十月五日音啓 朽人數日後即掩室辭謝晤談及通信草草奉 不可他往 彼等僧衆時時接近隨 傳 貫 師 與 朽 緣教化。 人 相 交

陳

不盡意其一

惠書, 禁用之文若爲牛念佛迴向彼亦可得功德固不限定著用也妙蓮法師玄鑒音上其二 ·誦悉仁者所說甚是與西藏僧衆之說暗合小乘律中亦許著革履也但不用 亦無妨楞嚴經

宣音啓其三 往惠安近日事繁神昏乞仁者俟將來朽人自惠安返泉州時精神安定再惠臨研討戒義爲宜謹達不 誦 妙蓮法師智覽茲奉上謝居士受歸戒文一紙又直幅聯對幷乞轉寄與海量居士附告云請謝居 此文自誓受將來朽人至滬時再正式受可耳受前宜先懺悔誦我昔所造等一偈三徧朽人不久即 土先

也謹復不宣冬至晨音啓其四

妙

蓮

法

師

慧

覽惠書誦悉仁者住處可以隨宜變動買紙之事乞停止前交與仁者之款乞暫存尊。

傳妙 貫蓮 萬勿客氣至用感禱謹此拜懇不宣正月廿一日音啓其五 以道心增長勇猛精進當來可爲佛門棟梁作閩南砥柱悉出仁等之厚賜也務乞盡情教導直言勸誡, 法師同鑒茲屬妙齋師到福林寺親近仁等務乞推愛照拂一切並乞時加箴誨盡力扶持俾彼可

# 與傳貫法師八通

傳貫法師道鑒此次 晚晴 山房書簡 《承遠來問候茲念一切至用感謝一食爲對治惡習禁語爲減少雜事至於求早生 第一輯 與傳貫

晚

俟當來往福林時可以此作旅費謙空二老人前皆乞代爲問安致謝謹陳不宣臘八日音啓 西方乃是宿願未敢忘懷也往福林寺尚須延緩因緣尚未成熟也笨女居士所施十金乞存仁者之處

謙老 人禮華嚴經已開始否惟有此事能報親恩乞精勤禮敬至禱 其

傳貫法師道鑒前上二片想俱收到在此講經不久可舉以後住處未定世變日亟惟求早生極樂耳附 紙乞託令師轉寄菲島呈性願老法師不宣演音啓其二

華經一部近朽人擬讀此經請仁者以此經轉施與朽人至用感謝郵費大約三角五分半單挂號汽車費 問安并致謝朽人近來身體尚可支持惟時有小疾耳茲有懇者前年廣治師曾贈與仁者石印小册法 傳貫法師慧鑒久未晤談爲念謙老人法體康健否乞爲問安空上人前惠賜茶葉久已收到便中乞代 在內乞寄至永春蓬壺鄉普濟寺內善夢收近已改名日善夢謹陳不宣善夢啓立夏日其三

致候附二 傳貫 法師慧覽居惠安一月諸事圓滿昨夕已返泉州住養老院中謙老人前乞代問安諸居士等乞爲 紙乞轉交杜居士謹陳不宣三月廿八日音啓 其四

士現在 意亦可名爲大華嚴寺乞與諸善友商之附一紙便中乞託尊師轉附寄菲島交高文顯爲感不宣八月 傳貫法師道席惠書誦悉至用歡慰世間之事每於無意中而遇得之可見人力謀畫不足恃也詞 衛生院救護會任職彼甚關念仁者便中乞訪談崑山紫巖勝於乾山科山等處 多多矣朽人之

十二日演音啓其五

布海青 鐘修 多病自發心每日讀藥師經後至今身體甚爲康健云云再者近日仁者倘精神甚好乞將朽人處之小 仁者與本寺當家法師談話時便中勸彼云以後每日宜讀藥師經一卷可以消災延壽昔覺圓師體弱 傳貫法師道鑒仁者及謙空二老人處倘有不需用之舊小衫袴乞贈與妙齋師數件又他人倘有 理之倘精神不佳者遲緩無妨也傳貫法師道鑒音啓其七 雖破無妨, 亦乞代妙齋募化一件俾炎暑之時可以著此拜華嚴經也費神至感音啓其

傳貫法師演音啓其八 後即就地焚化焚化後再通知他位萬不可早通知。余之命終前後諸事極爲簡單必須依行否則是逆子也 身體及洗面即以隨身所著之衣外裹破夾被捲好送往樓後之山凹中歷三日有虎食則善否則三日 命終前請在布帳外助念佛號但亦不必常常念命終後勿動身體鎖門歷八小時八小時後萬不可擦

# 與豐德律師四通

豐德律師惷鑒前 朽人擬於閉關後<br />
二月擬來泉因事小住閉關或稍延期<br />
每星期二四六講含注戒本 函想已收到 聞鼓山有人乞仁者介紹來 廈學律案現在已有數人眞實發心學習故 擇要講及羯磨星期日

晚

耶謹復不 豐德律 發起 豐德法師道席惠書誦悉居日光別院半載罕通音問近至南陀閉門思過辭謝訪問爾者仁開 部會本悉已齊備不勝慶忭鼓山已來二位克定師及某師住妙釋寺謹陳不宣演音啓舊二月廿四日其二 古版 略 講菩薩戒本宗要。 往而 四 預備, 屬 册, 書籍甚 講 師 亦其忙也。 岩委論 宣十二月十 律 道席送上毘尼 儀, 擬 甚多, 多行宗記會本濟緣記會本皆請到此爲余十數年來求覓不可得者今者因緣巧合三大。 於明 青年注 之獨居誦經念佛 舊 但日光 属民 九日。 正 意四 講羯 作持 漸愈, 巖不 [演音啓 册。 磨一部仁者前寄來之稿 一部又奉贈華嚴音義 乞勿念不宣義俊法師 能住凡學律者皆住廈門隨時渡海往聽可 二月在養正院講 以此功德迴向衆生豈非利他若出外弘 乞與 念西法師分受之並乞代爲 二册新版四分表記 乞代致候演音啓正 即可於其時校閱也來書所云自利 万廿一 三册, 耳上半年講 5法而自 鉾版印 致候近 日 獲 其 後有目錄 否未定若不講者, 福 德豈非 由日 利 法師等 他, 本請 律 自利 且約 學要 購

時, 豐 漸 如常, 至多再遲半月即可收口醫士謂黃博士泉州人計需實費近百金彼決不肯收費分文其人品至高 德勝 約 故精 明 士 信片 道 力 席。 亦衰性 明信 個半大一約近一個明信片皆血肉狼藉無有皮膚近則後者已 誦 悉近來 願老法師嘗謂此次大病約需 精力 漸減者實因正 月間內症已愈胃 二年乃可復元 也下月即擬掩 口大開故精 一愈前者僅 力驟 關靜 增。 養。外 近 此次醫治 餘 則胃 寸許, 症初 口

其三

受收。 得戒 作印刷品寄者收信之人應罰大洋四角五分數年前余曾被罰一次實無辜而被罰 告云郵局定例凡印刷品可以用開口信封以鐵絲束口貼郵票一分若信件須郵票五分倘內裝信箋, 印經仁者如尚記憶乞便中示知并法名一義俊法師乞代致候 死回 雖 歷時 者 生也仁者俗兄陳居 亦犯偷稅之罪也已滿五應結重謹陳不宣演音疏閏月廿一日。 三個月實甚順遂因已好者未曾復爛是爲幸事實由仁者等爲之誦經懺悔乃獲安穩痊愈起 士前曾來談猶憶去年歸依時致送資幣其數幾圓余已忘記擬以此資當來 念西集一冊附奉上前來函已收到乞代 附奉上永春佛手種茶二瓶乞 寫信之人若已受戒而

# 與念西豐德律師

其四

發展 大熱外發極速之疔毒僅一日許下臂已潰壞十之五六盡是膿血如承天寺山門前乞丐之手足無異。 寒心因此二症若有一種即可喪失性命何況併發又何況兼發大熱神志昏迷故其中數日已有危險 豐念 德西 之狀朽人亦放下一切專意求生西方乃於是時忽有友人等發心爲朽人誦經懺 至上臂漸次潰壞勢殆不可止不數日脚面上又生極大之衝天疗足腿盡腫勢更凶惡觀者皆爲 律師仝鑒惠書敬悉承誦華嚴法典感謝無盡此次大病實由宿業所致初起時內外症併發, 悔至誠禮誦晝夜精 然又

晚

晴

山房書簡

第一

輯

與念西

擬 脚 面 險 勤。 瘡僅 談。 到 並 夷臂 此信 泉 勸 有 州 請 中恐有錯誤之字因匆忙故 小住 少許 上已 他處 數 腫 不 友 人亦為! 日。 處可以免強步行實爲大幸二三日後擬往廈門請外科醫療治臂患, 發展脚上瘡 或往惠安住數日。 朽人 誦 口 不 經。 再返廈 破由旁邊足指縫 如 乞諒之順頌道安演音敬啓。 是以 門即在日光巖閉 極誠懇 之心, 流膿 誦 水 經 關今日因葉居士來, 數日遂得大大之靈 一大碗餘至今飲食如常 感竟 匆匆寫 臂上 令其 能 此 起 一雖未 速愈。 死回 奉 聞。 愈後, 痊愈, 生化 餘 俟

# 與仁開法師

法 善 命 力 仁 人 示 師, 智 知 諸 加 之思 開 識卒 大 被, 律。 事, 法 終獲安穩。 師律師 ·輕評時 師道鑒 朽 在 好爲 以障 人已 八人師」 詳 」等諸尊號一概取銷以後誓不敢作冒牌交易且退而修德閉門思過幷擬將南 弊, 緣 前 但經 專說 重重, 細 承過 思審, 逐即 此 人非大言不 此語出孟子宗論引用。 談, 至爲 風 惠施 霜 中至至古浪後境緣愈困煩惱愈增因以 磨鍊遂得天良發現, 慚惶。 多品, 朽 - 慚罔知 感謝無 人初 等語服膺不 自省去冬大病實爲 盡荷 出家時常讀 施 十金擬 生大慚媿追念往非, 不 忘。 靈峯諸書於「 **豈料此次到** 以 請 良藥但 購 Ħ 種種方便努力對治幸承三寶慈 本 「病後精力乍盛 古版 噬 南閩後遂爾 不可輕學妄動 臍 佛書, 無 及決 而 失足妄踞 定 爲 先將 又復妄 胎 永 久紀念 羞 法門, 《想冒充 加位自 老法 山兰

等其相 師賷奉適今日有便人託其帶奉朽人當來居處無有定所猶如落葉一任業風飄泊可耳。 大部重標點一次誓以駑力隨分研習倘天假之年成就此願數載之後或以一得之愚卑陬下座與仁 商権也前承仁等所示諸事今非其時願俟畢日諸希亮察爲幸謹陳不宜 此書本擬請傳貫

#### 與律華法師

勤,悲 弟子並乞彼時賜教誨雖受惡辣之鉗錘亦應如飮甘露萬勿捨棄至囑至囑音啓 議不敢明言今朽人已西歸矣心中尚有懸念者以仁者年齡太幼若非親近老誠有德之善知識恐致 退惰故敢竭其愚誠殷勤請於仁者乞自今以後與妙蓮法師同住且發盡形承侍之心奉之如師自稱 佩朽人撫心自問實萬分不及其一故朽人與仁者長久同住能自獲甚大之利益也妙蓮法師 律華法師澄覽朽人與仁者多生有緣故能長久同住彼此均獲利益朽人對仁者之善根道念十分欽 願深切爲當代僧衆中所罕見者且如朽人心中敬彼如奉師長但朽人在世之時畏他人嫉 行持精 が疑

# 與芝峯法師五通

芝法師 [座下頃奉惠書並大著歡喜無量大著深契鄙意佩仰萬分將來流布之後必可令多數學子同 晚 晴 山房書簡 第一輯 與律華 芝峯

然於佛 誠 傳布日本乃至歐美者以末學所 後無論居住何處總宜專力於學問及撰述之業至若作方丈和尚等 方文學傳播 之因現代出家 識如是致力 仁者神交以 欲居廈門則 奉 勸。 雜 學所 之因, 陳蕪 歐美可爲世界第一大導師則將來受仁者法施之惠者豈僅 造甚爲淺薄仁者將來學業成就所 十數年所造 乞移錫 來, 仁者法施功德寧有旣耶前日聞仁者與醒法師有往蘇州之意鄙見以爲未妥倘仁者不 辭, 人中能任方丈和尚等職務者甚多甚 垂 一十年矣竊念當今之世如仁者英年績學者誠爲希有若再深入 幸垂省覽音啓 金仙。 必可在虛大師之上當仁不讓願仁者努力爲之日本學者著作 又靜公近擬接受杭州招賢寺倘能成就則仁者住居招賢甚爲適 知所最信仰者當以仁者爲第一人矣末學於仁者欽佩旣深故敢掬 有著作必能 多而優於學問能繼續虛大師弘宣大法以著述 令日 人 之職務願仁者立誓終身決 五體投地萬分佩 中華已耶末學敬 教海旁及世俗 仰。 雖條理 且 勸仁 直末學與 可譯 者,今 不爲 可觀 之學 西

肺病 芝峯 終日忙碌凡寫字作文等事皆悉從緩草此奉復順頌禪安演音和南三月三日其二 欲深 甚 法 劇。 師 造, 又有 座下。 非 惠書敬悉: 一人正 有 五年之工夫專心研習 在 嘔 此次講律聽衆甚 血 不止臥牀不起 不 盛寄住寺中者六七人皆自己發心 可聽衆 之時而 立刻停 中有二三人誓願甚 止 晚餐, 不顧身命。 堅 固, 過午不食。 北令人 或可發心 感佩。 專修 內有二 現 已 人息

其

師所撰 專門名詞 下, 目之大意後釋題目之字義釋歌詞中先述全首歌詞之大意次略爲分科後乃解歌詞之字義 此 執 附 仙 程 筀 錄 寺 度用 審當 構 奉 訪 法 之三歸 思。 上。 幻 師慈鑒久别甚念音今春以來疾病纏綿至今猶未復元故掩室之事, 者亦乞再 乞教 白 否謹錄之以備參考此歌 且白 法 話文撰 師, 依歌亦乞撰註釋並曲譜寄下以便宣佈至爲感謝謹此懇請順叩法安演音和南。 正。 藉 話 歌詞 文字亦非音之所 聞 以小註解之註釋之法以拙意懸擬每首宜先釋題目後釋歌 極 座下近況至用欣慰音因劉質平居士諄諄勸請爲 淺顯之註釋併 文義深 奥非常 爲 長, 令此等學生閱之可以一 初中二年以 擬奉懇座下慈愍爲音代 人所能了解須撰 上乃至 淺顯之註 再科學 目了然註 撰 歌詞 解辨 生所用彼等罕有 解其義音 撰清凉 註 釋至用 釋中 不得不暫從緩。 ·或有 歌 詞釋題目 感禱。 多病, 集第 不得 素信佛 茲 精 輯。 略 神 中, 法 而 陳 衰 前 歌 也虚大 先 日到 者, 頹 用 拙 詞 九月 述題 乞準 佛 意 萬 五 學 如 難

耳。 惠 痛 四 日 授 下 敬悉。 慈訓深爲 華 其三 番 雲 承 師 T. **ぶ諾代撰** 習字已半月 夫 感荷。 然後 他日 釋文感謝無盡居金仙已兩旬餘承 再 閱禪安 頗有 通信之時乞代爲問安又侍者陳人蓮居士處亦希致候。 進步。 之書乃爲穩 亦嘗 與 妥未 密 唵 審尊見以爲 師 晤 談 彼近関 亦幻 何 和尙優遇甚至自惟 禪宗語錄鄙意勸 如。 末學 近擬 讀 大 般若 謹復順頌慈安音和 彼 德薄 應 經。 能鮮, 先 曩 於 時用 承 法 虚 相 大師 慚悚 三論

晚

山

房書

簡

第一輯

與芝峯

南九月廿五日其四。

法安演音和南八月五日其五 居山中靜養也當來若返浙時必趨候法座但一時恐未能如願至用悵然來函所云邇來遭遇等似出 傳聞之訛因近來諸事平靜無有變動前月開元火災亦未受擾亂也大醒寄塵諸法師已往汕頭順頌, 有風 症之象且手足時常麻木故不敢行。又不久天氣即寒更非老驅所能堪忍故仍擬暫居泉州稍遲 法師全鑒惠書欣悉一一甚願即往金仙與仁等晤談但衰老之驅頗畏舟車之苦近來手足無力恐 即移

#### 與慧律法師

金仙時之淸閒草此奉復順頌法安演音和南二月十七日 仙 **慧律法師道鑒惠書具悉一一至用欣慰現已在此講南山律何時能止尚未能定倘至外江時必來金** 奉訪 座下也芝峯法師已往武昌舊友雲散今唯有寄塵法師一人在南普陀耳音近多忙不似前居

# 與如影法師三通

如影法師慧鑒擬請仁者每日讀誦普賢行願品以此功德迴向衆生同消業障齊成佛道即是仁者出如影法師慧鑒擬請仁者每日讀誦普賢行願品以此功德迴向衆生同消業障齊成佛道即是仁者出

家之日每日必須發願生西了生脫死常住快樂又云上求佛道下化衆生是日持誦普賢行願品三卷。

所尊 如影淡食智鑒仁者發心食淡多年刺血寫經勝願隆德至爲希有不惜身命爲法捨身將來必成如影淡食智鑒仁者發心食淡多年刺血寫經勝願隆德至爲希有不惜身命爲法捨身將來必成 也此 周 年當爲仁者書寫普賢行願品偈頌一卷以爲紀念守持庚辰年晚晴老人弘一敬述其 請仁者仍繼續持誦普賢行願品可以消災除難又食淡之事亦可如常而持不得違背道業

可能精進勿退也此請德安沙門演音敬上其二

無盡妙慧法師奉若居士本寺諸法師均乞代爲致候弘一啓其三 妙如抉影 二法師仝鑒茲有 同往普濟寺至用感禱。 妙蓮 再者朽人擬託仁等代購紙張帶至泉州另紙詳陳乞慧詧種種費神感激 師擬往普濟寺苦於不識路程乞二位法師中有一位枉駕至泉州陪伴妙

# 與妙慧法師二通

仰欽敬者 來乞仁者愛護照拂一切至感音又白。 閉方便關 妙慧法師道鑒茲介紹妙蓮師至尊寺居住彼爲圓暎老法師之徒孫道念堅固悲心深切爲余所最景 一心用 彼到尊寺後乞仁者格外愛護照拂一切凡寺中早晚課誦等皆乞仁者囑彼無須隨衆可以 功諸承費神感謝無盡順頌法喜音啓林居士乞代致候 其一 再者又介紹壽山師

晚

晴

山房書簡

第一輯

與妙慧

知即以此贈與余爲感送上洋一圓乞代購白布以能涉水而小蟲不得出者爲宜費神至感音啓其二 妙 法師鑒茲擬做大瀍水囊一件茲送上竹圈一個即以白布縫於此上此竹圈係林居士物乞代告

### 與廣心法師等

居近 罪諸乞鑒諒爲禱順頌法安演音敬上卅一年七月廿四日。 廣 心法 處仍閉門 師勝良勝慈勝華居士仝鑒屢奉惠書敬悉一一盛意殷誠感謝無盡自昨日 關 謝客靜養年來衰老 益甚精神恍惚未能勝長途舟車之勞往漳之約只可延緩失禮之 始見客稍遲, 擬 移

#### 與廣洽法師

不宣壬午三月卅日音啓 聞已借與 廣治法師慧覽變亂後久不通訊甚念拙書藥師經前七年曾以贈與仁者存貯日光巖木箱中去年曾 、番居 士影 印近因覺圓師擬建大藥師寺擬請仁者以此經轉施與大藥師寺至爲適宜謹

# 與東華法師三通

東華 法師 道席。 册。 承惠寄石 在承 天寺講藥師經時, 章已收到感謝無盡拙書一紙附奉上謹復不宣十月八日音啓 他人所記 之稿余未閱過不 入 中。 今編藥師

持念明年何 東華 析 法 師慧 厚 時來 鑒惠書誦悉。 前 泉未能預定須視身體精神如何屆時由傳貫師預以函達略復不宣十一月廿八日。 年 毎日 誦經 數卷餘暇則持名或持呪能勿間斷爲善執務陪客行路 可登 報 其 等時, 亦應

音啓其二

來者, 送有送來者決定不收辛巳十二月二十二日弘一其三 東 海 不寫。 法 師慧鑒領請藥師經析疑寫稿, 必須託專人送名款至茀林守候領 不預定日期俟候通知以後有送紙來者, 取者乃可 書寫倘有特別之件必須用宣紙寫者由 一 不 收 有 由郵局寄名款 [余贈

# 與妙齋法師二通

精勤, 疑 欽 律妙 佩。華齋 議、不 悲 法 朽 い師澄覽朽· 敢明言今朽人已 願深切爲當代僧 無心 自 問實萬分不 人與仁者多 一西歸矣心中尚有懸念者以仁者年齡太幼若非親近老成有德之善知識恐 衆中所罕見者且 及其一。 生有 緣, 故朽 故能 一如朽人心中敬彼, 久長 人與仁者長 同住, 彼此均獲利 久同 如 住, 奉師 一能自獲甚大之利 益朽人對於仁者之善根道 長。 但朽人在世之時 益也妙 畏他 蓮 法 念十分 人 師 嫉妒 行 持

晚晴

Ш

房

書

簡

第

輯

與

妙

齋

晚

啓 其 二 先念南 成佛道又念四生登於寶地等四句又念南無阿彌陀佛十句畢妙齋法師鑒仁者施食可依此行 願 致退惰: 是諸神鬼等衆早得人身消除業障往生極樂世界速證無上菩提並願以 弟子並乞彼時 故敢竭 無阿 爾陀佛十句手持供水及米粒至出生臺前念云以 其 愚 誠殷勤 施 教悔雖受惡辣之箝捶, 勸 請於仁者乞自今以後與妙蓮法師 亦應如 飲甘露萬勿捨離至囑至囑演音弘一敬 此供 同住且發盡形承侍 水及米粒施與一切神 此施食功德普施有情齊 之誓。 鬼等衆惟 白。其

# 與曇昕法師三通

者二紙乞 感謝無 曇 昕 法 盡。 師澄覽前承枉 農曆十一月十九日音啓其 轉贈道公壽慶朽人未能趨禮茲託龔天發代表隨喜盛會護生畫集乞交彼帶下種種費神, 談至爲 

曇昕法 曼昕法師道鑒惠書誦悉承寄各件收到感謝無盡書幅附奉上行證擬從緩不久時事或可平定也仁 師道 厚情前存百源庵之行李三件乞便中託人送下至感謹陳不宣二月二 鑒前荷招待 一切感謝無盡此次朽人至惠安當地緇素靡費金錢至巨不得不 十九日音啓 居住

集甚能警策身心乞常閱之不宣音啓其三 等又云所有不絕如綫之一脈僅寄足下萬萬珍重愛護養德充學以克荷之余於仁者亦云然矣寒笳。 重冀爲佛門龍象以挽回衰頹之法運扶持顚覆之象蕅益大師寄澈因比丘書云吾望公甚高勿自卑, 者近來行持如何時以爲念常閱高僧傳否誦經念佛日益精進否仁者系出名門幼受敎育應自尊自者近來行持如何時以爲念常閱高僧傳否誦經念佛日益精進否仁者系出名門幼受敎育應自尊自

# 與覺徹法師三通

頭祈保亭轉交順頌法安弟弘一頂禮五月十一日其一 之信已轉到性常法師現住草庵彼寄來之信亦收到乞便中代達弟現住鄉間通訊乞寄漳州東門浦 久未晤談甚念弟於廈門變亂前四天已到漳州講經故倖免於難覺圓法師乞爲致候前寄至妙釋寺

請法安弟弘一和南九月五日其二 在漳弘法諸事已漸完畢倘時局平靖不久即返泉州擬先到尊寺暫住數日性常師與偕往也謹達順

於二十日已到安海因弟之瑣事甚多性常師患眼病故一時未能返泉倘惠安傳貫師有信寄至尊寺 者乞費神轉寄至「安海水心亭弘一收」至感順頌法安弟弘一和南九月二十三日其三

## 與覺圓法師八通

乞代收藏存貯不可轉寄因余稍緩或返泉州候此處弘法之事略有根基即可酌定他往之期也謹復, 承轉寄佛學書局兩函已收到感謝無盡據書局來函謂有梵文普賢行願品十包寄至尊寺如寄到時,

不宣演音啓覺徹法師乞代致候其一

打門板 三零氢書具悉一一諸承費神至用感謝前存之草包箱竹籠經包紙包綿被等物有雨水沖入乞一一 看並在1 日光中曝曬爲禱藥師講稿想現在不能付印故擬緩緩奉上前由性常師代復一函想

收到。 謹達不宣四月十九日音啓其二

至四五 件乞送至百源庵託覺徹法師收存併乞代爲問安五月廿五日音啓 惠書誦 千册尤善講稿頁 悉諸承費神感謝無盡講稿擬於下月十五日以前交郵局挂號寄上余近來身體尚健余之物。<br/> 經持名持呪等方法最爲切要須廣爲 數與前所印者大致相同乞預籌備 流通也附白。 印費稿中所載者爲藥師如來法門之供 此講稿擬 多印。 至少 兩千

又圈點亦乞詳校之此書與安海法音錄大致相同乞帶與彼閱之仁者於七月十五日後往何處其通 法師慧鑒茲寄上講稿乞收入其中く記號即是空一字校對之時乞十分注意己字與已字不同

其三

敬誦

訊地 」址乞預示知余之箱物乞存於百源菴仁者離承天寺時乞囑託可靠之人代余收信件至禱不宣。

六月初十日音啓其四

長之介紹書亦乞交去(二)前送寄百源庵之大柳條箱 覺圓 仍在泉州否仁者晤時乞爲致候六月廿二日音啓其五 四册交郵局挂號寄下特別通行證如可換得亦乞一併寄下否則先將淸涼歌集寄下爲感會順居士四册交郵局挂號寄下特別通行證如可換得亦乞一併寄下否則先將淸涼歌集寄下爲感會順居士 滿期乞向師部換取新者乞訪蔣百齊參議室主任或張參謀長皆可又有郁達夫居士致錢東亮師 法 師道席惠書誦悉講錄封面即寫藥師法會可也茲有二事奉託如下(一)余之特別通行證 俗稱爲草包 中有淸涼歌集一小包乞檢出

朽人已著手編輯藥師經析疑年內可以編就明春抄寫弘一敬上其六 覺圓法師慧鑒茲擬借閱藥師經晉譯隋譯唐義淨譯三種藥師 經各種註解。 唯纂解不借此外皆乞交下。

朽人 廣覺義圓 敬借閱智燈疏一册疏鈔擇要一册直解一册古疏一册講記一册旁解一册共六册其餘十九册奉還 之處請格外原諒爲禱音上正月廿五日其八 用功之時 舊藏古版纂解及義疏兩部已受收種種費神感謝無盡覺圓法師道鑒音啓二月十六日。 法師 決定一概收受書寫現在往他處弘法或用功故於泉州之寫件須暫辭謝並乞云種種失禮 仝覽以後泉州諸公屬寫字者皆暫辭謝未能收受乞云俟將來居住泉州弘法之時, 非關 其七

晚晴

中華民國八十二印贈者:蓮印贈者:蓮

二年正 頂崁村!

万中旬恭 15

節之

因

寺

弘一大師書簡

